

Jon

Kale mo fo whi alée feletei

¹ Mo take ɔla ɔla fea keké nale alimó, kale fo haɓe bitipakalepó. Ai fota, Kótó ɓtamo betamó bitipakalepó. Ai fo mo Kótó ɓtórótípó.

² Ai kale fota, mo take keké nale alimótei, Kótótamo betamó bitipakalepó.

³ Aleyóló muló betere ɔla ɔla mo fea Kótóné ɓpaae naao aleyae depa, amatóro kaarélipakalepó. Ere ó mole ɔla ɔla fea haɓe kaani, amatóro kaaró beterapó.

⁴ A tuamó betere bete molepó. Ai betere betené so whi fea demó beterópóló, derótu betalepó.

⁵ Ai dené diliki tuapaae derótu beteretei, dilikiné sukó faróló alurótimpó.

⁶ Kótóné betɓ whi dotonatepa walepó. Ai whiné ama doita, Jon-pó.

⁷ Jon ɓ waleteita, so whi feané ai detere kilitu-raalu ɓpaae kisipa tiróló beterópóló, kale detere bete i ape yóló haɓearóló yó melaai walepó.

⁸ Ai deterené beteta Jon ɓ meitei, so whi feapaae detere bete ai ape yóló, yó melaai walepó.

⁹ I haemó betó mole so whi feapaae derótu betere mo de bete ɓ i haepaae sókó waairaaalu, teó wou betalepó.

¹⁰ A i haemó betóo, i haeró yó mole ɔla ɔlatamo Kótóné ɓpaae aleyae depa, amatóro kaaróo epatei i haemó betó mole so whiné kilitu, ɓ etei kaae Talepóló kisipanipó.

11 Atéro, a ama be whi so whi betere turuku bepaae waletai, atimané a kale whipóló wisiyóló dape sere ala inipó.

12 Tépaitei, mepaae so whi dené Yesu dape sóo, a etei kaae whipóló ama yó matere fo wosóló, a paee tué tiki tiróo, yale so whita, Kótóné mo ama naale senaaletóro beterópóló, sóro beteralepó.

13 Ai naale senaaleta, mo so whiné naale senaale detere kaae ó whiné tó tiki fotokóné ó so omané ama hekesere alanékélé mei, Kótónétóro atima deyóló betéro beteraipó.

14 Téró, kale fo mo whi alée fóló, da tuámó kapala kuti be teyóló bitu dere kaae asiri betalepó. Atépa, a tuámó ere ala wisinaale dané kelalepó. Ai ere ala wisinaaleta, Alima Kótóné dotonale mo beta betere naale tuámó faanapó. Ai seké a tuámóta, koletu hamokoróló hale tao sere alaró mo fotamo turó bulapó.

15 Jon-né ai sekémó kisipa mutu fo fakeyóló duraalu, “Take yalo diapaae noa fo yaleé? ‘Nalo yalo kilipaae waaire whita e kaae mei, e yalo haené deyaai, a mo taketi betóo, ekélé tetoróló bosene fío, ere doa seké whi waalopóló bope du betaletai atóro ai ape,’ ” yalepó.

16 Ama košené sukutu, hamokoróló hale tao sere ala wisi a tuámó faanu, wei kaae feleyóló wapa dané mo dekéro su betalepó.

17 Ti noatepae, Kótóné kale tukóló muló betere forapeta, Moses-paae matepa, amamo so whipaae meló beteraipó. Téyaletei, košené sukutu hamokoróló hale tao sere alaró mo alatamota, ti Kótóné Yesu Kerisopaae matepa, amamo dapaae malepó.

18 Whi mo betané Kótó kolókélé initei, alimané hosaa tuamó betóló wale Naalené amatóró, Alima etei kaae ala ere Tale beterapóló, dapaae hakearóló yó malepó.

Jon-né ama hó makemó dokore képi ama teraanénipó yale fo

(Mat 3:1-12, Mak 1:7-8, Luk 3:15-17)

19 Atéroro etéyalepó. Jerusalem bemó betó mole Juda topo whirapené dotonale momaratere whiraperó Lipai fake whirapetamo Jon beterepaae fóló apaae, “Yá deé?” yóló wosalepó.

20 Atétepa, Jon-né atimapaae tokó melaaire fo hiréni, a etei kaae whipóló hakearóló i fo yalepó. “Kótóné so whi fea tetéroró kaae tanópóló, sóró betéroro betere whi Keriso e meipó,” yalepó.

21 Ai fo depa atimané apaae woseturaalu, “Ti ya Elaijapé deé?” depa, ama du meipó. Tétepa atimané du, “Ti yata, take asemó ere foné waalopóló bope du betale Kótóné koló whié?” depa, ama duraalu, “Ai whikélé e meipó,” yalepó.

22 Tétepa, mo ti kemeróló atimané apaae duraalu, “Naao ya depó dute? Da doteyale whirapepaae ene faaipa, ya etei kaae whipóló dapaae hakearóló yae,” yalepó.

23 Ai fo depa, ama atimapaae tokó matere alata, mo take betale Kótóné koló whi Aisaiané asere fo yó mótu duraalu, “Whikélé bitini, hale kópu kaae fi tikimó wóló daalu fo fakeyóló,

‘Tale waaire tu donoyóló aleyae,’ fo maaté ene wale whita, ti e i ape,” yalepó.

24-25 Atétepa, kale mepaae dotonatepa wale Farisi whirapené apaae duraalu, “Yata, so whi fea

tęteróló kaae tanópóló, Kótóné sóró beteró betere whi Keriso ó Ilaija ó Kótóné kóló whi betaǵakélé meipa, ti so whi naao noatepa weı tópurótu bitu de?” yalepó.

²⁶ Tétepa, Jon-né atimapaee tokó mótu duraalu, “Yalota, diǵa weı maaté tópurótu betteretei, whi beta diǵa tuǵmó ai daaletei diaaǵ kisipanipó.

²⁷ Ti ai sekęta, ę wale kılıpaae waalopóló bopetu betale whipó. Aǵa, mo doa sekę whi betepa, ę naale ketei kaae, ǵ aǵmó bettereteiné ama hǵleke bené kępi yaló teraanénipó,” yalepó.

²⁸ Ai alarape du betaleteita, kale Jordan weı tę utéró tęne Betani bemó du betalepó. Ai beta, Jon-né so whi fea weı tópurótu betale tikimó tęnapó.

²⁹ Be deǵyó hotopa, ai alarape yale kılıpaae etéyalepó. Yesu ǵ Jon beterepaae wou betepa kolóló, Jon-né atimapaee duraalu, “I hae kwia feamó betó mole so whiné dowi ala tokóló aluraaire Kótóné ama *Sipsip* hupu male ai walapa kelae!

³⁰ Ǽkélé deyaai, mo taketi betere doa sekę whi yaló kılıpaae waalopóló diǵpaae bopetu betale whıta, ǵ ai ape.

³¹ Yalokélé ǵ wisiyóló tuęnitei, ę wale beteta, ti Israel fake so whiné ǵ tuę yópóló haǵearóturaalu, yaló weı tópuratere ala maaté yaai walepó,” yalepó.

³² Atéró, Jon-né ama mo kelale ala so whıpaae haǵearóló yó mótu duraalu, “Kótóné ama Deı Kepe Wisi hepen be taaróló, dorowóló ba hǵkósere kaae ama tikimó betepa yaló kelené mo kelalepó.

³³ Yalokélé ǵ tuę wuǵ meitei, so whi weı tópurǵle fae yóló ę dotęyale sekéné amatóro ępaae etei fo yalepó. ‘Deı Kepe Wisi bitı dorowale whiné amata,

diã fea Deji Kepe Wisitamo weji tópuraaalo ai ape,' ” yalepó.

³⁴ Atéró Jon-né duraalu, “Yalo kelené mo kelale alatóro diãpaae i dapa wosae. Kótóné Naalemata me kaae mei, ątóró ai ape,” yalepó.

Yesuné whi tamopaae diaamo noa keketé yale fo

³⁵ Atéró, fiyóló be deęepa Jon ą ama yó matere whirapekó tamo whi atima fea ą daatua dere tikimó momó fóló daalepó.

³⁶ Atéró daalemó, Yesu ą metikipaae faai fupa kolóló Jon-né duraalu, “Kótóné ama kale *Sipsip* hupu male ai fulapa kelae!” yalepó.

³⁷ Jon-né ai fo depa wosóló, ama yó matere whi tamo Yesu fimó, nalo sya felepó.

³⁸ Atétepa, Yesu ą fetée daaróló kelalemó, whi tamoné ą sya wou betepa, atimaamopaae wose-turaalu, “Diaamo noa keketete?” depa atimaamoné duraalu, “*Rabai*,” ai fo feteyóló “yó matere whi-ó, ya betere tiki momó ere?” yalepó.

³⁹ Atéró, ama atimaamopaae duraalu, “Ape. Wapata, ti diaamoné kelaalopó,” yalepó. Tétepa atimaamo fóló, ą betere be kolóló, be deę betą ątamo aimó betalepó. Até dere alata, ti dou sukakelemó du betalepó.

⁴⁰ Atéró, kale Jon-né dere fo wosóló, Yesu sya fele whi tamo meta, Saimon Pitané noma Andrupó.

⁴¹ Andru ą metikipaae feni, noma Saimon-pi kekalemó keletepa duraalu, “Mesaia dané kelalepó,” yalepó. Ai fo bete feteyóló so whi fea teęeteróló kaae tanópóló, sóró betero betere whi Kerisopó.

⁴² Atéroró, Andruné noma Saimon Yesu beterepaae dapesó wóló betepa, Yesuné Saimon kolóló apaae duraalu, “Yata, Jon-né naalema Saimon-pó. Mió naao kisi doita, Sipas mulatapó,” yalepó. (Sipas doi feteyóló Pitapó.)

⁴³ Ai ala du betero híka be detepa, Yesu a betere tiki taaróló, Kalelipaae faai kisipa mualepó. Atéroró fóló, Filip betepa kolóló apaae duraalu, “Filip-ó, ya e sya ape,” yalepó.

⁴⁴ Filipta, Andruró noma Pitatamo betere Bet-saida be hulua whikópó.

⁴⁵ Téró Filip-né Nataniel kekalemó, hokolaa depa apaae duraalu, “Mo take Moses-né asere Kótóné tukóló muló betere foró mepaae koló whirapené asere fotamoné waalopóló bopetu be-tale whi dané kelalepó. Ata, Nasaret be whikó Josep-né naalema Yesupó,” yalepó.

Nataniel-né Filip-paae Nasaret bemó noa ɔla wisikó kelaalopóló de? yale fo

⁴⁶ Ai fo depa, Nataniel-né Filip-paae duraalu, “Ai Nasaret be huluamó noa ɔla wisikó sókó waalopóló de?” depa, Filip-né duraalu, “Wisirapa, naao kelaai ape,” yalepó.

⁴⁷ Tétepa, kale whi Nataniel Yesu a beterepaae wou betepa kolóló, apaae duraalu, “Israel fake whikó whi wisinaale ai walapa kelae! A tuamóta, kapala ala mo sawakélé munipó,” yalepó.

⁴⁸ Ai fo depa, Nataniel-né apaae duraalu, “Naao e netéro tué yaleé?” depa, Yesuné duraalu, “Filip-né ya ape yaaipatei, nose sirimó betepa ya yało kelalepó,” yalepó.

⁴⁹ Tétepa, Nataniel-né ɛpaae hɛkearóló duraalu, “Yó matere whi-ó, yaɬa mo Kótóné Naalemapó. Israel fake so whi ɬeteróló kaae tare doasi topo whiɬa, me kae mei, yaɬóróti ai ape,” yalepó.

⁵⁰ Ti fo depa, Yesuné duraalu, “Mió naao ɛpaae kisipa tiki tiratere beteta, ya nose soumó betepa yaɬo kelalepó dere fo woseturaalu dapó. Aita wisiretei, take nalopaae ti mió i keletere alakélé fea bosenóló, mo doasi alarape eratepa kelaalopó,” yalepó.

⁵¹ Ai fotamo touróló, ama me i fo yalepó. “Yaɬo diɛpaae mo i dere ape. Hepen be tu tukwe fóló mupa, Kótóné ama *ensel*-rape kale Whiné Naalemané tikimó daayóló, ópaae hutua ipaae durua du betepa, diaaɔ kelaalo ai ape,” yalepó.

2

Mo weiné wain weí alée fele fo

¹⁻² Atéro ai alarape yóló kemetepa, be deɬ tamo beteró, sore be deɬmó, Kaleli hae kwiamó ɬene Kana be huluamó whi betɔ so dokoturaalu detere ɔla naai ape depa, Yesu ɛkélé, hama Mariakélé, ama yó matere whirapekélé, atima fea fóló so dokotere tuamó beterepó.

³ Atéro, ai ɔla detere sukamó naai donoróló mulale *wain* weí fea nóló kemetepa, hamané ɛpaae duraalu, “Atimané *wain* weí fea kemeyalepó,” yalepó.

⁴ Ai fo depa, Yesuné duraalu, “Ti so wisi-ó, aita atimané yaaire alapa, naao ɛpaae atima tao sae dere noatepa de? Yaɬo tukóló muló betere ala yaaire be deɬa teórapó,” yalepó.

⁵ Ai fo depa, ama hamané kale ɔla detere ala kaae tare doasiné kutó diratere wh̄irapepaae duraalu, “Ama dīapaae noa alakó yae depa, ti sya fóló yae,” yalepó.

⁶ Kale Juda fake atimané mara mole ala sya furaalu, naase fokotua yaai dapóló, kanené aleale apo miró wutirape w̄ei maanipa, felekemó daalótua erepó. Ai wutirapemó w̄ei maatere ɔleta, mepaae 75 *lita*-rape, mepaae wuti ti 115 *lita*-rape supó.

⁷ Atéró, Yesuné ai kale kutó diratere wh̄irapepaae duraalu, “Ai wutirape fea w̄ei nóló ɔanae,” depa, mo ti bokóta eralepó.

⁸ Atéró, ama atimapaae duraalu, “Ai belere w̄eirapekó mepaae tepeyóló ɔla detere ala t̄eteróló kaae tare doasipaae male fae,” depa male felepó.

⁹ Tétepa, kale mo w̄einétei alée fele *wain* w̄ei kale ɔla detere ala t̄eteróló kaae tare wh̄iné nalemó, mo *wain* felétóró yalepó. Ai sekéné ai *wain* w̄ei sale tiki ɔ tūenitei, kale kutó diratere wh̄irapené maaté mo w̄ei sóró tepeyale ala kisipa ipakalepó.

¹⁰ Téró, kale ɔla detere ala kaae tare doasiné so dokore wh̄ipaae ape yóló, tu ɔpaae dapesó fóló duraalu, “Wh̄irape feané i ala dua dapó. Folosóró wisi *wain* w̄eipi n̄ópóló melóo, nalo mo sawa felétere *wain* w̄ei melóo, dua dapó. Tépat̄ei, wisi *wain* w̄ei mulóló, nalo noatepa sóró waleé?” yalepó.

¹¹ Yesuné me ala yaairemó erale kelemei alata, Kaleli hae kwiamó t̄ene Kana be huluamó folosóró kaae suraalu yalepó. Atéró yale alané ama

ere ala wisinaale haķearatepa, ama yó matere whırapené kilituraalu, aḗpaae tué tiki tiralepó.

*Moma dere bemó ɔla ɔla duputamo du betale fo
(Mat 21:12-13, Mak 11:15-17, Luk 19:45-46)*

¹² Ai alarape fea kemetepa, Yesu aķkélé, ama hamakélé, nomarapekélé, ama yó matere whırapekélé, atima fea ai Kana be taaróló, Kapeneam be huluapaae derepelepó. Aimó atima mepaae be dęrape betalepó.

¹³ Atéró, ai alarape yóló kemetepa, kale bosenóló fele be dę felekemó sókó waaı deremó, Yesu a Jerusalem be huluapaae holalepó.

¹⁴ Atéró holóló bituraalu, a moma dere be bopére tipi tuapaae sókó holalemó, whırape mo feané *bulmakau* hupurapekélé, *sipsip* hupurapekélé, ba sukusirapekélé, mepaae whırape atima ni fake tómó betó mulu, kae kae fakené sóró wale *moni*-kélé duputamo yóló, u mótu i mótu du betepa kelalepó.

¹⁵ Até du betepa, kale *bulmakau* hupuró *sipsip* hupurapetamo belapaae fópóló, Yesuné aimó mole halika tikiné fokosó sóró hõkonóo, ni fake fetée deróló fesekeé falóo yalepó.

¹⁶ Até du beteró, kale ba sukusirape dotonóló *moni* su betere whırapepaae duraalu, “Yalo Aya-paae maaté moma yaai tene betei, diaaḗ noatepa ɔla ɔla dotonaterere tiki aḗrótu bitu de? Até dere alané yalo Ayané be doratapa, diaaḗ ai ɔlarape fea sóró fae,” yalepó.

¹⁷ Ai ala ama yó matere whırapené kilitu, kale ašemó i ere fo tué mualepó. “Kótóné ama be do-

raqsóro wisiyóló kaae tawaaire ketekęta, ę tuamó si kaae daalopó,” erapó.

18 Téró, kale Juda topo whırapené ąpaae fo fotokıiné duraalu, “Naaó atei kaae ala yópóló, ya né sóró beteraleeé? Ya Talené sóró betero whıpóló kisipa yópóló, naao dąpaae noa kelemei alakó eraaloé?” yalepó.

19 Ai fo depa, Yesuné atimapaee tokó mótu duraalu. “I momatere be diaaq fisikó mulae. Tétepa, yalo sore be demótóro momó teyóló kemeraalopó,” yalepó.

20 Ai fo depa, atimané ąpaae duraalu, “Take ai be tetu betepa, 46 ba forape kemeyalepó. Téyale betei, naao mió be de soremó momó teyaalopó dere fota, netéro teyaai de?” yalepó.

21 Yesuné ai yale fota, mo moma dere bemó initei, ama tikimó kisipa muturaalu yalepó.

22 Take ą sukóló momó kepaayóló betere kilipaae ama yó matere whırapené ama yale fo kisipa muni walepó. Yesuné i yale fokélé kale ašemó ere fotóro mo dokonalepóló, atimané ąpaae tuę tiki tiralepó.

23 Téró, boseneyóló fele be de sókó wapa ęla detere fulamó, Yesu ą Jerusalem bemó beterepó. Aimó bituraalu, Kótóné eratapó kisipa yópóló kelemei alarape eratepa so whı mo feané ąpaae kisipa tiralepó.

24 Téyaletei, so whı feané hosaa tuamó mole alarape ama kisiparuraalu, atimané du betere fo mo dápóló wosóló, aqmó bitinipó.

25 Ti noatepae, so whı feané mole tuę tikiró dere alatamo kelaairetei kóló kólópakó, mené ą yó

melaaié?

3

Yesuró Nikodimas-tamo yale fo

¹ Téró Farisi whikó Nikodimas beterepó. Aṭa, Juda fake so whi teteróló kaae tare topo whirapetamo betamó kutó ditere doasi doi mole whipó.

² Ai whi ɔ dilikitamo Yesu beterepaae wóló duraalu, “Yó matere whi-ó, yaṭa Kótóné dotonatepa wale yó matere whipóló dané kisiparapó. Ti noatepae, Kótó yaṭamo bituameisóró, ti mepaae whiné enénire etei kaae doasi kelemei alarape erótu bituameipó,” yalepó.

³ Ai fo depa, Yesuné ɔpaae haḱearóló duraalu, “Yaḱo yaṭpaae mo i dere ape. Whi mo betakélé hamané ɔ detu yale kaae momó denitepa, ti Kótóné teteróló kaae tare ala mo kelenénipó,” yalepó.

⁴ Yesuné ai fo depa, Nikodimas-né ɔpaae duraalu, “Disiyale whi haené depe tuɔpaae netéró bitɔ doropóló, momó deyaaloé?” yalepó.

⁵ Tétepa Yesuné ɔpaae duraalu, “Yaḱo yaṭpaae mo i dapa wosae. Mo betɔ whikélé weiró Kepe Wisitamóné deyóló muló bitinipa, ti Kótóné teteróló kaae tare ala tuamó sókó fóló betenénipó.

⁶ Mo whiné detereteita, ti whi tiki daaitóro deyóo, Deɔ Kepené deteretei, ti mo Kepe tiki daaitóro deyóo, dua dapó.

⁷ Take yaḱo yaṭpaae momó denérápó yale fomó ya kilita sókó faḱse.

⁸ Besé ą faaire tikipaae furaalu, hąle hu dere maaté wosetua dapó. Téteretei, waleró foleteitamo diaaą kilitimipó. Kale Kepe Wisiné deyóló beteroótu betere so whı feata, ai ala kaae du beteraó,” yalepó.

⁹ Ai fo depa, Nikodimas-né ąpaae duraalu, “Ai ala netéro yaalorópó,” yalepó.

¹⁰ Tétepa Yesuné ąpaae duraalu, “Yąta Israel fake so whı yó matere doasi doi mole whıtei, i dere alarape diriyóló tuęni airapó.

¹¹ Yąlo ąpaae mo i dere ape. Dąné du betere fota, mo tuęre fotóro yóo, mo kelale alatóro yó melóo, du betepatei diąné mo dapóló wosóló, kisipa tirénitere noatepa de?

¹² Yąlo diąpaae i haemó du betere alarape bope yóló yaletei, diąné tuę tiki tirótimipó. Yąlotamo ó hepen bemó mole alarape bope yóló enalemó, ti dią mo kisipa tiraalomeipó.

¹³ Whı mo betąkéle hepen bepaae fenitei, hepen be taaróló, i haepaae kapala asiri dorowale Whıné Naalemané ama betą kisiparapó.

¹⁴ Mo take Moses-né hąle kópu kąae fi tikimó *kapa* kwiané wuli aleyóló ni dée daaróló, sikipaae horóló oleralepó. Atéyale kaae, kale Whıné Naalemakéle, mepaae whıné atéro sikipaae só horóló oleraalo ai ape.

¹⁵ Ai fota hąle ini, ąpaae kisipa tiki tiratere so whı fea mo ti betere bete saalopóló kisipa mutu yalepó.

¹⁶ Ti noatepae, Kótóné i haemó betó mole so whı kólené sinóló yaala sókó furaalu, ama mo betą betere Naaletei i haepaae wópóló dotonalepó.

Mepaae so whi dené ai dotonó betere Naalepaae kisipa tiró betepa, ti atétere so whi aluni, mo ti betó tawaalo ai ape.

17 Ti noatepa meipó. Kótóné ama Naalema i haepaae wópóló doteyale beteta, i haemó betó mole so whitamó fo tokótamo yóló só derópóló initei, so whi fea aluyaqsóró, ama yale alané tao sópóló yalepó.

18 Mepaae so whi detamo apaae kisipa tiró betepa, ti ai so whitamó Kótóné fo tokótamo yóló só deranénipó. Tépatéi, Kótóné ama mo betá betere Naale atóró hītipóló apaae kisipa tiki tirénire so whita, fo tokótamo yóló só deró beterapó. Ti noatepae, ai so whi atima Kótóné mo betá betere Naalepaae kisipa tiki tiró bitinireteinépo.

19 Kótóné i haemó betó mole so whitamó fo tokóló só deratere bete i ape. Kale dētere i haepaae wóló betepatei, dilikipaae hēkese duraalu, atima dowi ala hale du betereteiné witepa, ai dētere hēkeseýóló wómipó.

20 Mepaae so whi detamo diliki tuamó bituraalu, dowi ala hale yó tareteiné dē tuapaae waalo hōróló bóe du beterapó. Ti noatepae, atimané dowi ala dēné hākeamó mulatepa kelaqsóró wituraalupó.

21 Tépatéi, kale mo fo wosóló, donoi ala du betere so whita, ti dē tuapaae wou beterapó. Ti noatepae, atimané du betere alarape Kótóné fotokoratepa yalepóló so whi feané hākeamó kolópóló du beterapó,” yalepó.

22 Téró, atima ai fo yóló kemetepa, Yesu a ama yó matere whirapetamo ai Judia hae kwiamó tē mole

belekaatiki berapemó mepaae be dɛrape bitu, so whi wei tópurótu betalepó.

²³ Téró, Jon-nékélé Salim be hulua felekemó ere Aenon haemó beterepó. Aimó wei dekéro fu betereleiné so whi fea wei tópurópóló, ɛ beterepaae wou betepa, ama atima tópurótu betalepó.

²⁴ Ai alarapeta Herot-né Jon ɛ *dipula* beteraaipa, haɛle bituraalu du betalepó.

²⁵ Atéyale sukamó, Kótóné keletómó wisirapó yópóló, naase fokotere alamó Juda fake whikó betané mepaae Jon-né yó matere whirapetamo foné u só derɛle i só derɛle du betalepó.

²⁶ Atéro, Jon-né yó matere whirape ɛ beterepaae wóló duraalu, “Yó matere whi-ó, Jordan wei uté tɛró yaɛtamo bitu, naao daɛpaae kale whi ai ape yóló, yó male whiné so whi fea wei tópurótu betepa, mo turó so whi ɛ beterepaae fu beterapó,” yalepó.

²⁷ Ai fo depa ama atimapaee duraalu, “Me whiné me alakó yópóló ó hepen bemó betere Kótóné menitepa, ti ama kɔleaané me ala yaai dapóló, mo enénipó.

²⁸ ɛta, so whi tɛteróló kaae tanópóló, sóró betero betere whi Keriso mei, ɛ wópóló tu alerɛle wale whipóló, take yaɛlo diaɛpaae yale fo diaaɛtei enérápó.

²⁹ Me whiné betɛ so hekeseyóló dokotepa, ti ai ama sopó. Ai so dokaaire seké ama fulumu whiné ɛ wópóló kaae tawóló beterapó. Tɛralemó, kale so dokaaire whi sókó wouraalu dere fo nakome wosetepa, ɛ doasi haɛné sukɛalopó. Atére haɛta,

mió ę tuamó mo ɣayóló mulapó.

³⁰ Ai so dokaaire whiné ama doita, suka fea sóró horaté fu betaalotei, ɣalo doi betá haepaae dua sókó deté doropóló yae,” yalepó.

³¹ “Mo ó taoró dorowale whiné i haemó yó mole ɔla ɔlaró so whi featamota, amatóro teteróló bosene falapó. I haemó betere whiné ti i haemó mole ɔla ɔlamó kisipa mutu, ama dere fokélé i haemó mole fotóro dua dapó. Tépatēi, ó hepen bemó dorowale whinéta, fea ala ama teteróló bosene falapó.

³² Ama kelale alaró wosale fotamo so whipaae yó mótu beteretei, betá whinékéle ama yó matere fo wosóló, mo dapóló apaae tuę tiki tirótimpó.

³³ Tépatēi, mepaae so whi de Kótóné ama fo wosóló, mo dapóló kisipa tiratepa, ti ai so whiné Kótó ę mo foné bete Talepó du beterapó.

³⁴ Kótóné ama dotonó betere whinéta, apaae yae dere fotóro yó mótu beterapó. Ti noatepae, Kótóné Deį Kepe ę tuamó mo turó ɣaneteinépó.

³⁵ Alimané Naalemapaae yaala sókó fóló mulu-raalu, fea ala ama teteróló kaae tanópóló, apaae malepó.

³⁶ Mepaae so whi de Naalemapaae tuę tiki tiró betepa, ti atére so whi aluni, mó ti betó tawaalo ai ape. Tépatēi, mepaae ę hórótu betere so whita, mo ti betó tare bete kelaalo meipó. Ai so whitamó Kótóné doasi fopaae butere ala mulapó,” yalepó.

4

Samaria soné Yesutamo yale fo

¹ Yesuné ama yó matere so whi beteraairaalu, wei tópurótua dere so whiné Jon-né wei tópurale so whi bosene falapó dere fo mepaae Farisi whirapéné wosalepó.

² Atéró, so whi wei tópuratere ala Yesuné initei, ama yó matere whirapéné tópurótua yalepó.

³ Ai dere fo mepaae whiné Yesu apaae ene wapa woseturaalu, a Judia hae kwia taaróló, Kalelipaae momó fesaae felepó.

⁴ Téró, a ama yó matere whirape atima fea Kaleli haepaae faairaalu, Samaria hae tuamó teyóló fu betalepó.

⁵ Atéró, a ai Samaria hae kwiamó tene Saika be huluamó sókó felepó. Ai Saika be hulua felekemó, Jekop-né naalema Josep-mó tekée male hae mulapó.

⁶ Ai haemó Jekop-né dukiyale wei naleta dere tiki erapó. Yesu a doasi tumó walené bé depa, ai wei belere tikimó sa nóló beterepó. Até dere alata, ɔla nokole topo suka kele 12 *kilok*-mó yalepó.

⁷ Yesu aimó beteremó, betá Samaria so a wei naairaalu wapa, apaae duraalu, “Naao ai weikó e maletamo melaalóé?” yalepó.

⁸ Ai alata, Yesuné ama yó matere whirape ai felekemó tene be huluapaae atima naaire ɔla dupune fimó du betalepó.

⁹ Atéró, kale soné apaae duraalu, “Yata Juda fake whipa, e Samaria sopaae wei netéro kema du de?” yalepó. Ama ai yale fota, Samaria fakeró Juda faketamo ɔla betamó nokole ala ó, fo dere alakélé dumipóló kisipa mutu yalepó.

¹⁰ Ai fo depa Yesuné kale sopaae duraalu, “Kótóné yaḗaae haḗe matere ḗla naao kisipa yóo, yaḗtamo i fo du betere wh̄ikélé kisipa yóo irutamo, naao aḗaae ai weḗi wosuḗsóró ti ama yaḗmó mo ti betó tare weḗi móluḗpó,” yalepó.

¹¹ Ai fo depa kale soné Yesupaae duraalu, “Doa wh̄i-ó, i weḗita hae dolopaae maane doropóo, ya weḗi naaire wutikélé tawóo inipa, mo ti betó tawaaire weḗi melaalopó dere-a, momó wapa nóló melaai de?”

¹² Dḗané mió i nuku betere weḗita, mo take dḗané noutere Jekop-né duk̄iyóló, amakélé nukulé wóló, naalemarapenékélé, ama *sipsip* hupuró *bulmakau* hupurapetamonékélé, nuku bitipakalepó. Téyaleti naao ai dere fota, take Jekop-né yale ala naao teḗteróló bosene falapóló de?” yalepó.

¹³ Ai fo deremó, Yesuné aḗaae duraalu, “I weḗi nokole so ó wh̄i feata, nokole depa momó nale waalo ai ape.

¹⁴ Téḗatei, mepaae so wh̄i de yaḗo matere weḗi nukupa, momó nokole dere ala mo yaalo meipó. Ita, mo dapó. I haemó mo weḗi sókó horótu dere kaae, yaḗo i matere mo ti betó tawaaire weḗi nokole so ó wh̄iné tiki tuḗmó mo ti betere bete mulu, haḗe só tawaalo ai ape,” yalepó.

¹⁵ Téḗepa, kale soné aḗaae duraalu, “Doa wh̄i-ó, e weḗi nokole depa dekéró naleta dere h̄órapa, naao ai melaalopó dere weḗi mo miótóró ḗlae!” yalepó.

¹⁶ Ai fo depa, Yesuné kale sopaae duraalu, “Ya momó waasepóló, naao wh̄i dape sene fae,” yalepó.

¹⁷⁻¹⁸ Ai fo depa, kale soné aḗaae duraalu, “Eḗta wh̄iné dokonipó,” yalepó. Téḗepa, Yesuné duraalu,

“Whinė ya dokonipó dere fota, mo dono deretei, naao ere ala yało yapaae haķearóló i dere ape. Take aporó whırapené ya dokorapó. Tépatei, mió yaıtamo ai betere whıta, naao whı meipó,” yalepó.

19 Tétepa kale soné duraalu, “Doa whı-ó, mió yało ya kilitu, Kótóné ama fo eratere kóló whıpóló kisipa mutapó.

20 Take đané ayarape atimata, i daale hasi fosómó moma eneta du bitipakalepó. Téyaleteti, Juda fake diáne đapaae hoko tikimó moma ini, Jerusalem bemó touróló Tale aómó sukóló bitu, moma yae du betera pó,” yalepó.

21 Ai fo depa Yesuné apaae duraalu, “Ti so-ó, yało i dere fo wisiyóló wosóló kisipa tirae. Take waaire alimó Aya aómó sukóló bitu, ama doi sóró horatere alata, i daale hasi fosómó ó Jerusalem bemó maaté yaalo meipó.

22 Samaria so whı diąta, diaađ tuę inire ęla aómó sukóló bitu Talené doi sóró horótu betera pó. Té patei, Juda fake so whı đata, mo ti betere Kótó tuęreteiné ą aómó sukóló bitu, mo kée du betera pó. Ti noatepae, so whı fea aluyaqsóró tao sere alata, Juda fake tuąmó kaaró betera pó.

23 Take waalopóló bope du betale be đę mió sókó wóló i mole ape. Mepaae whı dené mo alaró ama Kepe betetamo ą tuąmó fąanuraalu, Alima aómó sukóló bitu, ama doi sóró horótu betaalopó. Atei ala du betere so whıpaae Kótóné ama hękesetu betera pó.

24 Ti Kótó ąta, mo whinė tiki kaae daani, kepetóró betereiné ama doi sóró horatere so whinė ti mo alaró kepe bete turótamoné sóró

horótu betenérápó,” yalepó.

²⁵ Tétepa, kale soné ɔpaae duraalu, “I haemó betó mole so whi fea teteróló kaae tanópoló, sóró betero betere whi Mesaia, me doi Keriso waalopó fota, ɔlo kisiparapó. Ai seké ɔ wouraaluta, fea ala ama dɔpaae hakeamó yó melaalopó,” yalepó.

²⁶ Tétepa, Yesuné kale sopaae hakearóló duraalu, “Mió ɔtamó i fo du betere whita me kae mei, ɛtóró hiti i ape,” yalepó.

²⁷ Atimaamo ai fo du betepa, ama yó matere whirape ɔla dupune fi fesaae wouraalulu kelalemó, Yesu Samaria sotamo fo du betepa, atima kilita sókó felepó. Atétepa, atimakó beta whinékélé ɔpaae ai sotamo noa ala yaai, ó noa fokó du bitu de? yóló, wosetere alakélé inipó.

²⁸⁻²⁹ Téró, kale soné ama wei wuti aimó mupatei taaróló, ɔ u be huluapaae felepó. Atéró fóló, ai be huluamó betó mole so whipaae duraalu, “Take ɔlo yale alarape fea ɛpaae hakearóló yó matere whi tumó daalapa kelaai ape. Ata, Kótóné so whi teteróló kaae tanópoló, sóró betero betere whi Keriso du yalepó,” yalepó.

³⁰⁻³¹ Tétepa, ai be hulua so whi atima Yesu beterepaae felepó. Atima ɔ beterepaae sókó waai teó wou betepa, ama yó matere whirapené ɔpaae duraalu, “Yó matere whi-ó, ɔlakó ɔmaletamo nukumié?” yóló setu betalepó.

³² Tétepa, Yesuné atimapaae duraalu, “Nokole ɔlata ɔlo i taretei, diaaɔ kisipanipó,” yalepó.

³³ Ai fo depa, ama yó matere whirape atimasisi duraalu, “Mepaae whiné ɔlakó amó mótu yalepó,” kisipa mualepó.

34 Atétepa, Yesuné atimapaee duraalu, “E doteyale whiné ama kisipa mole ala sya furaalu, ama kutó yalo diraté fóló kemeratepa, ti aita yalo nokole qlatórótípó.

35 Diaaḡ etei fo dua dapó. Kutómó ere ɔla fea ɔlumé depa saaire wélié douro betaḡ haḡe mulapó du beteraḡó. Tépaḡei, yalo diḡapaee mo i dere ape. Diaaḡ keḡe fiḡaae horóló, kutópaae keḡe keḡe yae! Ténalemó ɔla ɔlumépa, ti saaire alimó ai betere ape.

36 Mió ɔlumére ɔla su betere whiné ama diale kutómó dupu so-ó, mo ti betere bete saaire so whikélé mió ɔla kaae ɔlumépa sóo, du beteraḡó. Ama ai du betere alata haḡe mei, ɔla wae biliyale whiró sere whitamó wusuró heḡese yaairaaḡu dapó.

37 Me whiné ɔla wae biliyóo, me whiné ti ɔlumétepa sóo dere ala, i dere foné mo haḡearatapó.

38 Mené diyale kutómóḡei ɔlumére ɔla sene fópóló, yalo diḡ i dotonatare ape. Mepaae whirape doasi depe tukówei ala yóló diyale kutómó diḡta, ɔla maaté sirapó,” yalepó.

Samaria so whi turó kisipa tiki tirale fo

39 Téró, kale soné ama take bitu yale alarape fea Yesuné haḡearóló yó malepó, dere fo woseturaalu, ai haemó teḡe be huluamó betere Samaria so whi fea ḡapaee kisipa tiki tiralepó.

40 Atéró, ai Samaria so whi fea Yesu beterepaee wóló, ya daḡtamo imó betaalopa sae yóló seḡtu be-talepó. Atétepa, be deḡ tamo ḡ atimatamo aimó betalepó.

41 Tépa, Yesuné ama yó matere fo woseturaalu, mepaae folosóro tué tiki tirale so whıtamo touróló mo turó so whı́kélé ıpaae kisipa tiralepó.

42 Atéroró, atimané kale sopaae duraalu, “Đané ıpaae tué tiki tirale alata, naao yale fo wosóló maaté mei, ama yó matere fo đanétóro wosóló ıpaae tué tiki tiralepó. Ti noatepae, ąta i hae kwia feamó betó mole so whı́ aluyaqsóro, tao saaire whipóló đané mo diriyóló kisiparapó,” yalepó.

Yesuné doasi whı́né naale kepaarale fo

43 Atéroró, Yesu ą be đe tamo ai Samaria so whıtamo betóló kılı́paae, ą Kaleli hae kwı́paae felepó.

44 Taketi Yesuné amatei ąmó kisipa mutu etei fo erapó. “Kótóné fo eratere kóló whı́ ama turuku be hulua so whı́né ama doi sóro horanénı́pó,” yalepó.

45 Téró, Yesu ą u Kaleli hae kwı́amó sókó felemó, Kaleli so whı́né ą hekesetamo mo wisı́yóló dape salepó. Ti noatepae, take Jerusalem bemó kale bosenóló fele be đemó, ąla deyóló naaire sukamó atimakélé fea bitu, ama mepaae alarape eratepa kelaleteı́népó.

46 Atéroró, take Yesuné mo weı́tei, *wain* weı́ aleale Kaleli hae kwı́amó teı́ne Kana be huluapaae ą momó felepó. Ai bemó beteremó, ai Kaleli hae kwia teı́teróló kaae tare topo whı́né sóro beteró betere whı́né naalema Kapeneam bemó kisiné sukóló mulapó dere fo wosalepó.

47 Yesu ą Judia hae kwia taaróló, Kaleli hae kwı́amó wóló beterapó dere fo kale whı́né wosóló, ą Yesu beterepaae wóló, ama naale mo felekemó

sukʷai du betepa, “Naao wisiraai faaloé?” yóló wosetu betalepó.

⁴⁸ Ai fo depa, Yesuné ʷpaae duraalu, “Me ala yaairemó eratere kelemei alaró mepaae sira yaaire alatamo eratepa maaté kolóló kisipa tiraai de? Diʷ ai eratere kelemei alarape kilini depa, ti diʷ kisipa mo tiraalomeipó,” yalepó.

⁴⁹ Tétepa, kale sóró beteró betere doasi wh̄iné duraalu, “Doa wh̄i-ó, yʷlo naale sukaʷsóró miótitei dʷamo wusuró faalopó,” yalepó.

⁵⁰ Ai fo depa, Yesuné ʷpaae duraalu, “Naao naale sinaalomei, betepa fae,” yalepó. Tétepa, kale wh̄i Yesuné dere fo wosóló, wisirapóló ʷ felepó.

⁵¹ Atéró, fiyóló h̄ika ʷ tʷ tuʷmó fu betalemó, ama kutó diratere wh̄irape tʷmó hokolaa yóló, ʷpaae duraalu, “Naao naale kisi wisiyóló betepapó,” yalepó.

⁵² Ai fo depa, kale wh̄iné atimapaee woseturaalu, “Noa sukakelemó ama tiki supu tikaleé?” depa, atimané duraalu, “Mo dótóró 1 kilok sukakelemó tukóló mo betepapó,” yalepó.

⁵³ Ai fo depa, kale naale alimané wosetu, Yesuné ʷpaae naao naale sukʷalomeipó, yale sukakelemótóró ai wisi irapóló kisipa mualepó. Ai ala kilituraalu, ama soma atimaamokélé, ama naale senaalekélé fea Yesupaae kisipa tiralepó.

⁵⁴ Yesu ʷ Judia hae kwia taaróló, Kaleli hae kwia-paae wóló bitu, ai kelemei alata, tamo dakoróló eralepó.

5

Yesuné betq tiki ddamui whi wisirale fo

¹ Atéro, mepaae be de beteró qilipaae Juda fak-ené tukóló muló betere be demó ọla detepa, Yesu akélé Jerusalem be huluapaae holalepó.

² Ai Jerusalem be hulua bopére tipí tų sereketa, *sipsip* hupurape fua wua dere tųpó doi mulapó. Ai tų sereke felekemó, betq weí ke belerapó. Hibru whirapené du betere foné ai weí ke doi Bete-satapó. Ai weí fókumó bitita dere so whi supu yaqsóró, be belekaatiki aporó teóló bopéro beter-apó.

³ Ai te mole bemó, mepaae kele dilikire so whikélé, tiki ddamure so whikélé, hó naase dore so whikélé, mepaae kae kae kisi bete daale so whikélé, mo fea ai weí ke bopéroló betó molepó.

⁵ Ai hó naase dore so whi betó mole kuamó, kisi hale daapatei, 38 ba fo kemere whi betq fiyó molepó.

⁶ Atéro fiyó mupa kolóló, Yesuné duraalu, “I whi-a, ere alaé?” depa, whi mené duraalu, “Aa, taketitei ama ere ala ai ape,” yalepó. Tétepa, Yesuné kale whipaae woseturaalu, “Ya mo wisiyóló, betenée yóló kisipa mute?” yalepó.

⁷ Ai fo depa, kale tiki ddamui whiné duraalu, “Doa whi-ó, ai weí asya hotereteiné e wisirópóló, né beleyóló ai weí felekemó beterale derepaaié? Ekélé dua fu betepatei, atima folosóró furaalu e taaróló fua dapó,” yalepó.

⁸ Ai fo depa Yesuné duraalu, “Ya turukó holóló, naao beseke sóró fae,” yalepó.

9 Ai fo deretamotóro, kale whiné ama tiki d̄amuretei mo ti wisitepa, ama besek̄ tukóló sóro felepó. Atétere alata, atima s̄aa naai tukóló muló betere be demó yalepó.

10 Atétepa, Juda topo wh̄irapené kale wisirale wh̄ipaae duraalu, “S̄aa naai tukóló muló betere be demó ai ala yaqsóro fo mulapó,” yalepó.

11 Ai fo depa kale whiné duraalu, “Ē wisirale wh̄iné epaae naao besek̄ sóro fae yaletiné sóro fulapó,” yalepó.

12 Ai fo depa atimané apaae woseturaalu, “Mé whiné yapaee besek̄ sóro fae yaleé?” yalepó.

13 Téyaletei, kale wh̄i wisiróló Yesu a ai touró betere so wh̄i kuamó, buté buté feleteiné a wisirale wh̄i kisipanipó.

14 Atéror, nalo me sukamó Yesuné ama wisirale wh̄i momatere bemó betepa kolóló, apaae duraalu, “Mió naao tiki ai wisire kelere? Ȳa take sale sek̄ bosenóló, doasi sekené ya só deraqsóro, mió naao ai du betere dowi ala mo ti taalae,” yalepó.

15 Téró, kale wh̄i a ai moma dere be taaróló, kale Juda topo wh̄irapepaae Yesuné a wisiralepóló ene felepó.

Kale mo ti betere bete Naalema a tuqmó mulapó yale fo

16 Tétépa, kale s̄aa nokole sukamótei, Yesuné wh̄i wisiraterere ala dapóló, Juda topo wh̄irapené apaae sek̄ei ala eróló só deraai, doasi ketek̄e butu betalepó.

17 Atétepa, Yesuné atimapaee duraalu, “Ȳalo Aya a ama kutó ditere ala taaréni, betere dok̄o h̄ale

diyótóró tarapó. A atére kaae, ẹkélé haḷe bitini, yaḷo kutótóró i ditu betere ape,” yalepó.

¹⁸ Yesuné ai alarape deremó, Juda topo whịrapené a só deróló mo ti daairaalu, doasi ketekẹ butu betalepó. Até yaleteita, șa nokole be de tukóló whị wisirateremó maaté meipó. Ai alatamo touróló Kótóta, ama Ayapó dere foné a Kótótamo betẹ ala erapó du betepa a só deróló daai yalepó.

¹⁹ Téró, Yesuné atimapaee tokọ mótu duraalu, “Yaḷo diapaee mo i dere ape. Naalemané ama kisipanétei, me ala yaai dapóló mo enénipó. Naalemané me kae kisi ala kaaróló dumi, Alimané du betere alatóró kolóló i du betere ape. Ti noatepae, Alimané du betere ala mo betakélé taaréni, turó Naalemanékélé du beterapó.

²⁰ Ti noatepae, Alimané Naalemapaae yaala sókó furaalu, ama dere ala fea ẹpaee yó mótu beterapó. Ita, mo fo dapó. Mió i dere ala bosenóló nalopaae mo doasi ala eratepa kilitu, diaaọ sira yaalopó.

²¹ Ti noatepae, Alimané sukẹle so whị kepaaróló beterótu yale kaae, Naalemanékélé ama melaai tuẹ mutere so whịpaee mo ti betere bete mótu beterapó.

²² Ti ai ala maaté meipó. So whịtamo fo tokóló taleyóló só deratere alakélé Alimané dumitei, Naalemané yópóló, ama naase tuamó muló beterapó.

²³ Ai ala ereteita, so whị feané Alimané doi sóró horótu dere kaae, Naalemané doikélé sóró horópóló erapó. Mepaae so whị dené Naalemané doi sóró horénitepa, ti a dotẹyale sekẹ Alimané

doikélé sóró horótimpópó.

24 Yálo diápaae mo i dere ape. Mepaae so whị dené yálo du betere fo wosóo, ẹ dotẹyale sekẹpaae kisipa tiki tiróo depa, atétere so whị mo ti betere bete sóró tarapó. Atére so whịta, fo tokótamo yóló só deréni, sukutere ala tuámó beteretei, tokó sóró mo ti betaaire ala tuámó beteró beterapó.

25 Yálo diápaae mo dapó. Sukále so whịnétei Kótó Naalemané dere fo wosaalopó. Mió ai fo wosetu betere so whịta mo betaalopó. Take nalo ai ala yaaire be de hẹle muóo, miókélé ai be de sókó wóló muóo i ere ape.

26 Ti noatepae, mo ti betere bete Alima tuámó moletei, Naalema tuámó mulópóló mo taketi meló beterapó.

27 Ti ẹta, Whịné Naalema betereteiné so whịtamo fo tokóló tale dere ala yópóló, Alimané ẹ sóró beteró beterapó.

28 Yálo i yale fo wosóló, diẹ kilita sókó furaalu sira yaqse. Ti noatepae, sukále so whị mo feané ama fo nakome woseturaalu, atima mole doumó turukó holaaire be de sókó waalopó.

29 Atétere sukamó wisi ala yale so whị turukó holóló mo betaalopó. Téyaalotei, dowi ala yale so whị atima turukó holaalotei, taleyóló mo ti só deraalo ai ape.

30 Yálo wotoró kisipané me ala yaai dapóló mo enénipó. Fo tokóló taleyóló só deraaire alakélé, yálo Ayané ama dere fo sya fóló, mo donotóro taletu beterapó. Ti noatepae, yálo du betere alata ẹ maaté hẹkese yaai dumitei, ẹ dotẹyale seké ẹ hẹkese yópóló, ama kisipa mole alatóro sya fu

beterapó,” yalepó.

Yesuné amatei ę etei kaae whı́pó enénipó yale fo

³¹ “Yaloteitamo ę etei kaae whı́pó depa, ti yalo dere fo mo dapóló diaaę wosaalomeipó.

³² Mené yalo dere ala kilituraalu, ę etei kaae ala ere whı́ wisipó du beterapó. Ama atéró dere fo wosetere whı́né mo dapó enére ala yalo mo kisiparapó.

³³ Diąné ę deé yóló wosaai dapóló, mepaae whı́rape Jon beterepaae dotonó beterapó. Atétepa Jon-né kale mo foné bete i ape yóló, diąpaae yó meló beterapó.

³⁴ Ti mo whı́né ę etei kaae whı́pó dere fo mo dapóló, yalo wosaai kisipa munipó. Atépatei, Jon-né yale ala yalo diąpaae i dere beteta, so whı́ fea aluyaosóró, Kótóné tao sópóló dapó.

³⁵ Jon ąta, sa ęerótu dere kaae, so whı́ tuąmó ęeró beterepó. Ai sa haęle ęyó tapa, dią ai ęmó kapala asiri haıtamo bitiré fu betalepó.

³⁶ Jon-né ama yó melale fota, ti ę tuąmó ere alatóró mo dono yó mótu betalepó. Téyaleteti, yalo i ditu betere kutóta, ę dotęyale seké yalo Ayané ama ępaae diyóló kemerae yale kutó dirótu beterapó. Mió yalo i du betere alarape kolósu, Jon-né ę bope yóló du betale fo kolósu depa, yalo du betere alané ama du betale fo tęteróló bosene falapó.

³⁷⁻³⁸ Ę dotęyale seké yalo Ayanékélé, ę etei kaae whı́póló haękearóló yó mótu beterapó. Tétu betepatei, diaaę ępaae kisipa tirénire betené ama dere fo diaaę wosóo, ama tikikélé diąné kolóo, ama fokélé diaaę hosaa tuąmó muóo inipó.

39-40 Dīaaq kisipanéta, kale ašemó yóló muló betere fo dosayóló kisipa sóró, mo ti betere bete saalopó du betera. Ti ašemó i ere fo feanéta, ę etei kaae whípóló yó matapó. Atépatēi, diā ę beterepaae mo ti betaaire bete sene wale hórótu betera.

41 Mo so whinė hāle foné maaté yało doi sóró horótu betepa, mo dapóló yało wosenénipó.

42 Tépatēi, yało diā diriyóló tuérapó. Dīaaq Kótópaae yaala sókó fóló, hękesené sukutere ala diāné hosaa tuámó muniretei, yało mo tuérapó.

43 Ęta, yało Aya Kótó ą etei sekę betera. Diāné kisipa yópóló, yó melaai ama ę dotonatepa waletēi, dīaaq ę wisiyóló dape sinipó. Atépatēi, mepaae whi detamo ama kęleaané wóló bitu, ą etei kaae whípó depa, ti diāné ą mo wisiyóló dape senérapó.

44 Mo beta betere Kótóné dīaaq du betere ala kolóló, dukiraterē fo wosaai ketekę buni yóo, dīaaqtei diā dukiraterē ala yóo, du betereiné ępaae netéro tuę tiki tiraaloé?

45 Yało Ayané keletómó diāné i dowi yalepóló hękearóló só deraterē alata, yało yaaitere nisi yaqse. Diā tao saalopó du betale whi Moses-nétóro diā só deraalopó.

46 Diānétamó Moses-né ašere fo wosóló, mopóló kisipa tiróluşóró, ti mió yało dere fokélé mo dapóló kisipa tiróluşapó. Ti noatepae, ama ai ašere fota, ęmótóro kisipa muturaalu erapó.

47 Tépatēi, ama ašere fo dīaaq dosayóló mopóló tuę tiki tiréni depa, ti yało du betere fokélé netéro wosóló, kisipa tiraaloé?" yalepó.

6

Yesuné 5000 whị ọla melale fo
(Mat 14:13-21, Mak 6:30-44, Luk 9:10-17)

¹ Atéró mepaae be ọrape kemetepa, nalo Yesu ọ Kaleli weị uté fókuró tẹ felepó. Ai weị kẹlané doi meta, Taiberius-pó.

² Yesu ọ atéró fóló beteremó, mepaae kisi daae mole so whị wisiraterere kelemei alarape ke-laletiné so whị mo feané ọ sya wou betalepó.

³ Atéró, Yesu ọ betọ du sokore aọpaae hololó, ama yó matere whịrape atima fea betamó beterepó.

⁴ Atéyale alata kale bosenyóló fele be demó, Juda fake whịrapené ọla detere ala felekemó sókó waai deremó yalepó.

⁵ Atéró, Yesuné ama kelalemó, so whị mo hẹle ọla kaae, ọ beterepaae wou betepa Filip-paae duraalu, “Doa i so whị naaire *bred* okó momó dupu yaaloé?” yalepó.

⁶ Yesuné Filip-paae atéró wosale fota, ama yaaire ala tuẹrutei, Filip-né noa fokó déró ọ kẹae kolóló sụ suraalu yalepó.

⁷ Ai fo depa, Filip-né Yesupaae duraalu, “200 *silpa moni*-né dupu dere *bred* o i betó mole so whị fea sụmó naalomei, sawa téti nenérapó,” yalepó.

⁸⁻⁹ Tétepa, Yesuné ama yó matere whịkó ama doi Saimon Pitané noma Andruné Yesupaae duraalu, “I betere naalené betọ *bali* o bula aporó yóo, ya belekọamale tamo yóo, yóló i tare ape. Téreteiné doa i betó mole so whị fea anéli ọlané sụnére?” yalepó.

¹⁰ Atétepa, Yesuné atimapaee duraalu, “Ai so whi ne tómó beteropóló yae,” depa, atima betalepó. Ai tuámó betere naale senaaleró sorapetamo dosani, whirape maaté dosayóló touróturaalu, 5000-rópó.

¹¹ Atéro, Yesuné kale *bali* o bularape fea sóró taruraalu, Talepaae mo kée yóló terekée daalu yóló, so whimó aliralepó. Ya tamokélé *bred* o yale kaaetóro yóló aliratepa, atima fea mo sumó nalepó.

¹² Atéro sūtepa, ama yó matere whirapepaae duraalu, “Muni fele buki ɔla haɔe beseké yaqsóropa, fea daseté kweyae,” yalepó.

¹³ Atéro nale aporó *bred* o bulanétei, buki muni fupa daseté kweyóló, 12 yorape deyóló faanalepó.

¹⁴ Ai betó mole so whiné Yesuné atei kaae kelemei ala eratepa kolóló duraalu, “I whita, i haepaae waalopóló take bopetu betale Kótóné kóló whi atóro hīti irurapó,” du betalepó.

¹⁵ Atéro, ai so whiné Yesupaae woseni, atima kɔleaanétei a doasi topo whi sóró beteraai kisipa mualepó. Atima atéro mutere kisipa tiki bete Yesuné kilitu atima taaróló, a ama wotoró betā du sorokore tikipaae momó bitī holalepó.

Yesu wei tómó daaté wale fo
(*Mat 14:22-33, Mak 6:45-52*)

¹⁶ Téró, atéyale sukamó kuluka be dikité dorowaletamo Yesuné yó matere whirape atima maaté Kaleli wei fókupaae derepelepó.

¹⁷ Atéro, aimó atima Yesu a kaae tawóló daapatei be diki yalepó. Atétepa, kale whirape atima

węi nukupaae biṭi holóló, Kapeneam be hulua-paae faairaalu, ai węi kęla tuąmó tukóló fu be-talepó.

¹⁸ Atéró fu betalemó, doakale besé tiki wouraalu, doasi węi asya walepó.

¹⁹ Até depatei, atima 5 ó 6 *kilomita* dałemó nuku ité fu bitu kelalemó, atima nukutamo wou betepa, Yesu ą hokolaa yaairaalu, węi tómó daaté wou be-talepó. Atétepa kilitu, atima doasi winé sukalepó.

²⁰ Tétepa, Yesuné atimapaae duraalu, “Ita ępa, dią wiyaąse,” yalepó.

²¹ Tétepa, kale whırape atima witere ala taaróló, halaainé Yesu dape sóró, nuku tuąpaae beteraai kisipa mualepó. Atéró dape sóró, atima faaire węi fóku feleke inipatei, utéró hapale tétitóró sókó felepó.

²² Atéró, Yesuné ama yó matere whırape atima fi tikimó, ai węi fókumó betó mupa fele so whı atima fiyóló, hıka turukó huturaalu etei kisipa mualepó. Imó mole betą nukumóta Yesu bitini, ama yó matere whırape maaté betóló felepó du betalepó.

²³ Atéró, Taiberius beró wale whırape mepaae atimané nukutamo, take Talené mo kée yóló, ęla ąliyóló nuku betale tikimó sókó walepó.

²⁴ Atéró, ai sukamótóróti mepaae whırapekélé, kale nukutamo wale whırapetamoné Yesuró ama yó matere whırapetamo kekąłemó kilinitepa, Kapeneam be huluapaae kekąai dapóló, atima nukupaae biṭi holóló felepó.

Yesu ąta, mo ti betere bred opó yale fo

25 Atéró, kale so whĭné Yesu kekĭtu beteró, wĕi fóku uté tĕró betepa kolóló ąpaae duraalu, “Yó matere whĭ-ó, ya ipaae metéli waleé?” yalepó.

26 Ai fo depa, Yesuné atimapaae duraalu, “Yąło diąpaae mo i dere ape. Diaaą ę kekĭtu betere beteta, sira yaaire kelemei alarape eraleteimó kisipa mutu, ę kekĭtu betere? Mo meipó. Kale *bred* o sųmó naleteiné diaaą ę ai keketé kutu betere ape.

27 I haemó nokole mo ọlata, ti doypóló aluyaalopó. Atéyaaire ọlamótei, dią depe tukówei ala du betaąse. Mo ti betaaire ọlata, kale whĭné Naalemané diąmó melaalopa, ai ọla mo keteke buóló haĭtamo sae. Atei ọla melaaire whĭta, Alima Kótóné fopeypóló ątóró wisirapóló siriróló, beteró beterapó,” yalepó.

28 Ai fo depa, atimané ąpaae woseturaalu, “Kótóné ama dąpaae dirae dere kutó-a, noaé?” yalepó.

29 Tétĕpa, Yesuné duraalu, “Kótóné ama dirae dere kutóta i ape. Kótóné ama dotonó betere whĭ betąpaae kisipa tiki tiróló betae,” yalepó.

30 Ai fo depa, atimané ąpaae duraalu, “Talené eratapóló dąné kisipa tirópoló, naao noa kelemei alakó eraaloé?

31 Mo take dąné noutererape atima haĭle kópu kąae fi haemó kuturaalu, *mana* o betą nópóló ó hepen bemó derótua ipakalepóló, ašemó yóló muló beterapó,” yalepó.

32 Tétĕpa, Yesuné atimapaae duraalu, “Diąpaae yąło mo i dere ape. Hepen bemó derótua yale *bred* ota Moses-né menitei, yąło Ayané betą ó hepen

bemó deratere mo bete mole *bred* o diámó mótu beterapó.

³³ Ti Kótóné ai mótu betere mo bete mole ota ó hepen be taaróló dorowóló, i haemó betó mole so whimó mo ti betere bete matere whita, ętórótípó,” yalepó.

³⁴ Ai fo depa, atimané ąpaae duraalu, “Doa whi-ó, naao ai bope dere ota, mo miótóró kaae sóró ąamó melaasepé,” yalepó.

³⁵ Ai fo depa, Yesuné atimapaee haķearóló duraalu, “Mo ti betere bete mole ota ętórótípó. Mepaae so whi de ę beterepaee wapa, ai so whi wotekélé mo yaalomeipó. Mepaae so whi de ępaee kisipa tiki tiratepa, ti ai so whi wẹi nokole dere ala mo sawakélé yaalomeipó.

³⁶ Take ąalo diąpaee yale fo kaae, momó i dere ape. Ę wale ala diaaq kelaletei, ępaee kisipa tiki tiratere ala dumipó.

³⁷ ąalo Ayané ępaee matere so whi feata, ti ę beterepaee wou betaalopó. Mepaae so whi detamo ę beterepaee wapa, ti ąaló atima fae yóló hokonatere alakélé mo yaalomeipó.

³⁸ Ti noatepae, ę ó hepen be taaróló i haepaae dorowaleteita, ąalo kisipa mole ala yaai dapóló anipó. Tėni, ę dotęyale whinė ama kisipa mole alatóró eraairaalu woló i betere ape.

³⁹ ąalo Aya ę dotęyale sekėné ama kisipa mole alata ipó. Ama ępaee melale so whi mo betakélé ąalo alurėni, take kemetere sukamó atima fea kepaayóló mo ti beterópóló kisipa mutu ę dotonalepó.

⁴⁰ Ti ąalo Ayané ama kisipa mole alata ipó. So whi de ama Naalemané dere ala kolóló ąpaee

kisipa tiki tiratepa, ti atétere so wh̄i mo ti betótóró tawaalopó. Ai so wh̄ita, take kemetere sukamó yało kepaaróló beteraalo ai ape,” yalepó.

⁴¹ Ai fo deremó kale Juda fake so wh̄iné duraalu, “Aṭa, ó hepen be taaróló dorowale *bred* opó du betere fo-a, noa betené dérópóló,” atima dei tué mutu, ą faletu betalepó.

⁴² Kale dere kaae atimasisitei duraalu, “I sekéta, kale Josep-né naalema Yesu h̄iti meié? Ama hamaró alimatamota, dané tuérapó. Tépatēi, ą ó hepen beró dorowalepó du betere fota, noa betené dérópóló,” yalepó.

⁴³ Atétepa, Yesuné atimapaee duraalu, “Diąsisitei dei tué muóló kęlaarótu betere fo taalae.

⁴⁴ Wh̄i me de ę beterepaae ama kęleaané wonénipó. Yało Aya ę dotęyale sekéné amatei ę beterepaae ąlisóró wapa, ti wonérapó. Ai so wh̄ita, take kemetere sukamó yało kepaaróló mo ti beteraalo ai ape.

⁴⁵ Mo take betale Kótóné kóló wh̄irapené ašemó i fo erapó.

‘Kótóné ama so wh̄i yó mótu betepa, ti atima fea tué yaalo ai ape.’

Yało Ayané dere fo wosóló, kisipa sere so wh̄ita, ti ę beterepaae wua du beteraapó.

⁴⁶ Mo wh̄i betąnékélé Kótó kilinitei, kale Alimatamo betóló wale Naalené betą ti Alima kolóló kisiparapó.

⁴⁷ Yało diąpaae mo i dere ape. Wh̄i me detamo ępaae kisipa tiki tiró betepa, ti ai wh̄iné mo ti betó tare bete sóró tarapó.

48-49 Ti noatepae, mo ti betere bete bole ota ętórótípó. Mo take betale diaaq noutererape atima hęle kópu kęae fi tikimó kuturaalu, Kótóné ó hepen bemó deratere *mana* o maaté nukua ipakalepó. Tétua yaleteti, atima bitini sukutua erapó.

50 Atéyaleteti, ó hepen bemó dorowale betere bete bole *bred* ota i mole ape. Ai o nokole so whi sukókélé mo yaalomeipó.

51 Ó hepen bemó dorowale mo ti betere *bred* ota, ti ętórótípó. Whi me de i o sóró nukupa, ai so whi mo ti betó tawaalopó. I ota, haemó betó mole so whi mo ti beterópóló, matere yęlo tiki mipó,” yalepó.

52 Ai fo depa, kale Juda fake so whi atimasisitei fo kęlaaróló duraalu, “Haió, i whiné ama tikitei dępaae naasepé dere fo-a, netéro nópóló melaai dérópó,” yalepó.

53 Tétépa, Yesuné atimapaee duraalu, “Yęlo diępaae mo i dere ape. Kale Whiné Naalemané ama tiki miró ęaketamo nénitepa, ti atétere so whi tuęmó mo ti betere bete muni ai ape.

54 Mepaae so whi dené yęlo tiki miró ęaketamo nukupa, ti ai so whiné mo ti betó tare bete sóró tarapó. Ai so whi ta, take kemetere sukamó yęlo kepaaróló beteraalopó.

55 Ti noatepae, yęlo tikita ti nokole mo bete mole ęla yóo, yęlo ęakekélé nokole mo bete mole węi yóo erapó.

56 Mepaae so whi dené yęlo tiki miró ęaketamo nukupa, ti atétere so whi ę tuęmó betóo, ę ai so whi tuęmó betóo, erapó.

57 Mo ti betere seké yęlo Ayané ę dotonatepa walepó. Ę betere betekélé ti yęlo Aya ętórótípó.

Atére kaae, mepaae so whi dené ę nokole ęlapóló nuku betepa, ti betere bete ę ereteiné ai so whi atimakélé hãle betó tawaalopó.

58 Ó hepen bemó dorowale *bred* ota, ti ę i ape. Mo take betale diaaę noutererape atimata, ó hepen bemó derótua yale *mana* o nukua yaleteti, atima fea sukãlepó. Tépateti, mepaae i o nokole so whita, mo ti betó tawaalopó,” yalepó.

59 I fota, Yesuné u Kapeneam-mó tene fo wosetere be tuamó yó mótu betalepó.

Mepaae whirape Yesu taaróló fele fo

60 Ama yó matere whirape mepaaené ai yale fo wosóló, atimasisi kęlaaróló duraalu, “Ama ai yó matere whi fota felékélé inipa, né wosaaloé?,” yalepó.

61 Yesuné ai yó matere fo ama yó matere whirapené wosaalo meipóló kęlaarótu betepa, Yesuné ama kisipa yóló atimapaae duraalu, “Yalo i yó matere fo diaaę wosóló felénipa, ętamo dei tué mute?”

62 Kale Whiné Naalema ą take betale tikipaae momó fesaae hotepa kilitu, diaaę noa kisipa muaaloé?

63 Whiné mo tó tikita, doasi bete munitei, Deį Kepe Wisiné betą mo ti betaaire bete mótu beterapó. Yalo diąpaae yó matere fota, Deį Kepe faanuraalu, mo ti betere bete mótu beterapó.

64 Tépateti, dią mepaae kisipa tiki tirénire whirapekélé ai betere ape,” yalepó. Yesuné atéro yale fota, ąpaae tué tiki tirénire whiraperó ą dópóló eleké deyaaire whitamó take kaae sale sukamótei, ama kisipa yalepó.

⁶⁵ Téró, Yesuné ama yale fo kemeni, haḷe yótóró taru duraalu, “Yalo take diapaae yale fo i ape. Mepaae so whi de atima koḷeaanétei, e beterepaae waai dapóló wonénipó. Yalo Ayané e beterepaae alísóró wapa, ti wonérapó,” yalepó.

⁶⁶ Ai sukamó kaae sóró, Yesuné yó matere whirape mepaae a sya fole ala taaralepó.

⁶⁷⁻⁶⁸ Atétepa, ama yó matere 12 whirapepaae duraalu, “Diaaokélé e taaróló faai kisipa mute?” depa, Saimon Pitané apaae duraalu, “Tale-ó, da me de beterepaaemo faaloé? Mo ti betaaire fota, ya tuamó ai mole ape.

⁶⁹ Yata, Kótóné ama fopeyóló kae beteró betere whi wisinaalepóló, dané yapaae tué tiki tiró beterapó,” yalepó.

⁷⁰ Ai fo depa, Yesuné atimapaae tokó mótu duraalu, “Diá 12 whirapeta, yalotei sorokó sóró kae beteró beterapó. Tépateti, beta whi tuapaae dowi kepe doropóló ai betere ape!” yalepó.

⁷¹ Ama ai yale fota, Iskariot be whikó Saimon naalema Judas-mó kisipa muturaalu yalepó. Ti Judas akélé 12 whirapekó ama yó matere whitei, a dópóló eléké deyaaire seképó.

7

Yesu ɔla deterepaae fele fo

¹ Ai alarape yóló kemetepa, Yesu a Judia hae kwiamó betó mole Juda fake whirapené a daai du betepa, Judia hae kwiapaae fení, Kaleli hae tuamóteí kutu betalepó.

²⁻³ Tépateti, Juda fake whirapené furu berapemó ɔla deyaai tukóló muló betere be de felekemó

sókó waai depa, Yesuné ama nomarapené apaae duraalu, “Ya ai betere be hulua taaróló, naao yó matere whirapené naao erótu betere kelemei alarape kolópóló, ya Judia hae kwiapaae fumié yóló setu betalepó.

⁴ Ti noatepae, beta doi mole whi betaai depa, ti ama dere ala kikiti kinóló ini, so whi feané kolópóló hakeamó enérapó. Atépa, ti naao ai du betere alarape i haemó betó mole so whi feané kolópóló hakearae,” yalepó.

⁵ Ti ama nomarapené ai yale fota, atimakélé apaae kisipa tiréni irutei yalepó.

⁶ Ai fo depa, Yesuné atimapaee duraalu, “Diaa apaaite alata, hale hoko sukamó deté fenérapó. Tépaitei, e ai ɔla deterepaae faai tukóló muló betere mo dono be de sókó waai teórapó.

⁷ I haemó betó mole so whi feané diɔ hóróló bóe dele ala enénipó. Tépaitei, e hóróló bóe dele ala suka fea hale yó tarapó. Ti noatepae, atimané du betere dowi ala bete ɔalo hakearóló yó materemó, etamo dei tué muturaalu dapó.

⁸ Eta, ai ɔla deterepaae faalomeipa, diɔ maaté holae. Ti noatepae, e ɔalo yaaire ala teóreteiné beterapó,” yalepó.

⁹ Ama atimapaee ai fo yóló, a Kaleli hae kwiamó sawa kaae tawóló beterepó.

¹⁰ Téyaleteti, ama nomarape atima ɔla deterepaae fitikimó, nalo akélé Jerusalem be huluapaae holaletei, so whiné a kelaosóro hakeamó feni, kikiti sókó fóló beterepó.

¹¹ Atéro, kale ɔla detere tikimó atima Juda topo whirapené a wóló beterémóló kekalemó bitinipa

atimasisi duraalu, “Kale whi momó beterérópó?” yalepó.

¹² Ai ɔla detere tikimó touró betere mepaae so whi atimasisi kikiti deté furaalu, “Aṭa, mo whi wisipó,” depa, mepaae so whiné duraalu, “Meipó. Aṭa, so whi fea dilikóló kapala ala yó mótu betere whipó,” yalepó.

¹³ Téyaleteti, atima Juda topo whirape kolóló wituraalu, mo whi betanékéle mepaae forape haḱeamó inipó.

Yesu ɔ atimané ɔla detere tikimó daalu yó melale fo

¹⁴ Atéro, kale ɔla detere be de sókó waai mepaae be de haḱe mupa, Yesu ɔ momatere be tipi bolaa tuapaae holóló, kale fo kaae sóró yó mótu be-talepó.

¹⁵ Ama atéro yó matere fomó, kale Juda topo whirape atima kilita sókó fu, sirayóló duraalu, “I whiné atei kaae fosó fosó yóló yó mótu betere fo-a, ɔ *skul*-paaekélé fenitei, momó kisipa sóró du bitu dérópó,” yalepó.

¹⁶ Ai fo depa, Yesuné atimapaee duraalu, “Yaḱo i yó matere fota, yaḱotei kekeme nóló dumi, ɔ dotɔyale sekéné yae yale fotóro du beterapó.

¹⁷ Mepaae whinétamó Kótóné kisipa mole ala sya fóló, ama ala eraai kisipa mutepa, ti yaḱo i yó matere fo Kótóné ama kisipa mole ala sya fóló dépé, yaḱotei kekeme nóló déro, ai whiné amatei kaae kolóló talenérápó.

¹⁸ Me whiné ama tuénétei kekeme nóló yó mótu betepa, ti ama doi doasi muópóló du beterapó. Tépateti, me whinétamó ɔ dotɔyale sekéné doi doasi

muópóló ama ala eratepa, ti atétere whi tuamó mo alatóró mulu, kapala ala mo sawakélé munipó.

19 Take kale tukóló muló betere fo Moses-né diapaee menenié? Téyaletai, diáko betá whinékélé ai tukóló muló betere fo sya feni, tikitua dapó. Atérapa, diané ę noatepa daai du bitu de?” yalepó.

20 Ai touró betere so whiné ępaee duraalu, “Ya tuamóta, dowi kepe tepeyóló ai ęanapa, ya né daai du betepa de?” yalepó.

21 Ai fo depa Yesuné atimapaee duraalu, “Yało betá kelemei ala eraleteimó diaaę ai siratu betere ape.

22 Tétu betereitei, diaaę tiki sekaę tukóló sirirótu betere alata, Moses-né amatóró kaae sóró inipó. Ténitei, mo take diaaę noutererapené du betale ala sya furaalu, ęa naai tukóló mulale be demótei, mió diané naalerapekélé tiki sekaę ai tikitu betere ape.

23 Tépateti, Moses-né yóló muló betere fo diaaę tikaalo meipóló kisipa mutu, ęa naai tukóló muló betere be demótei, diaaę naalerape tiki sekaę ai tikitu betere ape. Térapa, ai ęa nokole be demótóró, whiné tiki turó yało wisirateremó, diané ętamo noatepa fopaae butu de?

24 Diaaę tómó mole ala kolóló ę só derótu betere fo mo taalae. Mo bete mole ala donotóró taleyae,” yalepó.

25 Ama ai fo depa wosóló, mepaae Jerusalem be huluamó betó mole so whiné duraalu, “Juda topo whirapené daai du betere whi ątóró ęiti meié?

26 Mió ą so whi feané keletómó daalu, ama fo ęakeamó yó mótu betepatei, atimané ępaee me fokélé dumipó. Ti Yesu ąta, so whi fea

teṭeróló kaae tanópóló, Kótóné sóró beteró betere whị Kerisopóló, Juda topo whịrapené kisiparu démólópó?

²⁷ Dạnéta, ai whị wale turuku be kisiparapó. Atépatēi, so whị teṭeróló kaae tare whị Keriso ą wale sukamó, mo betą whịnékélé ama turuku be kisipa yaalo meipó,” yalepó.

²⁸ Atéró Yesu ą moma dere be belamó daalu, fo haḷe yótóro mótu bitu fo fakeyóló duraalu, “Ę wale turuku bekélé ẹkélé, diaaọ kolóló kisiparapó dere fota, mo ai dere ape. Tépatēi ẹ i wóló betereṭei yaḷo kọleaané ani, Ayané ẹ dotonatepa walepó. Ọta, mo alatóro yó tare sekẹ betepatei, diąné ą kolóló kisipanipó.

²⁹ Ténitei, ẹta ątamo betámó betóló ama ẹ dotonatepa waleteiné yaḷo ą mo kisiparapó,” yalepó.

³⁰ Ama ai fo deremó, atimané ą tawóló *dipula* beteraai yaḷetei, whị betąnékélé ą tane fenipó. Ti noatepae, ąpaae ai ala eraaire be de sókó waai teópa yalepó.

³¹ Aimó touró betere so whị atima ai fo du betepatei, mepaae kisipa tiró betere so whịné duraalu, “So whị fea teṭeróló kaae tanópóló, Kótóné dotonaalopó ere whị wale sukamó Kótóné dapó yópóló, i sekéné eratere kelemei alarape fea bosenóló, me noa kaae doasi ala eraaloé?” yalepó.

³² Aimó touró betere so whịné Yesuné du betere alamó, atimasisi kikiti du betepa, Farisi whịrapené wosalepó. Atétepa, so whimó Talepaae momaratere topo whịraperó Farisi whịrapetamoné momatere be kaae tare diki tare whịrapené Yesu tawóló *dipula* beterópóló dotęyalepó.

33 Atétepa, Yesuné atimapaee duraalu, “Èta fòlo sukamó bitini, mo sawa sukamó maaté diätamo betóló, ẹ doteyale seké yalo Aya beterepaee momó fesaae faalopó.

34 Ẹ diaaọ kekçalotei, kelaalo meipó. Ẹ fóló betere tikipaae diä wókélé mo yaalo meipó,” yalepó.

35 Ama ai dere fo wosóló, kale Juda topo whịrape atimasisitei, fo kẹlaaróló duraalu, “Ai whịné ọ kekọta yaalotei kelaalo meipó, ọ fole tikipaae diä wókélé yaalo meipó, du betere fota, mopaae faai dérópó? Dọ Juda fake whịrape Krik fo bole be huluapaae dapo dapo yóló betere so whịpaae fo yó male faairaalu démólópó.

36 Ama du, ‘Diaaọ ọ kekçalotei kelaalo meipó, ọ fóló betere tikipaae diä wókélé yaalo meipó,’ du betere-a, noa fo betené dérópó?” yalepó.

37 Ọla deté wóló kemerótu mo doasi ọla deyale sukamó, Yesu ọ turukó holóló fo fakeyóló duraalu, “Mepaae so whị detamo wẹi nokole depa, ti ẹ beterepaee nale wópóló yae.

38 Kale asẹre fo tuámó Kótóné i fo erapó. So whị tuámó mo ti betó tare wẹi fọturaalu, feleyóló faalo ai ape ere fo mo dokonóló, mepaae whị detamo ẹpaae kisipa tiki tiratepa, ti ai so whị tuapaae mo eraalopó,” yalepó.

39 Yesuné ama ai yale fo beteta, take ọ hepen-paae furaalu, Dẹi Kepe Wisi apaae kisipa tiratere so whịmó matepa saalopóló kisipa mutu ai fo yalepó. Aita, ama doasi doi saaire be dẹ teópa kaae taruraalu, ai fo yale sukamó kale Dẹi Kepe hapale menipó.

⁴⁰ Ama ai dere fo wosóló mepaae so whịné duraalu, “Kótóné kóló whị waalopóló bopetu betaleteti, me kae mei ọtóró mo hịtipó,” du betaletépó.

⁴¹ Ai fo depa, mepaae so whịné duraalu, “Àta, so whị fea tẹteróló kaae tanópóló, Kótóné sóró beteró betere whị Keriso hịtipó,” Tétépa mepaae so whịné duraalu, “Meipó. Keriso ọ Kaleli haemó netéró waalopóló de?” du betaletépó.

⁴² “So whị tẹteróló kaae tare whị Keriso ọta, Take Depit-né ama turuku be Betelehem-mó ama deté fele naale tuámó sókó waalopóló ašemó inié?” yalepó.

⁴³ Ai fo depa woseturaalu, Yesu ọ derópóló ai so whị atima fea betọ kisiapa muni, kisiapa kae kae mutu betaletépó.

⁴⁴ Téturaalu, mepaae whịné ọ tawóló *dipula* beteraai kisiapa mualeteti, whị betanékélé ọ tane fenipó.

Juda topo whịrapené Yesupaae kisiapa tiki tiréni yale fo

⁴⁵ Ai alarape yóló kemeróturaalu, kale momatere be kaae tare diki tare whịrape atima Yesu tawóló *dipula* beteraai dapóló feleteti, momó fesaae walepó. Atétépa, mo so whịmó Talepaae momaratere doasi topo whịraperó Farisi whịrapetamoné atimapaae duraalu, “Ai whị-a, dapesó wale noatepa taaróló waleé?” yalepó.

⁴⁶ Ai fo depa, kale diki tare whịrapené atimapaae teraae faróló duraalu, “Mo take betale alimó betọ whịnékélé, mió i whịné dere fo kaae depa mo wosenipó,” yalepó.

47 Ai fo depa, kale Farisi wh̄rapené duraalu, “Aita, diakélé dilikituraalu yalepa kelaē!

48 D̄akó i betó mole momaraterē topo wh̄rapero Farisi wh̄rapetamo mo betakélé apaae kisipa tiki tiró beterekó diaaḡ kelere? Mo meipó.

49 Tépaitei, i betó mole so wh̄i Moses-né asere fo dosayóló tuēni, haē h̄oko betó mupa, ti Kótóné atima doróló mokoraalopó,” yalepó.

50-51 Ai fo depa, take Yesu beterepaae fele Farisi wh̄ikó ama doi Nikodimas-né mepaae Farisi wh̄rapepaae duraalu, “D̄ané tukóló muló betere fo sya furaalu, me wh̄iné ama i alarape yalepó dere fo wosenipatei, haē h̄oko só derótua de?” yalepó.

52 Atétepa, atimané Nikodimas-paae duraalu, “Yakélé Kaleli wh̄ié? Kótóné kóló wh̄ita, Kaleli hae kwiamó waalopó fo inipó. Ai fokó asēmó muléro kelaasepóló dosayae,” yalepó.

53 Atéro, ai tourale so wh̄i atimané be séle sélepaae dapo dapo yóló felepó.

8

So betḡ wh̄i metamo daaneta du betepa, dapesó wale fo

1-2 Atéro fi tikimó, Yesu ḡ Olip du sorokó molepaae fini holalepó. Atéro fiyóló, be deḡepa mo h̄ikati ḡ momaterē be tipi bolaa tuapaae momó fóló daalemó, so wh̄i fea wóló ḡ bopéro betepa, biḡ doropóló atimapaae fo yó mótu betalepó.

3 Atéro yó mótu betalemó, kale tukóló muló betere fo yó materē wh̄rapero Farisi wh̄rapetamoné betḡ so nópu nuku betepa kolóló

dapesó wóló, ai touró betere so whị tuámó daalalepó.

⁴ Atéro daaló bitu Yesupaae duraalu, “Yó matere whị-ó, i sota nópu nuku betepa kolóló dapesó walepó.

⁵ Atei ala dere sorapeta, kapo duné siróló dae yóló Moses-né ašemó erapó. Atérapa, naao me fokó enére?” yalepó.

⁶ Atimané ọpaae atéro wosale fota hẹle inipó. Ọ só deraairaalu, atimasisi fo deyóló ọ sụ su ai fo yalepó.

Tétepa, ọ hemée deyóló bitu, naase douné haemó asẹtu betalepó.

⁷⁻⁸ Atéro atimané ọpaae wosetere fo dekeró yó tapa, ọ hemée taretei donone holóló duraalu, “Diakó dowi ala mo betakélé initere whị betepata, ti ai whịnépi ọ kapo duné siróló dọpóló yae,” yalepó. Ai fo yóló, ọ momó hemée deyóló haemó asẹtu betalepó.

⁹ Ama ai dere fo wosetu, mepaae teó so whị nalo wópóló, otererape atimapi be séle séle fu betalepó. Atima fea atéro fi tikimó, Yesu ọ betẹ bitu kelalemó, kale so ọ daale tikimótóro hẹle daalepó.

¹⁰ Atẹpa Yesu hemée taretei donone holóló, kale sopaae duraalu, “Ti so-ó, ọ só deróló daai du betale whịrape-a, mopaae feleé? Me whịnékó ọ só deraleé?” yalepó.

¹¹ Ai fo depa kale soné duraalu, “Doa whị-ó, mo betẹ whịkélé imó bitinipó,” yalepó. Tétepa Yesuné ọpaae teraae faróló duraalu, “Yalo ọ só derótumipa dua fae. Téturaalu, naao deté wou

betere dowi ala momó kae ini, mo ti taalae,” yalepó.

Yesuné ęta etei kaae whı́pó yale fo

¹² Atéró Yesuné ama yale fo kaae, so whı́paae momó duraalu, “I haemó dęrótu betere dęta ti mo ętórótıpó. Mepaae ę sya wale so whı́ta, diliki tuamó kuni, dę tuamótóro kwęyóló, mo ti betere bete sóro betaalo ai ape,” yalepó.

¹³ Ai fo depa, kale Farisi whı́rape atima dei tuę mutu Yesupaae duraalu, “Naaotei ya etei kaae whı́póló dere fo mo dapóló, dané wosaalomeipó,” yalepó.

¹⁴ Ai fo depa, Yesuné atimapaee tokó mótu duraalu, “Yałotamo ę etei kaae whı́pó depa, so whı́né mo dapó enérapó. Ti noatepae, ę betóló wale tikiró faaire tikitamo yałotóro tuęrapó. Téretei, ę wale ala ó fole ala dią tuęnipó.

¹⁵ Diąné me whı́ hamoma taleyóló só deratere alata, mo whı́né dere ala sya fóló du beterapó. Téretei, yałó taleyóló me whı́ só deratere ala mo dumipó.

¹⁶ Yałotamo ai ala depa, ti ę yałó wotoró bitini, ę dotęyale sekę yałó Ayatamo betą kisipa muóló, fea ala wusuró dereteiné mo donomó enérapó.

¹⁷ Téretei, diaaq sya fu betere asemó etei fo yóló muló beterapó. Whı́ mené fo kae ini, atimaamo wusuróné betą kaae fotoró depa, ti mo dapó du beterapó.

¹⁸ Atétu dere kaae, yałotei ę etei kaae whı́póló yó melóo, ę dotęyale sekę yałó Ayanékélé, ę tuamó ere alatóro fea ama mo dono yó melóo, du beterapó,” yalepó.

19 Ai fo depa, atimané ɔpaae woseturaalu, “Naa Aya momó betere?” depa, Yesuné duraalu, “Èkélé, ɔlo Ayakélé diaaɔ mo kisipanipó. Ètamo diɔné kiswa uɔsóró, ti ɔlo Ayakélé diaaɔ sumó kiswa uɔpó,” yalepó.

20 Yesuné ama i forape du betaleteita, momatere be tipi bolaa tuɔmó Kótópaae *moni* haɔle maleta dere tikimó daalu, yó mótu betalepó. Téyaletei, ɔpaae me ala eraaire be de teóreteiné beta whɔnékélé ɔ tane fenipó.

21 Atéró, Yesuné ama yale fo kaae, atimapaee momó duraalu, “Èta, diɔ taaroló fulapó. Atéró fi tikimó diɔné ɔ kekitu betaalotei, diaaɔ du betere dowi ala tuɔmó diɔ sukɔalo ai ape. È fole tikipaae diɔ mo wókélé yaalo meipó,” yalepó.

22 Ai fo depa, kale Juda topo whɔrape atimasisi duraalu, “À fole tikipaae diɔ waalo meipóló yale fo beteta, amatei ɔ daalopóló du yalepó,” yalepó.

23 Tépateti, Yesuné atimapaee yótóró taru duraalu, “Diɔta, i haemó kaayóló beterapó. Èta, ó taoró biti dorowale whipó. Diɔta hae whi betereteiné haemó mole alatamo fulumu du beterapó. Tépateti, ɔta ó taoró dorowaleteiné i haemó mole alatamo fulumu dumipó.

24 Take ɔlo diɔpaae diaaɔ du betere dowi ala tuɔmó sinaalo ai ape yale fota, ti i betené yalepó. Diaaɔ ɔlo dere fo wosóló, ɔ etei kaae whipóló kiswa tikitamo tiréni depa, ti diaaɔ du betere dowi ala tuɔmó diɔ sinaalo ai ape,” yalepó.

25 Ai fo depa, atimané ɔpaae duraalu, “Ti ɔ deé?” yóló wosetepa, Yesuné duraalu, “Mo take kaae sale sukamótei, etei kaae whipóló diɔpaae deté wou betaletei me kae mei ɔtóróti i ape.

²⁶ Diaaḡ du betere alamó yaḡo diḡtamo fo tokóló diḡ só deraaire fo mo dekeró mulapó. Tépatēi, ę dotęyale sekę ąta, mo alaró mo fotamoné betepó. Ama depa yaḡo wosale fotóró i haemó betó mole so whį feapaae yó mótu beterapó,” yalepó.

²⁷ Atimané ama ai dere fo wosóló, ita Alima tuamó ere alatóró yó matapóló kisipa munipó.

²⁸ Atétu betepa, Yesuné atimapaae duraalu, “Kale Whįné Naalema diḡné sikipaae só horatere sukamó, ę etei kaae whįpóló diaaḡ kisipa yaalopó. Mió diḡpaae i yó mótu betere fokélé, yaḡo kęleaané kekeme nóló dumi, Aya ę dotęyale sekéné yó matere fotóró dapó.

²⁹ Ai ala yópóló, ę dotęyale sekéné ę wotoró beterópóló taaréni, ą ętamo betamó beterapó. Ti noatepae, suka fea yaḡo du betere alata, ą hękese yaaitere alatóró erótu beterapó,” yalepó.

³⁰ Ama atéró yó mótu betale fo wosóló, mepaae so whį ąpaae kisipa tiralepó.

Atima Abraham-né naalerapépó yale fo

³¹ Atéró, Yesuné ąpaae kisipa tiró betere mepaae Juda fake so whįpaae duraalu, “Diaaḡtamo yaḡo yó matere fo wosóló eró tapa, ti diḡ mo yaḡo yó matere so whįtóró beterapó.

³² Atéró, kale mo fo betekélé diaaḡ tuę duraalu, diḡ dokóló moletēi ai foné teraayóló hąle fópóló eraalo ai ape,” yalepó.

³³ Ai fo depa atimané ąpaae tokó mótu duraalu, “Dą Abraham-né deale naalené deté wale whįrapeta, mo betą whįné wae sóró kutó diratere whįkélé bitinipó. Tépatēi, naao dąpaae diḡ mené

kutó diratere ala ini, haḷe fópóló yaalopó dere fo-
a, noa betené de?” yalepó.

³⁴ Ai fo depa Yesuné duraalu, “Yaḷo diḷpaae mo i
dere ape. Mepaae so whi detamo dowi ala haḷe yó
tapa, ti ai alané wae sóró kutó diratere so whitóró
beterapó.

³⁵ Ti ai so whita, beta whiné deale naale senaale
aleóló mo ti betenénipó. Tépateti, beta whiné
naalema a beta ai whiné amatóró deyaletiné mo
titóró betó tawaalopó.

³⁶ Atérené kale Whiné Naalemanétamo diḷ
képiné kaae dokóló mole so whi teraayóló haḷe
fópóló depa, ti diḷ mo fótóró yaalo ai ape.

³⁷ Diḷta, Abraham-né deale naalené deté wale
whirape betere ala yaḷo tuérapó. Tépateti, yaḷo fo
diḷ tuámó muniru, diaaḷ e daai ai du betere ape.

³⁸ Yaḷo i du betere fota, yaḷo Ayatamo bitu kelale
alatóró du beteraapó. Atére kaae, diḷané du betere
alakélé, diaaḷ ayané diḷpaae yó matere alatóró ai
du betere ape,” yalepó.

³⁹ Ai fo depa, atimané apaae duraalu, “Dané ay-
ata Abraham-pó,” depa Yesuné duraalu, “Diḷtamo
Abraham-né naale senaale bituḷsóró, ti ama yale
alatóró sya fóló uapó.

⁴⁰ Yaḷo diḷpaae yó mótu betale fota, Kótóné
epaae depa wosale fotóró du betepatei, diaaḷ e
daai ketekḷ ai butu betere ape. Ti Abraham-néta,
diḷané ai dere ala kaae inipó.

⁴¹ Diḷané ai du betere alarapeta, diaaḷ ayané yale
alatóró sya fu beteraapó,” yalepó. Téró atimané
duraalu, “Dḷta, qlémi nóló hōko deyale naalerape
meipó. Dané Ayata, Kótó atóró beteraapó,” yalepó.

Satan-né naale senaale ai ape yale fo

42 Tétepa, Yesuné atimapaee duraalu, “Kótó a diaaꝝ Ayatamo uꝝsóró, ti eꝝpaee hekesené sinóló yaala sókó fole ala uꝝpó. Ti noatepae, mió e i haepaae wóló diꝝtamo i betereiteita, yaꝝlo kꝝleaané ani, Kótóné ama e dotonatepa walepó.

43 Yaꝝlo dere fo diaaꝝ wosetutei, kisipa initere noa betené de? Ti aita yaꝝlo fo wosóló, eraaire kisipa diꝝ tuꝝmó muniru dapó.

44 Atérené diꝝta, diaaꝝ aya Satan-né ama fake so whi bitu, ama kisipa mole ala eraai du beterepó. Ti aꝝta mo fo buniruraalu, mo take keké nale alimóteí kaae sóró, whi dilé wou betere sekéꝝpó. Atétu, ai kale fo wisi mo sawakélé a tuꝝmó munipó. Aꝝta, kapala foné alima bitu, suka fea kapala fotóró dua dapó. Ti kapala fota, ama be fopó.

45 Yaꝝlo diꝝpaee mo fo du betepatei, diaaꝝ yaꝝlo dere fo wosóló, mo dapóló kisipa tirótimipó.

46 Yaꝝlo etei kaae dowi ala yalepóló, diꝝkó beta whiné haꝝkearóló enére? Yaꝝlotamo diꝝpaee mo fotóró yó mótu betepa, ti diꝝané eꝝpaee kisipa tiki tiratere ala dumipó.

47 Kótóné so whinéta, ti ama dere fo wosetu beterepó. Diꝝta, Kótóné ama fake so whi bitinireteiné ama fo wosetumipó,” yalepó.

Yesuné amatei a etei kaae whiꝝpó yale fo

48 Tétepa, kale Juda whiꝝrapené aꝝpaee duraalu, “Daꝝné yaꝝta, Samaria whiꝝkó dowi kepe tepeyóló beterepó dere kapala fo de?” yalepó.

49 Ai fo depa, Yesuné duraalu, “E tuꝝmó dowi kepe tepeyóló bitinipó. Eꝝta, yaꝝlo Ayané doi beta

sóro horótu betepatei, diaaḡ yaḡo doi haepaae só derótu beterapó.

⁵⁰ Yaḡo du betere alata, ętei doasi doi muaai dapóló kisipa muóló dumipó. Ę doasi doi mulatere alata, mené eraai ketekeḡ butu beterapó. Ti ąta, fo tokóló taletere bete Talepó.

⁵¹ Yaḡo diąpaae mo dapó. Mepaae so whı̄ detamo yaḡo fo wosóló, sya fóló erótu betepa, ti ai so whı̄ sukókélé mo yaalomeipó,” yalepó.

⁵² Ai fo depa, atimané ąpaae duraalu, “Ya tuamó dowi kepe ąayóló mulu du betere alarape ąané tuęrapó. Ti noatepae, Abraham-kélé sukóo, mepaae take betale Kótóné kóló whı̄rapekélé sukóo yalepó. Téyaletai, naao du, yaḡo fo sya fóló eratere so whı̄ta, sukąalo meipó ai dere ape.

⁵³ Ai fota, ąané aya Abraham naao tęteró beterapóló de? Ti Abraham ąkélé sukóo, take betale Kótóné mepaae kóló whı̄rapekélé sukóo, erapó. Térapa, naao kisipané yaḡ depóló de?” yalepó.

⁵⁴ Ai fo depa, Yesuné tokó mótu duraalu, “Yaḡotamo ętei doasi doi muaaire ala depa, ti so whı̄né mo ala dapóló kisipa muaalomeipó. Tépatai, yaḡo Aya dią tęteróló kaae tare Kótópó, du betere sekéné ama betą yaḡo doi doasi mulatere ala du beterapó.

⁵⁵ Diaaḡta, ai seké kisipanitei, yaḡo betą ą mo kisiparapó. Yaḡotamo ą kisipanipó uasóro, ti ę dią kaae kapala fo dere whı̄ bituąpó. Téuątai, yaḡo ą kisipa iruraalu, ama fokélé yaḡo eró tarapó.

⁵⁶ Diaaḡ aya Abraham-né ę waaire be de sókó wópóló kaae taru, ą hekesené sukutu bitipakalepó. Téyaletai, ę wale ala ama kilitu, ą

hainé sukóló ama hosaa muni deyalepó,” yalepó.

⁵⁷ Ai fo depa, atima Juda wh̄rapené apaae duraalu, “Yata, 50 ba fo kemenitei, Abraham naao ai kilirapó!” yalepó.

⁵⁸ Ai fo depa, Yesuné atimapaee duraalu, “Yalo diapaae mo i dere ape. Abraham akélé hamané deyaaipatei, ę mo taketi betere wh̄pó,” yalepó.

⁵⁹ Atétepa, atimané kapo durape sóró ą siróló daai yaleteti, ą kelaqsóró kikiti buté buté fóló, moma dere be bopére tipi taaróló, belapaae sókó doropóló felepó.

9

Yesuné kele nomone wh̄i wisirale fo

¹ Atéró, Yesu ą tumó fu betalemó, wh̄i betą hamané depemóte i kele dilikipa deale wh̄i betepa kelalepó.

² Atépa, ama yó matere wh̄rapené apaae duraalu, “Yó matere wh̄i-ó, i wh̄iné kele dilikiretei, ama yale dowi alané erépé, hamaró alimatamoné yale dowi alané erémólópó?” yalepó.

³ Ai fo depa, Yesuné duraalu, “I wh̄iné ama kele dilikire alata, ama yale dowi alané ó hama alimané yale dowi alanékélé meipó. Aita, Kótóné fotokóné ama tiki tuamó ere ala wisiró betepa, nalo so wh̄i feané kolópóló erapó.

⁴ Be deępatei ę dotęyale wh̄iné ama kutó dané haęle dirótu betenérápó. Mióta, be diki dere ala sókó waai ai dere ape. Atétere sukamó, wh̄i mo betanékélé me kutó dinénipó.

⁵ Ę i haemó haęle bituraalu, ti haemó betó mole so wh̄ipaae deęrótu betere deęta, ti ętórótípó,” yalepó.

⁶ Ai fo yóló, Yesuné fesaa haepaae sókó deróló, hae kaae sóró basa basa eróló, kale whiné kelemó dilalepó.

⁷ Atéró aapaae duraalu, “Naa dore kele u Sailoam wẹi kemó fokone fae,” yalepó. (Sailoam doiné bete feteyóló doteyalepó.) Ai fo depa, kale whi a fóló fokalemó, mo ti wisitepa, ama bepaae momó fesaae wouraalu, ọla ọla wisiyóló kelalepó.

⁸ Atépa, ama be whi so whiró a kele doyóló bitu, ọla ọla kema du betepa kelale so whitamóné duraalu, “Ita, take kele doyóló bitu, ọla ọla kema du betale whi hiti irurapó?” yalepó.

⁹ Tétepa mepaaené duraalu, “Me kae mei atóró htipó depa mepaaené meipó, betá kaae kelepaa daale whi kae irurapó,” yalepó. Tétepa kale whiné amatei duraalu, “Take kele dilikiyóló bitu, ọla ọla kema du betale whita me kae mei, etóró hiti i ape,” yalepó.

¹⁰ Ai fo depa atimané aapaae duraalu, “Naa kele dilikiretei netéró wisiyaleé?” yalepó.

¹¹ Tétepa ama duraalu, “Atimané Yesupó du betere whiné hae sóró basa basa eróló yalo kelemó dilóló, Sailoam wẹimó fokone fae depa, fokale tikimó yalo kele wisiyóló mió ọla ọla keletapó,” yalepó.

¹² Ai fo depa atimané aapaae woseturaalu, “Ai whi a momó betere?” depa kale whiné duraalu, “A momó beteréro ekélé kisipanipó,” yalepó.

Farisi whirapené betá whiné kele neyóló wisir-aleé? yale fo

13 Téro, atima mepaae wh̄rapené kale kele dilikiyóló betale wh̄ Farisi wh̄rape beterepaae dapesó walepó.

14 Yesuné kale kele dilikire wh̄ hae dilóló wisir-ale alata, s̄a naai tukóló muló betere be demó yalepó.

15 Atépa kale Farisi wh̄rapenékélé apaae wose-turaalu, “Naao kele dilikiretei, netéro wisiyaleé?” depa, ama atimapaae duraalu, “Yalo kelemó hae dilóló Sailoam w̄i kepaae fokone fae depa, ę fóló fokalemó yalo kele wisiyóló, mió ọla ọla keletapó,” yalepó.

16 Ai fo depa mepaae Farisi wh̄rapené duraalu, “I wh̄ita, Kótóné dotonale wh̄ meipó. Ti noatepae, s̄a naai tukóló muló betere be demótei, ama etei kaae kutó ditu beterapó,” yalepó. Ai fo depa, mepaae wh̄iné duraalu, “Dowi ala du betere wh̄iné etei kaae kelemei ala netéro eraaloé?” yóló atimasisi tekeyóló fo kae kae du betalepó.

17 Téro atima ai fo yóló kemetepa, kale kele dilikiyale wh̄ daalepaae fetée fóló duraalu, “Ai wh̄iné naao kele wisiró beterapa, naao ą depóló kisipa mute?” depa, kale wh̄iné duraalu, “Āta Kótóné ama k̄lóló wh̄ikópó,” yalepó.

18 Tétepa, ai kale Juda wh̄rapené ą take kele dilikiyóló betale wh̄tei, wisiró beterapóló kisipa tiréni, ą kae wh̄ nisiyóló ama hamaró alimatamo dapesene fópóló, mepaae wh̄rape dotęyalepó.

19 Atéró, kale wh̄iné hamaró alimatamo wóló betepa, Farisi wh̄rapené atimaamopaae wosetu-raalu, “Ita diaamoné kele dilikipatei deyalepó yale

naale h̄itié? Atéyaletei, mió ama kele wisiretei netéro yaleé?” yalepó.

²⁰ Ai fo depa, hamaró alimatamoné duraalu, “Āta ɖamoné naalepó. Ama kele atéro dilikipa deyaleteti ɖamoné kisiparapó.

²¹ Tépateti, ama kele wisirale wh̄i ó netéro wisiraleró ɖamokélé tuɛnipó. Ti ɖkélé disire wh̄ipa, a wisirale fo amatóro yópoló ɖpaae wosae,” yalepó.

²² Kale wh̄iné hamaró alimatamoné atéro yale fo hale inipó. Yesu āta, Kótóné so wh̄i tɛteróló kaae tanópoló, sóro betero betere wh̄ipó dere so wh̄i fo wosetere bepaae holaɖsóro, atima Juda wh̄irapené belapaae hókó deraalopó ere fo atimaamoné wusuróraalu, witepa yalepó.

²³ Atimaamoné ɖkélé disire wh̄ipa, ɖpaaetóro wosae yale fota ai betené yalepó.

²⁴ Téro, Farisi wh̄irapené kale kele dilikiyale wh̄ipaae momó ape yóló duraalu, “Kótóné doi doasi muópoló yae. I sekéta, dowi ala du betere wh̄ipóló ɖané tuɛrapó,” yalepó.

²⁵ Ai fo depa kale wh̄ikó duraalu, “Āta, dowi ala dere wh̄i ó initere wh̄iró ɛkélé kisipa inipó. Téretei, take ɛ kele dilikiyóló betaleteti, mió yalo kele wisiyóló keletere ala betɔ yalo kisiparapó,” yalepó.

²⁶ Atétepa atimané ɖpaae woseturaalu, “Naao kele wisiraa i noa ala maaté yaleé?” yalepó.

²⁷ Ti fo depa ama atimapaae duraalu, “Take yalo diɖpaae yaletei, diaaɖ woseni h̄oralepó. Téyaletei, diɖané momó noatepa wosaa i de? Diɖkélé ama yó matere wh̄irape betaai kisipa mute?” yalepó.

28 Ai fo depa atimané a faleyóló duraalu, “Yata, i sekéné ama yó matere whi airapó! Data, ti Mosesné yó matere whirape betrapó!

29 Take Kótóné Moses-paae mo yalepóló dané kisiparapó. Tépatei, ai whi wale tikikélé da mo kisipanipa, a deró kelae!” yalepó.

30 Tétepa, kale whiné atimapaee tokó mótu duraalu, “Ama yalo kele wisirale alata, mo doasi alapó. Tépatei, a wale tikikélé dia tuenipó depa, yalo doasi sira dapó.

31 Ti noatepae, dowi ala du betere whirapené dere fo Kótóné wosenitere ala dané kisiparapó. Téretei, ama tué mole ala sya fóló, erótu betere so whiné dere fota, ti ama wosetua dapó.

32 Mo take bitiré wale alimó, atéro kele dilikipatei detere whi mené fisaae faralepó dere fo mo wosókélé inipó.

33 Kótóné i whitamó dotonóluaameisóro, ti ama betá alakókélé eróluaameipó,” yalepó.

34 Ai fo depa atimané apaae duraalu, “Yata, naao haeró ayatamoné dowi ala tuamó deyale whinétei, ya da yó matere whi betaai de?” yóló, a foné sóro hókó faralepó.

Mo kelené kelepatei tiki tuamó daale kele dilikire fo

35 Kale Farisi whirapené kele wisirale whi foné sóro hókó faralepó, dere fo Yesuné wosóló, kale whi kekalepó. Atéro kekóló, keletepa apaae duraalu, “Yata, Whiné Naalemapaae kisipa tiró betere?” yalepó.

³⁶ Tétepa kale whiné ɸpaae duraalu, “Doa whi-ó, ɸ ɸpaae kisipa tiki tiraai dapa, ai whi naao ɸpaae yó ɸlae,” yalepó.

³⁷ Tétepa Yesuné ɸpaae duraalu, “Aṭa, mió naao ai kelale ape. Mió yaṭamo i fo du betere seké ɸtóró i ape,” yalepó.

³⁸ Téró kale whiné duraalu, “Tale-ó, mió ɸ yaṭpaae kisipa tiróló i betere ape,” yóló ɸ Yesu daale aqmó bukutiri tearó dua betalepó.

³⁹ Téró Yesuné duraalu, “E i haepaae waletaita, mepaae kele dilikire so whi wisiróo, wisire so whiné kele diliki yóo yópóló, taleyóló bukuraai walepó,” yalepó.

⁴⁰ Yesu ɸtamo felekemó daae mole Farisi whirapené ama dere fo wosóló, ɸpaae duraalu, “Naao ai dere fota, ɸakélé kele dilikirapóló de?” yalepó.

⁴¹ Tétepa Yesuné atimapaee duraalu, “Diṭamo diṭa kele dilikirapó uṣóró, ti diṭané du betale dowi alamó diṭa só deróluṣameipó. Tépaṭei diaaṭ duraalu, diṭané kele wisirapó dereteiné diaaṭ dowi ala haṭe ai mole ape,” yalepó.

10

Sipsip hupu kaae tare topo whi wisita Yesuné ɸtórótipó yale fo

¹ Téró Yesuné duraalu, “Yaṭo diṭpaae mo i dapa wosae. Mepaae whi de kale *sipsip* hupurape betere tipi tumó sókó wéni, demó fulukóló sókó hotepa, ti qlémi nokole whiró hupu doraai wale whiṭamo ai ape.

² Téretei, whi me de kale *sipsip* hupurape betere tumótóró sókó hotepa, ti hupu tale ai ape.

³ Kale *sipsip* hupurape me ala yaqsóró, tų sereke kaae tare whiné ai *sipsip* hupu tale tipi tuapaae wópóló tų tukitepa, ti ama fo nakome hupurapené wosetua dapó. Atéró, kale *sipsip* hupurape fea doi yósu enalemó, ama fo wosóló wapa, ti belapaae olosó fua dapó.

⁴ Atéró, kale hupu talené ama hupurape fea belapaae dapesó doropóló, ama kílímó woleyóló fua dapó. Ti noatepae, kale hupurapené ama fo nakome wosóló tuérapó.

⁵ Tépatei, mo whiné fo nakome woseturaalu sya feni, atima botokótei faalopó. Ti noatepae, ai hupurapené ą kae whípóló tuérapó,” yalepó.

⁶ Yesuné atimapaae ai dó faróló yale fo bete atima sini, kóló kóló du betalepó.

⁷ Atétepa Yesuné atimapaae hąkearóló duraalu, “Yalo diapaae mo i dere ape. *Sipsip* hupu fua wua dere tų sereketa, ti mo ętórótípó.

⁸ Ę waaipatei, take wua yale whırapeta, ti ọlémi nokole whıró ọla ọla fasóló sere whırapetamo ai ape. Tépatei, kale *sipsip* hupurapené atima dere fo wosenípó.

⁹ Kale hupurape fua wua dere tų sereketa, ti mo ętórótípó. Mepaae whı de ę tuámó sókó fupa, ti me ọlané ą doratere ala ini, tao saalopó. Atétere whıta, belapaae nerape nale fua, tipi tuapaae hotua du betaalo ai ape.

¹⁰ Ti ọlémi nokole whırapeta, hąle wómípó. Kale *sipsip* hupurape ọlémi dóló sóró fóo, hupurape dóló doróo, yaairaaalu wua dapó. Téretei,

ę waleteita atima sukutere ala tuamó beteretei taaróló, ti betere bete mo turó sópóló kisipa mutu walepó.

11 Kale *sipsip* hupu kaae tawóló asare whi wisinaaleta, ti mo ętórótípó. Hupurape me ala yaqsóró, tao saai yało betere bete me ęła meipóló ę sukunérapó.

12 Me dupu saai kisipa muóló hupu kaae tatere whita, *sipsip* hupu tale meipó. Atétere whita, hupu dóló nokole bete haq wale kilitu, hupurape dóló nópóló taaróló ę botokó faalopó. Atétepa kale bete haq wouraalu, *sipsip* hupurape dóló sesaape deremó, mepaae hupu botokó dapo dapo yaalopó.

13 Ti noatepae, ai kaae tare whi ę *sipsip* hupurape kisipa muni, dupu saai kisipa muóló kaae tareteiné hupurape taaróló, botokó fua dapó.

14 Ęta, *sipsip* hupurape kaae tawóló asare whi ereteiné, hupurape yało kisipa yóo, hupurapenekélé ę kisipa yóo erapó.

15 Até irure kaae, Ayané ama ę kisipa yóo, yało Aya ę kisipa yóo, erapó. Yało betere bete me ęła meipóló sukąaireteita, *sipsip* hupurape kisipa mutu, tao saairaalu sukunérapó.

16 I tipi tuamó betere hupurape maaté tao saai mei, yało hupurape mepaae kae betó mulapó. Ai hupurapekélé fea yało dape sóró, i betó mole hupurapetamo touróló betamó beteraalopó. Tétepa, ai hupurapenekélé yało dere fo wosaalopó. Tétu, *sipsip* hupurapekélé mo betątóró betóo, kaae tare whikélé betątóró betóo, yaaló ai ape.

17 Yało betere bete tokó sóró sukutepa, ę momó kepaayóló betaalopóló kisipa mutu, yało betere

bete matereteiné yalo Ayané ama epaae yaala sókó fóló mulapó.

18 Whi betanékélé yalo betere bete tokó seni, yalo kọleaanétei matapó. E sinitere alakélé, kepaayóló betaaire alakélé, naaotei teteteróló kaae tawae yóló, yalo Ayané epaae maleteiné yalo teteteróló kaae tarapó,” yalepó.

19 Kale Juda so whiné ai dere fo woseturaalu, atima fea beta kisipa muni, mepaaené fo kae yóo, mepaaené fo yóo, du betalepó.

20 Atétu, mepaae turó so whiné duraalu, “Ai whi tuamó dowi kepe fanuraalu, topo doyóló du betere fo diaaọ noatepa wosetu bitu de?” yalepó.

21 Ai fo depa mepaae so whiné duraalu, “Dowi kepe tepeyóló betere whiné etei kaae fo dumipó. Dowi kepe tepeyóló betere whiné kele dilikire so whi sumó wisiranére?” yalepó.

Juda whirapené Yesupaae kisipa tiki tiréni yale fo

22 Téro, Jerusalem be tuamó Juda fakené moma dere be mo take bóe whiné doraalotei, momó wisiróló ọla deyaai tukóló muló betere be de sókó walepó. Atéro ọla detere alata, sosóli alimó yalepó.

23 Atéyale sukamó, moma dere be belamó tene Solomon-né doi mole be tokweimó Yesu a kutu betalepó.

24 Atétapa, Juda so whiné Yesu boperale wóló, apaae duraalu, “Naao dapaae yó melaai yale fo yó melaalo nisiyóló kaae tawale supa, yatamo so whi teteteróló kaae tanópóló Kótóné sóró beteró betere whi Kerisopata, ti dapaae hakearóló yae,” yalepó.

²⁵ Ai fo depa Yesuné atimapaee tokó mótu duraalu, “Take yálo diápaee yaleteti, diáné tué tiki tirénipó. E etei kaae whípóló diaaḡ kisipa tirópóló, Ayané doimó yálo i kelemei alarape du beteraḡpó.

²⁶ Tépaetei, diá yálo *sipsip* hupu bitinireteiné, epaae kisipa tiró bitini ai ape.

²⁷ Yálo *sipsip* hupurapené yálo fo wosetua dapó. Ai hupurape atimakélé yálo tué yóo, atimakélé e sya wóo, du beteraḡpó.

²⁸ Yálo atimapaee mo ti betere bete matereteiné atima sukóló alukélé mo yaalo meipó. Ai so whi atima yálo naase tuamó betepa, me whiné fasó sere alakélé mo enénipó.

²⁹ Ai *sipsip* hupurape yálo naase tuamó beterale seké yálo Aya ata fotokḡ bole Tale bitu, fea whiraperó kae kae keperapetamo ama teteró beteraḡpó. Atéreteiné atima yálo Ayané naase tuamó betepa, me whínékélé mo fasó senénipó.

³⁰ Yálo Ayané ama ere ala ó mole tuékélé kae mei, damo wusuró mo beta alatóró erapó,” yalepó.

³¹ Ai fo depa wosetu, kale Juda whirapené momó kapo du sóró, ḡ siriyóló daai yalepó.

³² Atétepa, Yesuné atimapaee duraalu, “Yálo Ayané epaae erae depa, kae kae kelemei ala eralepó. Téyalepa, mé erale kelemei alarapemó, diaaḡ e kapo duné siróló daai de?” yalepó.

³³ Ti fo depa Juda whirapené apaae tokó mótu duraalu, “Naao ai eratere alamó ya kapo duné siriyóló daai dumipó. Yata mo whitei, Kótópó du betere foné Kótó faletu betepa, ya daai dapó,” yalepó.

34 Tétépa, Yesuné atimapaae tokó mótu duraalu, “Diñé tukóló muló betere foné diąta, kótórapepóló take yało diąpaae inié?”

35 Kótóné ašemó ere fo tuąmó tekeyóló mepaae wosóo, me kwiapaae woseni sisópaae eróo, dere ala mo enénipó. Ama fo wosale so whįpaae diąta, kótórapepó depa, ti i haepaae wópóló Alima Kótóné kae beteró betere naalepaae noa fo enére?

36 Atépa, yało Ayané ę ama naalepóló sóró kae beteróló, i haepaae dotonalepó. Atérené yało duraalu, ‘Ęta Kótóné naalemapó’ dere fomó, Kótó faletapóló diaaę ę só deróló hałe ęla kaae aęrótu beterapó.

37 Yałotamo, Ayané ama erae dere ala erénitepa, ti diñé yało dere fo wosóló, ępaae kisipa tiraęse.

38 Tépaitei, yało Ayané erae dere ala erateremó, diaaę ępaae kisipa tiratere hótépa, ti mepaae eratere kelemei alarape kisipa tiraę. Atétepa, ti yało Aya ą ę tuąmó betóo, ękélé ą tuąmó betóo, ere ala bete diaaę wisiyóló kisipa yaalo ai ape,” yalepó.

39 Ai fo depa, atimané take yale kaae Yesu tawóló *dipula* beteraai yalemó, ą ai tuąmótei sókó deyóló felepó.

40 Atéró Yesu ą Jordan węi tęyóló, ama yó mótu betere ala kaae sale tikipaae momó biłi felepó. Aita, take Jon-né so whį fea węi tópurótu betale tikipó.

41 Atéró fóló beteremó, so whį mo dékéró ą beterepaae wóló duraalu, “Jon-néta, kelemei ala mo betąkélé eratepa kilinipó. Ténitei, ama i whį kisipa muóló yale fo fea motóro erapó,” yalepó.

42 Atima ai betó mole tikimó, mepaae so whį fea

Yesupaae kisipa tiralepó.

11

Lasarus sukale fo

¹ Téró, Betani be whikó ama doi Lasarus ą kisiné sukóló molepó. Ai be huluata, Maria ama kema Martasépi atimané turuku bepó.

² Ai so Mariata, kale kisiné sukóló mole whi Lasarus-né nemapó. Ȧta, Talené hõleke tómó felé kęlaa wale *wel węi* suniyóló, ama topo nikinétei helekóló kópurale sopó.

³ Kale whiné ama nema tamoné Yesupaae duraalu, “Tale-ó, naao hosaa mole fulumu whi kisiné sukóló mulapó,” fo yó faralepó.

⁴ Ai fo Yesuné wosóló duraalu, “Ȧta, ai daale kisiné ama betere ala mo ti kemeraalo meipó. Ai kisita, Kótó Naalemané Alimané ere ala wisi hąkearatepa, so whi feané kolópoló erapó,” yalepó.

⁵ Martakélé, ama kema Mariakélé, atimaamoné nema Lasarus-kélé, Yesuné ama hosaa mulu, yaala sókó fóló molepó.

⁶ Atépatei, ama noma Lasarus kisiné sukóló mulapó dere fo wosóló, Yesu ą hapale feni, be de tamõ hąle beterepó.

⁷ Téró ama yó matere whirapepaae duraalu, “Da Judia hae kwiapaae momó fesaae faalopa fiépe,” yalepó.

⁸ Ai fo depa, atimané ąpaae duraalu, “Yó matere whi-ó, dóti atima Juda whirapené ya kapo duné siróló daai yale tikipaaetei, momó fesaae faai de?” yalepó.

⁹ Tétepa Yesuné duraalu, “Beta be de tuamó kutó diterere 12-ró suka kele munié? De tuamó kotere whita, me olané hó kotóo sóró déékélé naalomeipó. Ti noatepae, ai whi ata i haemó ere detamo kutu beterapó.

¹⁰ Téretei, diliki tuamó kotere whita, kotóo sóró dée nukua dapó. Ti noatepae, a de tuamó konitereteinépó,” yalepó.

¹¹ Yesuné ai fo yale kilipaae ama atimapaae duraalu, “Dané fulumu whi Lasarus a noke fipa turukuraai e fulapó,” yalepó.

¹² Ai fo depa, ama yó matere whirapené duraalu, “Tale-ó, atamo mo noke fipa, ti ama hale wisiyaalopó,” yalepó.

¹³ Yesuné amata, kale whi mo ti sukunapó yaletai, ama yó matere whirapené ti mo noke fipa dere nisyalepó.

¹⁴ Atétepa, Yesuné atimapaae hakearóló duraalu, “Lasarus-ta, mo ti sukunapó.

¹⁵ Atei alata, diá kisipa tirópóló e atamo betamó betepa iniyaletéiné yalo mo kée dapó. Térapa, da a kelaai faalopa fiépe,” yalepó.

¹⁶ Tomas-tei ama doi Didimas-pó du betere whiné mepaae yó matere whirapepaae duraalu, “Dakélé atamo betamó sukai faalopó,” yalepó.

Yesuné Mataró Mariatamo nema sukalemó seke yaqsóro tao sale fo

¹⁷ Téró, Yesu a Betani bemó sókó fóló kelalemó, kale whi Lasarus दौरó betepa, दौरó be derape kemeipakalepó.

¹⁸ Ai Betani bemó kaae sóró, Jerusalem bepaae foleteita, saletó mei, 3 kilomita maatépó.

19 Atérené, Juda hae kwiamó betó mole so whi mo turó Mataró Mariatamoné nema Lasarus sukáleteiné atimaamo dekené sukaqsóro, kóléó yóló moló bemó fea betaai walepó.

20 Atéro, Yesu a tumó wou beteropó dere fo Matané wosóló, atamo hokolaa yaai fupatei, Maria a bemó hale beterepó.

21 Atéro fóló, tumó hokolaa yóló, Martané Yesu-paae duraalu, “Tale-ó, yatamo imó bituqsóro, ti yalo ne sukuameipó.

22 Tépetei, naao noa alakó Kótópaae wosetepa, ti ama mo miótóro eraalopóló kisipa mutapó,” yalepó.

23 Ai fo depa, Yesuné kale sopaae duraalu, “Naao neta momó kepaayóló betaalo ai ape,” yalepó.

24 Tétepa Martané duraalu, “Take kemetere sukamó so whi fea kepaaturaalu, akélé kepaayaalopóló yalo kisiparapó,” yalepó.

25 Ai fo depa, Yesuné kale sopaae duraalu, “Kepaayaaireteiró betere betetamota, ti mo etórotipó. Whi me de epaae kisipa tiró betere tuamó a sukutepa ti aluni, hale betó tawaalopó.

26 Mepaae so whi de mo bitutei, epaae kisipa tiratepa, ai so whi sukókélé mo yaalo meipó. Naao yalo i dere fo wosóló, mo dapóló kisipa tiki tirate?” yalepó.

27 Tétepa kale soné duraalu, “Tale-ó, yata so whi fea tetéroló kaae tanópóló, sóro betero betere whi Kerisopó dere fo mo dapó. Yata i haepaae waalopóló bopetu betale whi Kótóné Naalemapóló, kisipa tiratapó,” yalepó.

28 Matané ai fo yóló kemetepa, ą fesaae fóló kema Mariapaae ape yóló, deępaae dapesó fóló duraalu, “Hama-ó, kale yó matere whı wóló daalu, ya-ó dapó,” yalepó.

29 Ai fo depa, Mariané ą hapale turukó holóló, Yesu daalepaae felepó.

30 Atéyaletei, Yesu ai be huluapaae hapale sókó feni, Mata atimaamo hokolaa yóló, fo du betale tikimótóróti ąale daalepó.

31 Atéró, Mariapaae ąle-ó, yaai wale Juda fake so whı fea ątamo be dolomó betó muatelei, ą turukó daalóló fupa, nema molóne fole nisyóló atimakélé ą sya felepó.

32 Atéró, Maria ą Yesu daale tikimó sókó fóló ą kelalepó. Atéró, ama hó aomó deraapisa fóló fiyó mulu duraalu, “Tale-ó, ya imó bituąsóró, yało ne sukuąmeipó,” yalepó.

33 Atéró, Yesuné Maria wole dere ala kolóo, ątamo wale Juda so whıkéle wole yóo, depa kilitu, ama hosaa tuąmó doasi deķené sukutu betalepó.

34-35 Atétepa, ama atimapaee woseturaalu, “Di-aaą ą momó douraleé?” depa, atimané duraalu, “Tale-ó, kelaasepóló ape,” yalepó. Ai fo deremó, Yesu ąkéle wole yalepó.

36 Yesuné atéró wole depa kale Juda so whıné duraalu, “Ama hosaa mole whı sukutepa wole ai dere kelere?” yalepó.

37 Téyaletei atima mepaae so whıné duraalu, “I whıné take kele dilikire whı wisirótu yale kaae, i sukóló mole whı wisi erénitupó?” yalepó.

Yesuné Lasarus kepaarale fo

³⁸ Atéró Yesu ą kale yale kaae, momó ama hosaa tuamó doasi dele duraalu, dou tópaae walepó. Téyalemó, ą dourale kane dolo tu doakale kane fakené kinó betepa kelalepó.

³⁹ Atépa, Yesu sókó wóló duraalu, “Ai kinó betere kane fake sókó sóró mulae,” yalepó. Ai fo depa, kale sukóló mole whiné nema Matané duraalu, “Tale-ó, téyaalotei ą douró betepa, be de douró kemeyaletiné mió dowi kęlaa sókó waalo ai ape,” yalepó.

⁴⁰ Ai fo depa Yesuné duraalu, “Naaotamo kisipa tiki tiratepa, ti Kótóné mo kae ere ala wisinaale kelaalo ai ape, fo yąło yąpaae inié?” yalepó.

⁴¹ Atétepa, kale kinó betere kane fake atimané sókó sóró mulalepó. Téró, Yesu ą ó sąpaae kese holóló duraalu, “Aya-ó, yąło moma dere fo naao wosóló, eratereteiné yąpaae mo kée dapó.

⁴² Ti noatepae, betere dokọ fea yąło kematere fo naao wosóló, erótu betere ala yąło tuérapó. Téretei, yąło i dere fota, i daae mole so whiné etei ala kilituraalu, ę naao dotonó beterapóló atima tué tiki tirópóló dapó,” yalepó.

⁴³ Atéró ai fo yóló kemetepa, ama fo fakeyóló duraalu, “Lasarus-ó, yą ipaae tóę ape!” yalepó.

⁴⁴ Atétepa, kale sinale whi belapaae tóę wouraalu, ama hó naasekéle, kelepaaakélé, boperóló mulale deį *linen* kutiné bope yóo, ama kelepaaakélé kutiné husuróo, epatei sókó walepó. Atétepa, Yesuné atimapaee duraalu, “Ą kwęyópolópa, ama tikimó ai bopere kuti teraae falae,” yalepó.

*Topo whirapené Yesu daairaalu, fo deyaleteti
(Mat 26:1-5, Mak 14:1-2, Luk 22:1-2)*

45 Atétepa, Mariapaae kọle-ó yóló, ątamo betaai wale Juda fake so whị fea Yesuné ai yale ala kolóló, ąpaae kisipa tiki tiralepó.

46 Téyaleteti, Mariapaae kọle-ó yaai wale whịrape atimakó mepaae Farisi whịrape beterepaae fóló, Yesuné yale alarape fea yó malepó.

47 Atéró, mo so whịmó momaratere topo whịraperó Farisi whịrapetamoné mepaae taleratere whịrapepaae ape yóló, touróló fo kẹlaaróló atimapaae duraalu, “I whịné ama du betere ala taalópóló depatei, ai whịné taalaaire mo sụni, Talené dapó yópóló, eratere kelemei alarape fea du beterapó. Térapa, ọané noa alakó yaaloró, tuẹ tekeyaalopó.

48 Ọánétamo ama i ala du beterópóló kaae tapa, ti so whị feané ąpaae tuẹ tiki tiraalopó. Atéturaalu, Rom *Gavman* whịrape wóló, ọa betere beró ọané tẹteróló kaae tare hae kwiatamo fasó saalopó,” yalepó.

49 Atéró, ai ba fomó atimakó whị betą ama doi Kaiapas, ą so whịmó Talepaae momaratere doasi topo whị beterepó. Ai sekéné atimapaae duraalu, “Diaaọ ai dere fota, ọia tuẹ iniru whaaliala depa hoko fo dapó.

50 Ọa Juda fake so whị fea aluyaọsóró, betą whị sukutepa wisirapó kisipa muni airapó,” yalepó.

51 Ai fota, amatei kekeme nóló ini, ai ba fomó ą so whịmó Talepaae momaratere topo whị bitu, Juda fake so whị tao saairaalu, Yesu sukąaire ala Kótóné kóló whịné dere fo kaae ama tikati yóló mulalepó.

52 Yesu ą sukąaire alata, ai Juda fake so whị

maaté tao saai meitei, Kótóné ama naale senaale i hae kwiamó dapo dapo yóló, kae betó moletei, fea touróló mo betá faketóro aleróló beteraalopó.

⁵³ Atéyale be demótóro kaae sóro, kale Juda topo whirapené Yesu daairaalu, kikiti fo dokóló mulalepó.

⁵⁴ Atéreteiné Yesu ai Juda hae kwiamó momó kae hakeamó kuni, ai hae taaróló, so whikélé bitinire hãle kópu kãae fi hae kwia felekemó tene Epraim be huluamó, ama yó matere whirapetamo fea beterepó.

⁵⁵ Atéro, Juda fake so whiné kale boseneýoló fele be demó ɔla detua dere be de felekemó sókó waai depa, kae kae be huluamó betó mole so whi fea atima betere tiki taaróló, Jerusalem bepaae holalepó. Aita hãle meipó. Talené keletómó atima wisirapó yópóló, momatere bemó kae kae fokotere ala yaai holalepó.

⁵⁶ Atéro fóló bitu kale so whiné Yesu momó beterérópóló kikitu betalepó. Atéro moma dere be belamó daae mulu atimasisi duraalu, “Diaaɔ kisipané ɔ i ɔla deterepaae waalopé meié?” du betalepó.

⁵⁷ Aita, hãle inipó. So whimó momaratere topo whiraperó Farisi whirapetamoné mepaae whirapepaae duraalu, “Diakó me whinétamo ɔ keletepa, ti tawóló *dipula* beteraalopa, atimapaee ene ape yóló mulaletiné,” ai fo yalepó.

12

Mariané felé kɛlaa wale nard wel wɛi turó

Yesuné hómó dilale fo

(Mat 26:6-13, Mak 14:3-9)

¹ Atéró, kale boseneyóló fele be demó ọla deyaairaalú, apo miró be de ọ́lẹ́ mupatei, Yesu ọ́ ama kepaarale whi Lasarus-né turuku be Betani-paae sókó walepó.

² Ai bemó atimané Yesu hekeseróturaalu, ọ́mó ọ́lẹ́ deralepó. Ama nema Lasarus-kélé ọ́lẹ́ nokole ni fake tómó Yesutamo betepa, ai deyale ọ́lẹ́ Martané atimamó ọ́lẹ́róló malepó.

³ Téró, Mariané doasi *moniné* duputere felé kẹ́lẹ́a wale *nard wel* weyi wuti faapa sóró wóló, Yesuné hómó suniyalepó. Atéró ama topo nikinétei, kale *wel* weyi fe helekẹ́lẹ́pó. Atéyale tikimó, atima betere be dolokélé, felé kẹ́lẹ́a feyó feyóró walepó.

⁴ Téyaletei, Yesuné ama yó matere whirapekó Iskariot be whikó Judas-né kale so foné sóró duraalu, “Ai ọ́lẹ́ ọ́lẹ́ noatepa besekéraleé?” yalepó. Ti ai sekẹ́ta, take nalo Yesu dọ́póló eleké deyaaire whipó.

⁵ “Téró ama duraalu i felé kẹ́lẹ́a wale *wel* weyi wisinaaleta, dotonóló 300 *silpa moni* sóró, mepaae yolealere so whimó meniyólópó,” yalepó.

⁶ Ai fo yaleteita, yolealere so whi mo tao saai kisipa muóló inipó. Ti noatepae, atimané betapaae touróló mulótu betere *moni* ama tẹ́teróló kaae taru, ọ́tei ọ́lẹ́mi sua yalepó.

⁷ Ai fo depa, Yesuné duraalu, “Ai soné ama felé kẹ́lẹ́a wale *wel* weyi, Kótóné mo taketitei i ala yópólópó yóló muló betepa, ama mo wisiyóló kaae taté wóló, mió ẹ́ douraaire suka felekemó ai ala dapa, seséni ama yópóló taalae.

⁸ Ti noatepae, ai yolealere so wh̄ita, diātamo suka fea betó tawaalopó. Téyaalotei, ęta, dekeró be demó diātamo betaalo meipó,” yalepó.

⁹ Atéró, kale Juda fake so wh̄iné Yesu Betani bemó beterapó dere fo wosóló, ą kelaai dapóló touralepó. Atéró touraleteita, Yesu maaté kelaai mei, Lasarus mo ti sukąletei, Yesuné kepaaralepó depa, kelaairaaalu walepó.

¹⁰ Atétepa, mo so wh̄imó momaratere wh̄irapené Lasarus-kélé daai dapóló fo deyalepó.

¹¹ Ti noatepae, Lasarus kepaarale ala atima Juda fake wh̄irapené kilituraalu, mo so wh̄imó momaratere wh̄irape taaróló, Yesupaae kisipa tiki tiraté fu betepapó.

Yesu Jerusalem bepaae fele ala

(Mat 21:1-11, Mak 11:1-11, Luk 19:28-40)

¹² Atéró, h̄ika be deętepa Yesu Jerusalem bepaae wou beterapó dere fo ai ęla naai touró betere so wh̄iné wosalepó.

¹³ A fo wosetu, ątamo tumó hokolaa yaai sapo daarape tao diliki yóló, i fo fakeyóló deté fu betalepó.

“*Hosana!* Talené doimó wale wh̄i wisinaale Kótóné wisirópóló yae. Israel fake so wh̄i tęteróló kaae tare doasi topo wh̄i Talené wisirópóló yae,” deté fu betalepó.

¹⁴ Atéró Yesu ą faairaaalu, betą utų *donki* hupu sóró ai hupuné sisó tómó betalepó. Ama ai yale alata, kale ašemó i yóló muló betere fo motóró dokonalepó.

¹⁵ “Saion be huluamó betó mole senaalerape-ó, mió dią tęteróló kaae tare doasi topo

whi utu *donki* hupuné sisó tó mó betóló ai walapa kelere?” erapó.

16 Ai yale alarape fea ama yó matere whirape atimanékélé kelaleteti, bete hapale sóró kispapipó. Ténitei, Yesu a kepaayóló hepen-paae fóló, ama ere ala wisinaale hakearale kilipaae ti atimané apaae erale alarapeta, Kótóné asemó ere fo dokonó beteropóló kispapipó mualepó.

17 Téró, kale Lasarus dou dolomó mupa, Yesuné kepaaratepa kelale so whiné ai yale ala fea deté fóló fakeralepó.

18 Yesuné ai kelemei ala eralepó, depa wosale so whi mo turó ai be hulua taaróló, atamo hokolaa yaai dapóló felepó.

19 Atétepa, kale Farisi whirape atimasisitei duraalu, “Dané du betere alarape fea mo aqkélé inipó. Ti ama dere alamó, i haemó betó mole so whi mo feané atóró ai sya fu betere kelere!” yalepó.

Yesu a sinaalopóló yale fo

20 Atéró, ɔla deyaai tukóló muló betere be de sókó wapa, Kótóné doi sóró holóló moma yaai Jerusalem be huluapaae hotere so whitamó, mepaae *Krik* fo bole so whi atimakélé fea touyóló holalepó.

21 Téró, kale *Krik* fo bole so whi atima Kaleli haemó tene Betsaida be whikó Filip beterepaae fóló, apaae woseturaalu, “Doa whi-ó, dɔta Yesu ke laai walepa, nao dɔ a beterepaae dapesó faaloé?” yalepó.

22 Ai fo depa Filip a wóló Andrupaae depa, Andru atimaamo wusuró fóló, Yesupaae yalepó.

23 Ai fo depa Yesuné atimapaee duraalu, “Kale Whiné Naalemané ere ala wisi haķearaaire suka mió mo felekemó sókó waai dapó.

24 Yało diapaee mo dapó. Kale *whit* ke haepaae taae derepeletei ķęlaayóló alunitepa, ti ai ketóró haķe muó tawaalopó. Téni, ai ke ķęlaayóló alutepa, ti tũmu sokóló, du mo dekéro woleyaalo ai ape.

25 Mepaae whi de ama betere bete me ala yaosóró, amatei hotowaró kaae tapa, ti ai whiné betere bete aluyaalopó. Tépatei, mió i alimó mepaae whi dené ama betere bete doratepakélé me ęla meipó dere whiņa, mo ti betó tawaalo ai ape.

26 Mepaae yało ala erótu betere so whiņa, ti mo ętóró sya wonérapó. Atétere so whi atimakélé ę betere tikimótóró betamó betaalopó. Mepaae so whi detamo yało kutó dirótu betepa, ti atétere so whiné doi yało Ayané sóró horóló, dukiraalopó.

27 Mió yało hosaa tuamó doasi seķené sukutapa, noa fokó yaaloé? Aya-ó, i be demó ępaae eraaitere ala seséyóló ę tao sae fo enére? Mió ępaae eraaire ala mo erópóló, ę wóló i betere ape. Aya-ó, naao ere ala wisi so whi feané kolópóló haķearae,” yalepó.

28 Yesuné ai fo depa, hepen bemó fo fakeyóló duraalu, “Yało ere ala wisi haķearó beteretei, mo turó kolóló tuę yópóló, yało momó haķearaalopó,” yalepó.

29 Ama atéro dere fo aimó touró betere so whiné wosóló, mepaaené duraalu, “Aita, be sapalaa dorowou yalepó,” depa, mepaae so whiné duraalu, “Meipó. Aita, *ensel*-né ępaae fo du yalepó,” yalepó.

³⁰ Ai fo depa Yesuné duraalu, “Aita, ẹ tao saai ini, dią tao suraalu yalepó.

³¹ Ti noatepae, i hae so whịtamo fo tokóló dowi kwia melaaire be de mió mo felekemó sókó waai dapó. I hae ẹteróló kaae taru, doasi topo whị betaai dapóló wóputu betere seké mo felekemó hókó faraalo ai ape.

³² Téyaalotei, ẹ ó sikipaae só horatere sukamó, ai so whị fea ẹ beterepaae wópóló, ąlisóró waaire ala eraalopó,” yalepó.

³³ Ama ai yale fota, ą sukuturaalu yaaire ala hąkearalepó.

³⁴ Atei fo depa kale so whịné duraalu, “Kótóné ašemó ere foné i so whị fea ẹteróló kaae tanópóló, sóró beteró betere whị mo ti betó tawaalopó erapó. Ai fo epatei, ‘Whịné Naalema sikipaae só horaalopó dere-a, netéro de?’ Whịné Naalemapó dere fo demó de?” yalepó.

³⁵ Ai fo depa Yesuné atimapaee duraalu, “I deętereta, sawa sukamó maaté diątamo betaalopó. Atéyaalopa dią mepaae furaalu, tu tuámó be dikiyaąsóró deępatei fae. Mepaae so whị de dili tuámótamo kutu betepa, ti ą fole tikikélé ama wisiyóló kisipa yaalomeipó.

³⁶ Mió kale de dią tuámó etéro deęó betere félitei dią ai deęterené naale senaale betaasepóló, ąpaae kisipa tirae,” yalepó. Ama ai fo yóló kemetepa, ai so whịné ą kelaąsóró, atima betó mupatei taaróló, Yesu ą kikiiti kinóló betalepó.

Juda whịrapené Yesupaae kisipa tiki tiréni yale ala

³⁷ Téró, Kótóné dapó yópóló, Yesuné mepaae kelemei alarape eratepa so wh̄i feané kelaleteti, atimané ɸpaae kisipa tiki tirénipó.

³⁸ Atéyale alata, Kótóné fo eratere kóló wh̄i Aisaiané i asere fo dokonalepó.

“Tale-ó, ɸané yó matere fo némaaté wosóló kisipa tiki tiraleé? Talené ama fotokóné yale ala depaae maaté h̄kearóló yó malee?” erapó.

³⁹ Ti noatepae, Yesupaae atimané tué tiki tirénire beteta, Aisaiané i asere fotóro dokonóturaalu erapó.

⁴⁰ “Kótóné atima kele dilikiróo, hosaakélé ɸaróo yale beteta, atima yale ala kilitu, tué tiki feteyóló wapa, ama wisiraqsóro kisipa mutu yalepó,” erapó.

⁴¹ Yesuné ai ere ala wisinaale Aisaiané ama kelaletiné ai fo asé ipakalepó.

⁴² Atéroró, kale Juda topo wh̄irape mepaae Yesupaae kisipa tiki tiralepó. Téyaleteti, mepaae Farisi wh̄irape kolóló atima wituraalu, ɸpaae kisipa tiki tirale ala h̄kearóló yó menipó. Ti noatepae, fo wosetere be tuɸpaae fenalemó, atima dóló h̄konaqsóro kisipa mutu yalepó.

⁴³ Ti noatepae, atimané dere wisi alamó, mo so wh̄iné dukiratere fo wosaai ek̄le duraalu, Kótóné atima dukiratere fo wosaaire ek̄le ini, sisópaae erótu beterapó.

⁴⁴ Téró, Yesuné fo fakeyóló duraalu, “Mepaae so wh̄i de ɸpaae kisipa tiki tiratepa, ti ɸpaae maaté tirótimatei, ɸ dotɸyale seképaakélé, kisipa tiratapó.

⁴⁵ Mepaae so wh̄i dené ɸ keletepa, ti ɸ dotɸyale sekétóro ai keletere ape.

⁴⁶ Até ereteiné ę i haepaae waleteita, ępaae kisipa tiki tiró betere so whı diliki tuamó betere ala taaróló, de tuamó beterópóló, i haemó deró betaai walepó.

⁴⁷ Yalo fo wosóló erénitere so whıta, yalotei fo tokóló só derótimipó. Ti ę waleteita, i haemó betó mole so whı taleyóló só deraai wéni, atima aluyaosóró, tao saai walepó.

⁴⁸ Whı me de yalo fo woseni, ę hórótu betepa, ti ai whıtamo fo tokótamo yóló só deraaire ala mulapó. Ę i haemó bitu, yalo yó male fonétóró take kemetere sukamó so whı só deraalo ai ape.

⁴⁹ Ti noatepae, yalo yale fota, yalotei kekeme nóló ini, yalo Aya ę doteyale sekéné ępaae yae yale fotóró yalepó.

⁵⁰ Yalo Ayané ama yae yóló muló betere fo yalo sya fóló erótu betepa, ti so whı fea mo ti betaaire bete saalopóló, yalo kisiparapó. Ti yalo i du betere fota, Ayané ępaae yae yale fotóró sya fóló du beterapó,” yalepó.

13

Yesuné ama yó matere whırape hó fokale fo

¹ Téró, kale bosenée fele sukamó ęla deyaaire be de felekemó sókó waii depa etéyalepó. Yesu ę i hae taaróló Alima beterepaae faalopóló tukóló mulale ali walapóló kisipa mualepó. I haemó betó mole so whıpaae yaala sókó fole ala deté wóló kemeróturaalu, atimapaee mió bete mo turó hakearóló yó melaai dapó.

² Be dikiteretamo, Yesu ę ama yó matere whırapetamo ęla naairaaalu taletu betepa, Yesu

eleké deyóló dópóló, Satan-né Iskariot be whikó Saimon naalema Judas-né tué tuámó sesemeróló tənélipakalepó.

³ Yesuné fea ala ama tẹteróló kaae tanópóló, Alimané ą sóró betero betere ala ama kisipa yóo, ą Kótó betereró wale alakélé, momó fesaae faaire alakélé, ama kisipa yóo, erapó.

⁴ ą atérápóló kisipa mutu, ọla nuku betaletei turukó holóló, ama tómó deró betere kuti sókó mulóló, betą *tawel* sóró kakeralepó.

⁵ Atéro, betą nuku *dis* dolopaae wẹi deróló, atimané hẹleke kaae sóró fokalepó. Atéro, ama kakerale *tawel*-né atimané hó helekóló kópuralepó.

⁶ Até deté wóló, ą Saimon Pita beteremó sókó wapa, ama ąpaae duraalu, “Tale-ó, naaotei ọlo hó fokaai de?” yalepó.

⁷ Ai fo depa Yesuné ąpaae duraalu, “Diąpaae i erótu betere ala bete mió naao kisipanitei, take nalopaae ti kisipa yaalo ai ape,” yalepó.

⁸ Tétepa Pitané ąpaae duraalu, “Ọlo hó naao mo fokókélé yaalomeipó,” depa, Yesuné ąpaae tokó mótu duraalu, “Naao hótamo ọlo fokoni depa, ti ọ ọlo fake aleyóló ẹtamo betámó betenénipó,” yalepó.

⁹ Ai fo depa, Saimon Pitané duraalu, “Tale-ó, ọlo hó maaté fokoni, ọlo naaseró topotamokélé fokotepa wisirapó!” yalepó.

¹⁰ Ti fo depa, Yesuné ąpaae tokó mótu duraalu, “Whi me de ama tiki turó wẹi tópuóló betepa, ti hó maaté fokonérapó. Dią feata, wẹi tópupatei, betą whi meipó,” yalepó.

11 Ti noatepae, take ą dǫpóló eleké deyaaire whi ama kisipa iruraalu yalepó.

12 Atéró, atimané hǫrape fokóló kemetepa, ama deró betere kuti momó deróló ą betale tikimó bitı felepó. Atéró bitu, ama atimapaee woseturaalu, “Yalo diapaee erale ala dią feané kisipare?”

13 Diaaą yalo doi yóló, yó matere whi Tale-ó, du betere fota, ti ętóró ereteiné mo dono dapó.

14 Mió ęta, dią tęteróló kaae tare Talekélé, dią yó matere whikélé bitu, diaaą hǫrape yalo fokalepó. Atýyale kaae, diąsisikélé hó u fokone i fokone du betae.

15 Yalo diapaee i yale alata, diąsisi bitukélé sǫróló deté fu betaasepóló, dią kisipa mótu yalepó.

16 Yalo diapaee mo i dere ape. Kale kutó diratere whiné ą kaae tare topo whi bosenóló, ą topo whi betenénipó. Kutó dini fǫpóló dotęyale whinékélé ą dotęyale whi tęteranénipó.

17 Mió i dere alarape diaaą kisipayóló taaréni, sya fólótamo du betepa, ti Kótóné dią wisiratapóló, hajné sukutu betaalopó,” yalepó.

Yesuné ą dǫpóló eleké deyaalopóló yale fo

18 “Yalo i dere fota, dią feapaae dumitei, yalo dosąayóló sóró beteró betere whırapemó kisipa mutu dapó. Tépatei, kale ašemó ere fo mo dokonóturaalu, ętamo betámó ąla nokole whinétei ę dǫpóló, eleké deyaai du beterapó.

19 Ai alarape depa diaaą kilituraalu, ęta, Kótóné dotonó betere whıpóló ępaae kisipa tiki tirǫpóló, ai alarape yaaipatei yalo diapaee i dere ape.

20 Mepaae whi dené yalo dotęyale whi wisiyóló dape supa, ti ętei dape sirapó. Até dere kaae,

mepaae whi dené ę mo wisiyóló dape supa, ti ę dotęyale sekętei, dape sirapó,” yalepó.

²¹ Yesuné ai fo yóló kemetepa, ama hosaa tuamó doasi sekené sukalepó. Atétepa ama duraalu, “Yalo diapaae mo i dere ape. Diakó whi betané ę dópóló, eleké deyaalopó,” yalepó.

²² Ama yó matere whirape atima kóló kóló duraalu, né yaaire alamó dérópóló, atimasisi u kolósu i kolósu du betalepó.

²³ Yesuné ama yó matere whirapekó beta Yesuné ama hosaa mole whi ą betere felekemó titiyóló beterepó.

²⁴ Saimon Pitané u kale whipaae depané maaté yóló duraalu, “Ama ai yale fo-a, demó kisipa mutu yaleró, naao apaae wosetimié?” yalepó.

²⁵ Ai fo depa, Yesutamó titiyóló betere whi ą fetée fóló apaae woseturaalu, “Tale-ó, naao ai yale fo-a, demó yaleé?” yalepó.

²⁶ Tétepa, Yesuné apaae tokó mótu duraalu, “Yalo *bred* o kwia tao sóró, nukumó belere węimó tópuróló melatepa naao kilitu, ątóróti htipóló kisipa muaalopó,” yalepó. Téro, ama kale *bred* o kwia sóró węimó tópuróló, Iskariot be whikó Saimon naalema Judas melalepó.

²⁷ Atéro Judas-né *bred* o tao seretamotóró, dowi Satan ą tuapaae bitę walepó. Atétepa, Yesuné apaae duraalu, “Naao ai yaai dere ala mo hapaletei yae,” yalepó.

²⁸ Atima ai ęla nuku betere tikimó betere whirape betanékelé Yesuné ama ai yale fo wosóta yaletęi, bete kisipa sinipó.

29 Mepaae ama yó matere wh̄rape atima kisi-pané Judas-ta, *moni* kaae tare wh̄reteiné ɔla dere sukamó naaire ɔlakó dupune fae, ó mepaae yolealere so wh̄imó melaaire ɔlakó dupur̄ale fae dere nisi yalepó.

30 Téró, kale Judas a *bred* o tao sóró, téti belapaae sókó derepelemó, be mo ti dikipa kelalepó.

Yesuné Pitapaae yale fo

31 Atéró, kale Judas fele sisópaae Yesuné duraalu, “Mió kale Wh̄iné Naalema tuamó ere ala wisi hākearatepa, so wh̄iné kolóo, Kótó a tuamó ere ala wisikélé Naalemapaae eratepa so wh̄i feané kolóo duraalu, Kótó tuamó ere ala wisinaale kisipa yaalopó.

32 Ai alatamo mo depa, ti ama Naalema tuapaae eraterere ala wisinaale so wh̄i feané kolópóló Kótóné kaae tani, mo miótitei ama hākearaalopó.

33 Yalo naalerape-ó, mo sawa sukamó maaté ē diatamo betaalopó. Take yalo Juda topo wh̄rapepaae yale fo kaae, mió diapaaekélé i dere ape. Diaā ē kekaalotei, mo kelaalomeipó. Ē fole tikipaae dī wókélé mo yaalo meipó.

34 Mió yalo diapaae yae yóló mulatere kisi fo i dapa wosae. Yalo diapaae yaala sókó fu yale kaae, dīsisikélé atéró yaala sókó fu betae.

35 Dīsisitei, atéró yaala sókó fole ala so wh̄i feané kilituraalu, dī yalo yó matere wh̄rape beterapóló kisipa yaalopó,” yalepó.

36 Ai fo depa, Saimon Pitané apaae woseturaalu, “Tale-ó, ya mopaae faai de?” depa, Yesuné duraalu, “Ē fole tikipaae dī mióti wonénitei, take nalota, wonérapó,” yalepó.

³⁷ Kale dere kaae, Pitané ɔpaae woseturaalu, “Tale-ó, yɔ fole tikipaae ɛ mióti wapa, noa yaɔsóró de? Yɔ tao suraalu, yɔlo betere betekélé melóló sukutepa wisirapó,” yalepó.

³⁸ Téró, Yesuné ɔpaae tokó mótu duraalu, “Naao ɛpaae yɔkélé sukutepa wisirapó fo du de? Yɔlo yɔpaae mo i dere ape. Wɔ *kakaruk* bané hale yaaipatei, naao ɛ tuɛnipó dere fo sore félimó yaalo ai ape,” yalepó.

14

Yesuné ama yó matere whɔrapené kisipa seke yaɔsóró yale fo

¹ Téró Yesuné duraalu, “Diaaɔ kisipa fomoyóló, hosaa tuamó doasi seketu betaɔsóró yae. Kótópaae kisipa tiki tiróturaalu, ɛpaaekélé kisipa tiróló betae.

² Ti noatepae, yɔlo Aya betere tikimó diɔ betaaire be mo sɔrapó. Ai ala wuɔ meisóró, ti yɔlo diɔpaae haɔkearóló wuɔpó. ɛta, diɔ bitɔ waaire tiki donoróló mulótu betaai fulapó.

³ ɛ fólótamo diɔ betaaire tiki donoróló kemetepa, ti momó fesaae wouraalu, diɔkélé ɛ betere tikimótóro betaamó betaai dapesó faalopó.

⁴ ɛ i faaitu betere bepaae fole tuɔta, ti diaaɔ ai kisipare ape,” yalepó.

Aya beterepaae faaire tuɔta ɛtórótípó yale fo

⁵ Tétepa Tomas-né ɔpaae duraalu, “Tale-ó, yɔ faaire tikita, dɔ kóló kólórapó. Atérapa, yɔ ai faaitere tikipaae sókó fole tuɔ dané netéro kisipa yaaloé?” yalepó.

⁶ Ai fo depa Yesuné duraalu, “Ai bepaee faaire tükélé, mo foné betekélé, so whi betere betekélé, ti mo ętórótípó. Whi mo betakélé ęalo Aya beterepaae faai depa, ti ę dekeróló feni, mo ę tuamótóró fenérapó.

⁷ Diaaqtamo ę diriyóló tuępa, ti ęalo Ayakélé mo tuęnérapó. Mió kaae suraalu, diaaqt ęalo Aya kolóló, ai kisipare ape,” yalepó.

⁸ Tétepa Filip-né duraalu, “Tale-ó, Aya naao dąpaae yó matepa, ti dąné ą kolóló kisipanérapó,” yalepó.

⁹ Ai fo depa Yesuné duraalu, “Filip-ó, fọlo sukamó ę diqtamo bitiré waletai, diaaqt ę kisi-panié? Mepaae whi dené ę kolóló kisiapa epa, ti ęalo Ayakélé kisiparapó. Tépatai, diaaqt ępaae Aya yó ąlae dere-a, noa fo yóló de?

¹⁰ Ę ęalo Aya tuamó betóo, ęalo Aya ę tuamó betóo, eretei diaaqt kisiapanié? ęalo diąpaae yó mótu betere fota, ęalo kekeme nóló dumipó. ęalo Aya ę tuamó bitu, ama kisiapa mole ala erótu betereitei, diaaqt ai kelere ape.

¹¹ ęalo Aya ę tuamó betóo, ę ęalo Aya tuamó betóo, erapó dere fo diaaqt wosóló, mo dapóló kisiapa tiki tirae. Ai alatamo ini depa, ti ęalo erale kelemei alarape kolóló, kisiapa tiki tirae.

¹² ęalo diąpaae mo i dere ape. Whi me de-tamo ępaae kisiapa tiki tiratepa, ti ai whiné ęalo yale ala kaaetóró yaalopó. Ti noatepae, ę ęalo Aya beterepaae foletiné take nalo diaaqt ęalo du betere alarapekélé fea bosenóló, mo doasi ala yaalo ai ape.

¹³ Naalemané Alimané ere ala bete haķearaairaaalu, me noa ọlakó ęalo doimó ępaae

wosetepa, ti ai whīpaae yało mo melaalopó.

¹⁴ Dią feané yało doimó me noa ọlakó kematepa, ti ai ala yało mo eraalo ai ape,”

Kale Deį Kepe Wisi dią beterepaae waalopó yóló mulale fo

¹⁵ “Diaaọtamo ẹpaae hekesené sukóló yaala sókó fu betepa, ti yało yae yóló muló betere fokélé diaaọ mo wisiyóló sya fóló, erótu betaalopó.

¹⁶ Ẹ betale sirimó, suka fea diątamo betó taru, dią tao sóró fotokọ bulótu betaaire seké mekó yało Ayapaae dotonae depa, ama dią beterepaae mo dotonaalo ai ape.

¹⁷ Ti ai sekéta, mo ala maaté du betere Deį Kepe Wisipó. I hae so whīné ama dere fo wosóló, mopóló ọ dape senénipó. Ti noatepae, atimané ọ kolóló kisipakélé inireteinépó. Tépateti, mió ọ diątamo betóo, take nalokélé dią tuámó betóo, yaairetei diaaọ ai kisipare ai ape.

¹⁸ Dią hae aya meiyóló, bokonaale naale senaale kaae beterópóló yało dią taaróló fumitei, ẹ dią beterepaae momó fesaae waalopó.

¹⁹ Mo sawa sukamó bituraalu, i hae so whīné ẹ kelaalo meitei, diąnéta ẹ kelaalopó. Ti noatepae, ẹ kepaayóló betereteiné, diąkélé mo betaalo ai ape.

²⁰ Atétere sukamóta, ẹ yało Aya tuámó betepa dią ẹ tuámó betóo, ẹ dią tuámó betóo, ere ala diaaọ kisipa yaalopó.

²¹ Mepaae whī de yało yae yóló muló betere fo aomó sukóló bitu, sya fóló eró tapa, ti ai whīné ẹpaae yaala sókó fu betepapó. Mepaae whī dené ẹpaae yaala sókó fu betepa, ti yało Ayanékélé ai whīpaae yaala sókó fóo, yałokélé ọpaae yaala sókó

fóo du betaalopó. Téturaalu, ę tuamó ere ala fea yalo ąpaae hąkearóló yó melaalo ai ape,” yalepó.

²² Tétepa, kale Iskariot be whikó Judas-né ama yakoma Judas-né Yesupaae duraalu, “Tale-ó, i haemó betó mole so whi feané ya kolópóló yó meni, ąané maaté kolópóló, yó melaalopó dere-a, noatepae?” yalepó.

²³ Ti fo depa Yesuné duraalu, “Mepaae whi dené ępaae yaala sókó fu betepa, ti yalo yó matere fo wisiyóló sóró erótu betaalo ai ape. Atétere whipaae yalo Ayané yaala sókó furaalu, ąamo wusuró ą beterepaae wóló ątamo betamó mo ti betó tawaalopó.

²⁴ Mepaae whi dené ępaae yaala sókó fenitepa, ti yalo i yó mótu betere fokélé diaaą sya fóló eraalomeipó. I kale wosetu betere fota, yalo kekeme nóló dumitei, ę dotęyale sekę yalo Ayané ama fotóró yó mótu beterapó.

²⁵ I fo feata, ę ąiątamo betamó bitutei yó mótu betalepó.

²⁶ Tétu betaletei, ąiątamo betamó bitu, ąi ąao saaire sekę kale Deį Kepe Wisi Ayané yalo doimó dotonaalopó. Ai sekéné amata, ąiąpaae fea ala yó melaalo ai ape. Téturaalu, yalo ąiąpaae yó mótu betale forape keteni, kisipa yó tanópóló, ama ąi yó mótu betaalopó.

²⁷ Ę tuamó mole hosaa muni deyóló mo dua betere ala ąiamó melóló ę i fole ape. Yalo i matere hosaa muni deyóló dua betere alata, i haemó betó mole mo so whiné matere kaae meipó. Térapa, diaaą hosaa tuamó sekętere alaró witere alatamo muaąsóró yae.

²⁸ Ẹta, dià taaróló faalotei, dià beterepaae momó fesaae waalopó yale fota, diaaọ ai wosale ape. Diaaọ ẹpaae yaala sókó fole ala mupata, ti ẹ yało Aya beterepaae fulapó dere fo woseturaalu, haíné sukuapó. Ti noatepae, yało Aya ọ doasi fotokọ bole seké bitu, ama ẹ tẹteró beteropó.

²⁹ Take i alarape mo depa kilitu, mo irapóló diaaọ kisipa tiki tirópóló, i alarape yaaipatei, folosóro yało diapaae ai yale ape.

³⁰ Yało diapaae fo me kae dekéro yaalomeipó. Ti noatepae, i hae tẹteróló kaae tare topo whi Satan ipaae mo felekemó sókó waai dapó. Téyaalotei, ama ẹ só deraaire bete mekéle mo munipó.

³¹ Tépatei, yało Ayapaae yaala sókó furaalu, ama erae dere alatóro yało erótu beteretei, i haemó betó mole so whi feané kolóló taaréni, mo kisipa sópóló dapó. Térapa, mió da faalopa fiépe,” yalepó.

15

Yesu ọta wain képiné betepó yale fo

¹ “Mo wain képi beteta, ti ẹtórótípó. Yało Aya ọta, wain kutó Talepó.

² Mepaae du olenitere tetejrape ti ama tukóló taae falatu beteropó. Mepaae du oleteere tetejrape mo dekéro oleyópóló, yało Ayané mepaae séli yó moletei turukóló taae falatu beteropó.

³ Yało take diapaae yó mótu betaile foné dià fea fokóló mo ti wisiró beteropó.

⁴ Dià ẹ tuamó betepa, ti ẹkéle dià tuamó betaalo ai ape. Kale képi tetejrape tikimó olekenipa, ti du oleyaalomeipó. Dià ẹ tikimó olekeyóló bitinipa, ti netéro du oleyaaloé?

⁵ Mo *wain* kápita, ti ẹtórótípó. Diàta tetejrape ai ape. Mepaae whịtamo ẹ tuámó betóo, ẹkélé ai whị tuámó betóo epa, ti du mo dekéro oleyaalopó. Ténì, ẹtamo tekée fóló kae betepa, ti ai whịné ama me alakélé mo enénipó.

⁶ Mepaae whịtamo ẹ tikimó olekeyóló bitinipa, ti ai whị sélitema tukóló taae falatere ni tetej kaaepó. Ai taae falatere tetejrapeta, dasóló si bilirótua dapó.

⁷ Diàkó whị me detamo ẹ tikimó olekeyóló betóo, yàlo fokélé naao hosaa tuámó muóo iruraalu, me ọlakó ẹpaae kematepa, ti ai whịpaae yàlo mo melaalopó.

⁸ Dià tuámó du mo dekéro olepa, ti yàlo Ayané ama ere ala wisinaale so whị feané kolópóló hakearatapó. Atére ala so whịné kilitu, dià mo yàlo yó matere whịrapetóro beterapóló kisipa yaalopó.

⁹ Yàlo Ayané ẹpaae yaala sókó fu yale kaae, yàlokélé diàpaae yaala sókó fole ala du betalepó. Térapa, yàlo yaala sókó fóló mole tuámótóro haje betó tawae.

¹⁰ Yàlo Ayané ama erae yóló muló betere fo sya fóló eró taruraalu, ama yaala sókó fóló mole tuámó betó tarapó. Ẹ ai ala ere kaae, yàlo erae dere fo diaaọ wosóló erótu betepa, ti dià yàlo yaala sókó fole ala tuámó betó tawaalopó.

¹¹ Yàlo diàpaae i yale fo feata, ẹ tuámó mole haitere ala dià tuámó faaturaalu, diaaọ haitere ala mo ti surópóló kisipa mutu yalepó.

¹² Yàlo diàpaae yae dere fo ipó. Yàlo diàtamo yaala sókó fóló mulure kaae, naao ne no diàsisikélé ai ala du betae.

13 Whi mené ama yaala sókó fole whirape tao saai dapóló, ama betere bete hãle melóló sukutepa, ti atéró yaala sókó fole alané mepaae yaala sókó fole ala fea teteró beterapó.

14 Diaaḡ yaḡo yae yóló muló betere fo erótu betepa, ti diḡ yaḡo fulumu whirape ai betere ape.

15 Betḡ kutó diratere whiné ḡ teteróló kaae tare whiné dere ala fea ama kisipa inipó. Atére betené take bitiré wouraalu, yaḡo diḡpaae kutó diratere whirape-ó yaleteti, ai fo momó kaae ini, mió diḡpaae yaḡo fulumu whirape-ó, dapó. Ti noatepae, yaḡo Ayané yó melale alarape fea di-aaḡ kisipa yópóló, yaḡo diḡpaae haḡkearóló yó melalepó.

16 Diaaḡ ẹ sókó sóró kae beterénitei, yaḡo diḡ sókó sóró kae beteró beterapó. Ai alata hãle inipó. Diḡ fóló, mo ti muó tawaaire du olerópóló kisipa mutu yalepó. Atéturaalu, yaḡo doimó diaaḡ me noa ḡlakó Ayapaae kematepa, ti ai kematere ḡla ama diḡmó mo melaalo ai ape.

17 Yaḡo diḡpaae yae yóló mulatere fo i ape. Diḡsisitei yaala sókó fole ala du betae.

Mo whiné Yesuné yó matere whirape hóróló bõe dale fo

18 I haemó betó mole so whinétamó diḡ hóróló bõe du betepa, ti folosóro atimané ẹ hóróló, bõe dale ala kisipa muae.

19 Diḡtamó i hae tale betepa wuḡsóro, ti i hae so whiné faketóro beterapóló kisipa mutu, diḡpaae yaala sókó fole ala du bituḡpó. I hae so whítamó touyóló betepa, yaḡotei diḡ sókó su

yóló kae beteralépó. Atére betené diątamo bóe du beteralépó.

²⁰ Yąło diąpaae yó melale forape kisipa muae. Kutó diratere whiné ą kaae tare whi ama tẹteróló kaae tanénipó. Atimané ętamo bóe dóló susupui ala erótu yale kaae, diąpaaekélé eraalo ai ape. Yąło yó male fotamo atimané wisiyóló wosóló erótu betepa, ti diaaą yó matere fokélé atimané wisiyóló wosaalo ai ape.

²¹ Ti noatepae, ę dotęyale seké, atima kisipa inireteiné dią yąło so whi bitu, yąło ala erótu beteremó, atimané diąpaae kae kae susupui ala erótu betaalópó.

²² Ę i haepaae wóló, yąło fo atimapaee yó móluąsóró, ti dowi alamó atima só deraaire kwia muąmeipó. Tépatei, atimané yale dowi alamó fo tokótamo depa, meipóló hepée falaaire tu mo munipó.

²³ Whi me dené ę hóróló bóe du betepa, ti ai whiné yąło Ayakélé hóróló bóe dilapó.

²⁴ Take mo betą whinékelé inire ala yąło atima kuamó eróluąmeisóró, ti atimané yale dowi alamó só deraaire kwia muąmeipó. Mió i yale kelemei alarape atimané kolólótei, ętamokélé yąło Ayatamokélé, bóe dóló hórálepó.

²⁵ Atimané ai du betere alata, i asęre fo dokonóturaalu yalepó, ‘Me bete munipatei, atimané ętamo hałe bóe dalepó.’

²⁶ Até du betaalotei, dią tao sóró wisiraaire seké betą waalo ai ape. Ai sekéta, ę fóló yąło Ayatamo bituraalu, dią beterepaae dotonaalópó. Aąa, mo alané bete yąło Ayatamo betámó biti wouraalu,

yalo ere ala fea etérapóló, diã tao sóró fotokọ bulóló, yó melaaire Deji Kepe Wisipó.

²⁷ Mo take kaae sale alimótei, diã etamo bitiré waletéiné diaaokélé ẹ etei kaae whípóló haķearóló yó mótu betenérápó,” yalepó.

16

¹ “Yalo diãpaae i yale fo feata, diã ẹ sya fu betere ala taaróló, kópaae faqsóró yalepó.

² Atimané diã fo wosetere bepaae waqsóró dóló hokonaalo ai ape. Ai ala maaté mei, mepaae whi atima Kótóné ala eratere nisiyóló, diã mo ti sukópóló daalo ai ape. Ai ala yaaire be de mió mo felekemó sókó waai dapó.

³ Ẹró yalo Ayatamo atima kisipa inire betené diãpaae atei kaae alarape eraalo ai ape.

⁴ Atépatei, yalo diãpaae i deté wou betere fo dokonóturaalu mo eratere sukamó, noa ala dutérópóló diã kilita yaqsóró, yalo i dere fo kisipa yaasepóló dapó. Ẹ diãtamo haķe bettereiné take yalo diãpaae etei fo inipó.

Deji Kepe Wisi wóló yaaire alamó yale fo

⁵ Téretei mióta, ẹ doteyale seké betterepaae momó fesaae fulapó. Até yaai depa, diãkó beta whinékélé, ‘Ya maae faai de?’ yóló, ẹpaae wosetere fokélé dumipó.

⁶ Yalo diãpaae i forape yaletéiné mió diaaọ hosaa tuamó deķéné ai sukutu betere ape.

⁷ Tépatei, yalo diãpaae mo dapó. Diãpaae wisi ala eraaire tu mulóturaalu, ẹ diã taaróló fulapó. Ẹtamo fenitepa, ti diã tao sóró fotokọ bulóló tu

yó melaaire seké diã beterepaae waalo meipó. Ētamo fupa, ti yālo ̄a diã beterepaae dotonaalopó.

⁸ Ai D̄ei Kepe Wisi wouraaluta, i haemó betó mole so wh̄iné du betere dowi alakélé, Kótóné donoi ala etérópóló yó mótu betere alakélé, taleyóló kwia matere alakélé, fea ai sek̄éné ama h̄akearateremó, h̄oko ala du beterapóló diã hosaamó saalopó.

⁹ Ti noatepae, i haemó betó mole so wh̄iné epaae kisipa tirénitere beteta, dowi alapóló ai D̄ei Kepe Wisiné atima hosaamó seraalopó.

¹⁰ Ē yālo Aya beterepaae fesaae folet̄ei, momó kae diaāo ē kelaalomeipó. Ē atéró folet̄einé so wh̄i feané Talené donoi ala kisipa yópóló, ai sek̄éné h̄akearóló yó melaalo ai ape.

¹¹ Mió i haemó t̄eteróló kaae tare seké ama yale alamó, ̄a só deró beterapó. Tétu, i haemó betó mole so wh̄i tale dere alakélé h̄oko yalepóló, hosaamó sópóló, ai waaire Kepe Wisiné h̄akearaalo ai ape.

¹² Yālo diãpaae yaai dere fo dekéró mupatei, bete diaāo senénireteiné fea fo enénipó.

¹³ T̄epatei, kale mo fo maaté bole Kepe Wisi ̄a wólóta, mo fo bete turó diaāo tué yópóló, h̄akearóló yó mótu betaalopó. Aita, ama kekeme nóló yaalomeitei, mo ama wosale fotóró diãpaae yó melaalopó. Téturaalu, nalo waaire be demó yaaire alakélé yó melaalo ai ape.

¹⁴ Ai D̄ei Kepe Wisiné yālo mo bete mole fo diaāo kisipa yópóló, ama tao sóró diãpaae yó melaalopó. Téturaalu, yālo ere ala wisinaale so wh̄i feané kolópóló, ama h̄akearaalo ai ape.

¹⁵ Yālo Ayané ama t̄eteróló kaae tare ala fea,

yɔlokélé tɛteróló kaae tarapó. Atére betené yɔlo fo diaaɔ kisipa yópóló, Dɛi Kepe Wisiné ama haɔkearóló yó melaalopóló, yɔlo diɔpaae yalepó.

¹⁶ Mo sawa sukamó diaaɔ ɛ kelaalomeitei, sawa beteró, diaaɔ ɛ momó kelaalopó,” yalepó.

Yesuné diaaɔ hosaa seke yaalotei momó haiyaalopó yale fo

¹⁷ Ai fo depa, mepaae ama yó matere whɔrape atimasisitei duraalu, “Sawa sukamó ɔ kelaalomeipó. Téyaalotei, sawa sukamó beteró ɔ momó kelaalopó, dere foró ama Alima beterepaae foletéinépó yale fotamo-a, noa betené yalerópó,” yalepó.

¹⁸ Atimasisitei duraalu, “Mo sawa sukamópó yale fota, noa betené yaleró ɔkélé kisipani, kóló kólórapó,” yalepó.

¹⁹ Ama ai yale fomó, atimané ɔpaae wosaai mutere kisipa ama kolóló, atimapaae duraalu, “Sawa sukamó diaaɔ ɛ kilini bitiré fóló, sawa sukamó momó kelaalopó yale fomó, diɔsisitei noatepa keɔlaarótu bitu de?

²⁰ Yɔlo diɔpaae mo i dere ape. Diɔta, diaaɔ hosaa tuɔmó dekené sukuturaalu, wole-u du betepa, i haemó betó mole so whɔ atima haɔné sukutu be-taalopó. Diaaɔ hosaa tuɔmó sekené sukutu be-taalotei, momó kisipa felé yóló, haɔtu betaalo ai ape.

²¹ Sorapéné naale saaire be de sókó wapa sisó nukuraalu, ama tikimó doasi dele sua dapó. Téteretei, ama naale só mulóló, kɔlipaae naalené tiki kolóló hekeseturaalu, ɔ doasi dele sale ala kisipa keterótua dapó.

22 Atétere kaae, mió di꜏ dekené ai sukutu betere ape. Té꜏atei, ę momó di꜏ beterepaae wale sukamó, diaa꜏ ę kilitu dere ha꜏ mené tokóló aluranénipó.

23 Atétere sukamó, diaa꜏ ępaae me wosetere fokélé mo yaalo meipó. Yało di꜏paae mo dapó. Diaa꜏ yało doimó Ayapaae me ọlakó kematepa, ti ai wh꜏paae ama mo melaalopó.

24 Take bitiré woukélé, diaa꜏ yało doimó me ọla kematere alakélé mo inipó. Té꜏apa, mió bitutamó me ọlakó kematepa, ti ai ọla suraalu, di꜏ tuamó ha꜏tere ala mo turó fa꜏yaalopó.

25 Taketa, yało di꜏paae kinóló mole ala fo salepaae dó faróló deté waletai, nalo waaire sukamó yaaitere alata, fo salené ini, yało Ayané ama ere ala etérapóló, mo ha꜏kearóló yaalopó.

26 Ai be demóta, diaa꜏ yało doimó ępaae kema yaalopó. Yało i du betere fota, di꜏amó yało Ayapaae woseraalopóló dumipó.

27 Téyaalo meipa, diaa꜏te i ępaaetóró wosae. Ti noatepae, diaa꜏ ępaae yaala sókó fóo, ęta Kótótamo betóló wale wh꜏póló ępaae kisipa tiki tiróo ereteiné, yało Ayané ama di꜏paae hosaa muóló yaala sókó fu beterapó.

28 Take ę yało Ayatamo beteró, i haepaae walepó. Mió ę i hae taaróló, momó yało Aya beterepaae fulapó,” yalepó.

29 Ai fo depa, ama yó matere wh꜏rapené ępaae duraalu, “Mióta naao ọpaae fo salepaae dó faróló dumi, mo ha꜏kearóló dapó.

30 Mió ọané kisipare ala bet꜏ ipó. Fea ala naao kisiparu ha꜏keamó yó mótu betereteiné, mené ya꜏paae momó wosetere ala kae enénipó. Atérené

yąta, Kótótamo betóló wale whıpóló dąné kisipa tiratapó,” yalepó.

³¹ Ai fo depa, Yesuné atimapaae duraalu, “Dią tuę tiki tirópóló kaae taté waletei, mióti ępaae diaaę tuę tiki ai tiratere ape!

³² Téretei, diaaę be dokę dapo dapo yóló furaalu, ę wotoró betepa taaróló faaire be dę mió i sókó wale ape. Téyaalotei, ę wotoró bitini, yąlo Ayatamo wusuró betepapó.

³³ Yąlo diąpaae i yale fota, dią ę tuąmó hosaa muni deyóló dua beterópóló yalepó. Dią i haemó bituraalu, kae kae sekęi ala siré fu betaalotei, i haemó mole alarape fea yąlo mo ti doróló tęteró betepapó. Atęrapa dią furu furu ini, hosaa diriyóló dua betae,” yalepó.

17

Yesuné Alimapaae momayale fo

¹ Yesuné ai forape yale kılıpaae ó hepen-paae kese holóló momaturaalu,

“Aya-ó, mió kale tukóló muló betere be dę i sókó walapa, naao Naalené yą tuąmó ere ala wisinaale so whı feapaae hąkearópóló, naao ama ere ala wisi hąkearae.

² Ti noatepae, i haemó betó mole so whı fea tęteróló kaae tanópóló, naao ę sóró beteralepó. Naao ępaae ai melale so whıpaae mo ti betaaire bete melópóló, naao fotokę ę sųmó melalepó.

³ Mo ti betere bete i ape. So whıné yąta, mo betą betere Kótópóló tuę yóo, naao dotęyale whı Yesu Kerisokélé tuę yóo, dere alata, mo ti betere betepó.

⁴ Naao ɛpaae i haemó dirae yale kutó fea yalo diyóló kemeraleteiné, naao ere ala wisinaale i haemó betere so whiné kolópóló, haķearalepó.

⁵ Aya-ó, i haekélé kaaraaipa ɔamo wusuró bitu, naao ere ala wisi haķearótu yale kaae, mió ɛ i hae taaróló ya beterepaae fesaae wóló betepakélé, ai ala momó eraasepóló dapó,” yalepó.

Yesuné ama yó matere whırapemó momarale fo

⁶ “Aya-ó, i haemó betó mole so whı kuamó, mepaae naao sóró ɛpaae melale so whıpaae ti naao ere ala wisi yalo haķeamó erótu betalepó. Atimata take naao so whı betaletai, naao sóró ɛpaae melalepó. Atéyale so whiné naao fo mo betá wosóló, erótu betalepó.

⁷ Naao ɛpaae melale alarape feata, ya betemó kaayóló walepóló, mió atimané tuɛrapó.

⁸ Ti noatepae, naao ɛpaae yó melale fo fea yalomo atimapaae yó matepa, atimané mopóló wosalepó. Atéturaalu, ɛ yaıtamo betóló naao ɛ dotonatepa wale whıpóló, atimané ɛpaae kisipa tiralepó.

⁹ Naao atima tao sópóló, yalo momarótu beterapó. Yalo i dere momata, i haemó hale betó mole so whımó dumitei, naao sóró ɛpaae melale so whımó kisipa mutu i detere ape. Ti noatepae, atimata mo naao so whıtórótípó.

¹⁰ Naao so whıta, ti yalo so whıtórótípó. Yalo so whı fea ti naaotórótípó. Atimapaae erale ala so whı feané kilitu, yalo ere ala wisinaale haķearalepó.

11 Mió ę i haemó doa ƒolo sukamó betaalomeitei, i whĩrape atimata i haemó hałe betepa, ę ya beterepaae walapó. Mo kae betere Aya-ó, i whĩrape atima me ala yaqsóro, naao ere ala tuamó beteroóló kaae tawae. So whĩné naao ere ala wisinaale kisipa yópoló, naao doasi doi mole fotokóné ę tuapaae eralepó. Térapa, ɔamo mo betatóro biture kaae, atimakélé atérótoró beteroóló, naao ę male doiné tetéroóló kaae tawae.

12 Ę atimatamo betamó betale sukamó, naao ępaae melale doiné atima mo wisiyóló kaae tawalepó. Atéro, kaae tawale sukamó mo betá whĩkókélé alunipó. Kale asemó ere fo dokonóturaalu, aluyaaı yale whı ą betá mo ti aluyalepó.

13 Mió ę ya beterepaae waai, i haemó atimatamo betere féli, ę tuamó mole haĩtere ala mo turó atima tuamókélé mulópoló, i forape atimapaae du beterapó.

14 Ę i hae tale bitiniru ere kaae, atimakélé i hae tale bitinipó. Naao ępaae erae yale fo yało atimapaae yó melalemó, i haemó betó mole so whĩné atimatamo bóe dóló hõralepó.

15 Aya-ó, yało i dere momata, atima i haemó betereitei tokó sóro, naao kae tikipaae beterae yóló dumitei, dowi kepené atima doraqsóro, seséyae yóló ɔapó.

16 Ę i hae tale bitinirure kaae, atimakélé i hae tale bitinipó.

17 Atima me alatamo hoseké yóló betaqsóro, mo fonéitei atima kae sóro beterae. Naao fota me kae meı, mo bete mole fopó.

18 Ẹ i hae so wh̄tamo beterōpóló, naao ẹ i haepaae dotonótu yale kaae, i wh̄rape atimakélé, i haemó betó mole so wh̄tamo beterōpóló, yalo dotonatapó.

19 Atimakélé me alatamo hosekényi, mo kae beterōpóló, ẹ mo naao alatóró eraai kisipa mutu, yalotei ẹ kae sóró beteratapó,” yalepó.

Yesuné i haemó betó mole so wh̄mó momarale fo

20 “Yalo i dere momata, i wh̄rape atima maaté tao sópóló dumitei, mepaae so wh̄i de atima yó matere fo wosóló, ẹpaae kisipa tiraaire so wh̄mókélé i dere ape.

21 Aya-ó, yalo i dere momata, ẹ ya tuámó betóo, ya ẹ tuámó betóo iru, mo betatóró biture kaae, atimakélé fea atérótóró beterōpóló yae. I haemó betó mole so wh̄iné ẹ naao doteyale wh̄ipóló kisipa tirópóló, atima dāmo tuámó beterōpóló yae.

22 Naao ere ala wisinaale hakearóló ẹpaae melaletei, yalomo atimapaee melalepó. Até yaletaita, dāmo mo betā kisipa muóló biture kaae, atimakélé atéro beterōpóló yalepó.

23 Naao ẹ doteyóo, ẹpaae yaala sókó fóo, ere ala atimapaekélé eró beterapóló, i haemó betó mole so wh̄iné kisipa yópóló, atima fea mo betā faketóró alerae.

24 Aya-ó, naao ẹpaae melale so wh̄i ẹ betere tikimótóró betámó bitu, ẹ tuámó ere ala wisinaale atimané kolópóló kisipa mutapó. Ti naao ai ere ala wisinaaleta, take sāró

haetamo kaaraaipatei, yaala sókó furaalu, ɛpaae melalepó.

²⁵ Mo donoi ala maaté yó tare Aya-ó, i haemó betó mole so wh̄iné yá tuɛn̄itei, yálo yá tuɛrapó. I wh̄irape atimanéta, naao ɛ dotɛyalepóló kisi-parapó.

²⁶ Naao ɛpaae yaala sókó fole ala atima tuamó muóo, ɛkélé atima tuamó betóo erópóló, yálo yá etei kaae Tale beterapóló, atimapaee h̄akearóló yó maté wou betalepó. Ai ala taaréni, miókélé h̄ale detétóro fu betaalopó,” yalepó.

18

Yesu daai tawale fo

(Mat 26:47-56, Mak 14:43-50, Luk 22:47-53)

¹ Atéror, Yesuné moma yóló kemetepa, ama yó matere wh̄irape atima betere tiki taaróló, Kidron ho tɛyóló felepó. Ai ho uté fakeró *Olip* nirape daae mulapó. Yesuró ama yó matere wh̄irapetamo ai ni daae mole tikimó sókó felepó.

² Ai hae tikita, Yesu dópóló eleké deyaaire wh̄i Judas-né ama mo tuɛrapó. Ti aita, Yesuné ama yó matere wh̄irapetamo suka fea touraleta du betale tikipó.

³ Atéror, kale Judas ɛ ai ni daae mole tikimó sókó walepó. Ƀ atéror wale alata, ama wotoró mei, mepaae diki tare wh̄irapekélé, Farisi wh̄iraperó so wh̄imó momarateré topo wh̄irapené sóró betéro betere wh̄irapetamokélé, dapesó walepó. Ai wh̄irape atima feané mo s̄akélé, *lamp* s̄akélé, bóe dele ɔla ɔlarapekélé, fea tawóló walepó.

⁴ Yesuné ɔpaae eraaire ala fea ama kisipa irutei, ɔ sókó fóló atimapaee duraalu, “Diaaɔ ai-a, de kekitu bitu de?” yalepó.

⁵ Ai fo depa atimané duraalu, “Daɔa Nasaret be whikó Yesu keketapó,” depa, ama duraalu, “Ai whiɔta ɛtóróti i ape,” yalepó. Ai wale whirapetamo Yesu dópóló, eleké deyaaire whi Judas-kélé daalepó.

⁶ Yesuné ai whiɔta, ɛtóróti i ape dere fo wosetu-raalu, atima sisóné fele tikimó, dée nalepó.

⁷ Atétepa, Yesuné atimapaee momó wosetu-raalu, “Diaaɔ ai kekitu betere whi-a, de?” depa, atimané duraalu, “Nasaret be whikó Yesupó,” yalepó.

⁸ Yesuné kale whirapepaee duraalu, “Ai whiɔta, ɛtóró i ape yóló yało taketi diɔpaee inié? Di-aaɔtamo ɛ kikitu betepa, ti i whirape atima hałe fópóló yae,” yalepó.

⁹ Ti ai yale alata, take Yesuné “Naao ɛpaee melale whirape mo betakélé alunipó,” yale fo mo dokonóturaalu yalepó.

¹⁰ Téró, Saimon Pitané fɔloi sepake be dolomó deró betereitei sókó sóró, so whimó Talepaee momaraterere topo whiné kutó diraterere whiné tururó woséli saae deralepó. Ai whiné ama doita Malkuspó.

¹¹ Yesuné Pitapaae duraalu, “Naao ai sepake sóró momó be dolopaae bulae. Naao kisipané yało Ayané ɛ melale wei wutimó belereitei yało naalomeipóló de?” yalepó.

Fo tekɔai Yesu Anas beterepaee dapesó fele fo

12 Téró, diki tare wh̄raperó atimané topo wh̄tamó yóo, mepaae Juda topo wh̄rapekéle yóo yóló, Yesu tawóló halika tikiné dokalepó.

13 Atéró, atimané ą folosóró Kaiapas-né nouma Anas beterepaae dapesó felepó. Kaiapas ąta, ai ba fo tuąmó so wh̄imó Talepaae momaratere wh̄rapené topo wh̄i beterepó.

14 I seké Kaiapas-ta, take Juda so wh̄ipaae duraalu, “Dą Juda so wh̄i me ala yaqsóró, betą wh̄i sukutepa mo wisirapó,” yale wh̄ipó.

Pitané Yesu ą kisipanipó yale fo

(Mat 26:69-70, Mak 14:66-68, Luk 22:55-57)

15 Atéró, Yesu dapesó fupa, Saimon Pitaró ama yó matere wh̄i metamo Yesu sya fu betalepó. Kale mo so wh̄imó Talepaae momaratere topo wh̄iné Yesuné yó matere me wh̄i ama wisiyóló tuęreteiné ai bolaare tipi tuąpaae doropópóló yalepó.

16 Téyaletéi, Pita ą ai tipi tų serekemó daapa, kale me yó matere wh̄i momó fesaae wóló, tų kaae tare senaalepaae Pitakélé ipaae wópóló yae, yalepó.

17 Atéró, kale tų kaae tare senaalené Pita-paae woseturaalu, “Yąkélé ai wh̄iné yó matere wh̄ikóe?” depa, Pitané kale senaalepaae tokó mótu duraalu, “Ęta, ai wh̄iné yó matere wh̄i meipó,” yalepó.

18 Atéró, kale mepaae kutó diratere wh̄raperó mepaae doasi diki tare wh̄rapetamo atima sosóli depa, si nokeyóló simó boperóló daae molepó. Atéró daae mupa, Pita ąkélé sosóli depa, atimatamo simó daalepó.

Momaratere topo wh̄iné Yesutamó fo tekąletéi

(Mat 26:59-66, Mak 14:55-64, Luk 22:66-71)

19 Atima atéro simó betó mupa, mo so whimó Talepaae momaratere topo whiné Yesupaae woseturaalu, “Naaó yó matere whirape-a, deé? atimapaae naao noa fo yó maleé?” yalepó.

20 Ai fo depa Yesuné duraalu, “Yalo fo mekó kinoló yó meni, so whi feané wosópóló, hakeamótóró yó mótu betalepó. Yalo yó male fota, Kale Juda fake so whi fea touraleta dere fo wosetere beraperó, moma dere betamo tuamótóró yó mótu betalepó.

21 Téyalepa, naao epaae noatepa wosete? Yalo yó matere fo wosale so whiné tuęrapa, atimapaae wosae,” yalepó.

22 Yesuné ai fo depa, Juda topo whiné sóró beteró betere whi betą ą daale felekemó daai sókó wóló, ama kelepaaemó deké sóró duraalu, “So whimó Talepaae momaratere topo whipaae atei kaae fo dua de?” yalepó.

23 Atétepa Yesuné duraalu, “Yalo me dowi alakótamo itikimó, ti i so whi feané keletómó yalo yale ala hakearóló yae. Téní, yalotamo ąpaae mo fo itikimó, ti naao ę hąle noatepa dile?” yalepó.

24 Atéro, Yesuné ama naase hąle dokopatei, kale whi Anas-né ą Talepaae momaratere topo whi Kaiapas beterepaae fópóló doteyalepó.

25 Atima ai ala du betepa, kale whi Saimon Pita ą simótóró hąle daapa, mené ąpaae duraalu, “Yakélé ai whiné ama yó male whi meié?” depa, Pitané duraalu, “Ai whita ę meipó,” yalepó.

26 Tétepa, momaratere topo whiné kutó diratere whi betą beterepó. ąta, take Pitané wosęli tikale

sekéné ama fake whípó. Ai sekéné Pitapaae wose-turaalu, “Yáta, u *Olip* ni daae mole tikimó daapa kelale whi-a, kaeé?” yalepó.

²⁷ Ai fo depa Pitané momó meipó, deretamotóró wá *kakaruk* bané hale yalepó.

Yesu topo whi Pailat beterepaae dapesó fele fo (Mat 27:11-23, Mak 15:2-15, Luk 23:1-5, 18-25)

²⁸ Dilikitamo ai ala deté wóló, hika be dętamo Yesu ą kale topo whi Kaiapas-tamo betepa, Juda topo whirapené Rom *Gavman* topo whiné bepaae dapesó felepó. Téyaletei, atima kale boseneyóló fele be dęmó detere ąla naaireteiné ai be dolopaae feni, belamó daae molepó. Ti noatepae, atima Juda meire whiné bepaae fupa, ai detere ąla naalomeipó, yaqsóró yalepó.

²⁹ Atéró, kale Pailat ą belapaae tóę doropóló, atimapaae duraalu, “I whita, noa dowi alakó itikimó fo tokótamo yóló diaaę ą só deraai de?” yalepó.

³⁰ Ai fo depa, atimané ąpaae duraalu, “Am-atamo *Gavman* whiné yóló muló betere fo tik-iuąmeisóró, ti dąné yąpaae dapesó uąmeipó,” yalepó.

³¹ Tétepa Pailat-né atimapaae duraalu, “I whıtamo fo tekąai depa, ti diaaę yóló muló betere fo sya fóló, diaaętei taleyaasepóló dapesó fae,” yalepó. Ai fo depa, atimané ąpaae duraalu, “Me whi dowi ala depa, taleyóló sukópóló dae fo *Gavman* whiné dąpaae inipó,” yalepó.

³² Yesu hąle bitutei, ą itéro sukąalopóló taketi yóló mulale fo dokonópóló yalepó.

33 Atéró, kale Pailat ʔ ama bepaae momó fesaae fóló, Yesu ʔ beterepaae dapesó ape, yóló wosetu-raalu, “Yʔata, Juda fake so wh̄i t̄eteróló kaae tare topo wh̄ié?” yalepó.

34 Tétepa, Yesuné ʔpaae duraalu, “Eʔpaae ai wosetere fota, naao kisipanétei dépé, mené ʔ etei kaae wh̄ipóló yʔpaae depa de?” yalepó.

35 Ti fo depa, Pailat-né ʔpaae duraalu, “Naao kisipané ʔta, Juda wh̄ikó betepa de? Naao so wh̄iró so wh̄imó Talepaae momaratere topo wh̄irapetamoné yʔ só deraai, ʔ beterepaae dapesó walepó. Téyalepa, naao atimapaee noa dowi alakó eraleé?” yalepó.

36 Ai fo depa, Yesuné duraalu, “Yʔalo t̄eteróló kaae tare alata, i haemó diaaʔ t̄eteróló kaae tare ala kaae mei, yʔalo t̄eteróló kaae tare alata, mo kaepó. Eʔtamo diaaʔ t̄eteróló kaae tare ala tuamó bituʔsóró, ti Juda wh̄irapené ʔ daai depa, yʔalo kutó diratere wh̄irapené bóe duʔpó. Tépateti, yʔalo t̄eteróló kaae tare alata, kae tikimó kaaróló walepó,” yalepó.

37 Ai fo depa Pailat-né duraalu, “Tépata, yʔ t̄eteróló kaae tare topo wh̄i mo airapó!” depa, Yesuné ʔpaae tokó mótu duraalu, “Naao ʔpaae topo wh̄ipó dere fota, mo dono dapó. Eʔ Talené so wh̄i t̄eteróló kaae tare wh̄i topo wh̄i betaai, i haepaae woó, ʔ i haemó mo soné deyóo, yalepó. Atépa, mepaae mo ala tuamó betaai ketek̄e butu betere so wh̄inéta, yʔalo dere fo mo dapóló wosetu betepapó,” yalepó.

38 Ai fo depa, Pailat-né faletere fo kaae yóló duraalu, “Mo fo betepó dere-a, noaé?” yalepó. Ai fo

yóló, kale Pailat ą Juda so whı daae mole tikipaae tóę doropóló, atimapaae duraalu, “Ą só deraaire bete tale yalemó, me alakélé mupa kilinipó.

³⁹ Téretei, diaaę mara mole ala sya furaalu, kale bosenyóló fele be demó ęla detere sukamó *dip-ula* betere whırapekó betą fópóló, sokotua dapó. Atétua dere kaae, diaaę kisipané mió i ęla detere be demó Juda so whı teteróló kaae tare topo whı sokaró de?” yalepó.

⁴⁰ Ai fo depa, atimané ąpaae fo fakeyóló duraalu, “Ą meipó. Dąné kisipanéta, Barabas dą beterepaae wópólópa, dotęyae,” du betalepó. Ti Barabas ąta, *Gavman*-tamo alale sóró bóe du betale whıpó.

19

Yesu filipaa eró betere ni tómó oleróló dae yale fo (Mat 27:27-31, Mak 15:16-20)

¹ Téró Pailat-né Yesu dapésó fóló, ama diki tare whırapepaae fokosói ala yae yóló malepó.

² Atéró, diki tare whırapené Yesu faleturaalu, mu daai képi topo whıné deratere topo tao sųróló aleyalepó. Téró Yesuné topomó deróo, sonai kutikélé deróo yalepó.

³ Atéró, atimané momó dęle momó dęle yóló duraalu, “Juda so whı teteróló kaae tare topo whı-ó, dąné naao doi i sóró horatere ape,” yóló faletu betalepó.

⁴ Ai alarape yóló kemetepa, Pailat ą momó Juda so whı betó molepaae fóló duraalu, “Yąlo ama yale ala taleyalemó, ą só deraaitere bete mekéle munipa, i dapesó walapa kelae!” yalepó.

⁵ Atéró Yesu faleturaalu, ą topo whı́póló de-rale mu daai topo taoró sonaai kutitamo deró betepatei, belapaae dapesó dorowalepó. Atéró daapa, Pailat-né atimapaae duraalu, “Mió kale whı́ i daalapa kelere?” yalepó.

⁶ Atéró, kale so whı́mó momaratere topo whı́raperó atimané sóró beteró betere whı́rapetamoné Yesu dapesó wale kilitu, fo fakeyóló duraalu, “Filipaa ni tómó olerae!” yóló eneta du betalepó. Ai fo depa, Pailat-né atimapaae duraalu, “Yąłota, ą só deraaire bete mekéle munipa, diaaątei ą filipaa ni tómó olerae,” yalepó.

⁷ Atétepa, kale Juda fake so whı́ feané ąpaae seýóló duraalu, “Amatei ą Kótóné naalemapó du betepa, ąné yóló muló betere foné, etei kaae fo dere whı́ sukópóló dae fo erapó,” yalepó.

⁸ Pailat ą taketa sawa wiyaleteti, atéró dere fo woseturaalu, mo doasi winé sukąlepó.

⁹ Atéró, ą kale *Gavman* topo whı́né bepaae momó fesaae fóló, Yesupaae woseturaalu, “Yą mé be huluapaae wale whı́é?” yóló wosetepa, Yesuné ąpaae me fokélé tokó menipó.

¹⁰ Atétepa Pailat-né ąpaae duraalu, “Yąlo yąpaae wosetere fo naao tokó menitere-a, yą fópóló dotęyaaitere ala ó, filipaa ni tómó oleraaitere ala yópóló, ę sóró beteró betere yą kisipa inié?” yalepó.

¹¹ Ai fo depa, Yesuné duraalu, “Óté taoró betere Kótóné teteróló kaae tare fotokó yąpaae móluąmeisóró, ti naao ępaae me alakélé eróluąmeipó. Térapa, ę naao naase tuąmó mulale

whiné ama yale dowi alanéta, naao dowi ala mo teraae falapó,” yalepó.

¹² Atéro, kale Pailat-né ai dere fotóro wosetu-raalu, ą fópóló sokaaire tu kikitu betalepó. Tétu betepa, Juda fake so whiné fo faketóro hąle yó taru duraalu, “Naaotamo ą fópóló dotonatepa, ti ya Sisatamo beta kutó ditere whi meipó. Whi me de amatei, ą topo whi betaai dapóló wóputu betepa, ti ai whiné Sisatamo bóe dilapó,” yalepó.

¹³ Atéro, Pailat-né ai dere forape wosetu, Yesu belapaae dapesó doropóló, Pailat ą fo tokótamo yóló taletere tikimó betalepó. Ai belané doita, kapo fake whamene tikipó. Hibu foné ti Kapata doi mulapó.

¹⁴ Ai alarape yaletaita, kale bosenyóló fele be de ąla detere *fula*-mó, ąla dótóro deyaairaaalu, ąla ąla taleyóló mulatere be demó 12 *kilok* sukakelemó yalepó. Atéro, kale Pailat-né Juda so whipaae duraalu, “Dią teteróló kaae tare topo whi i daalapa, kelae!” yalepó.

¹⁵ Ai fo depa, atimané duraalu, “Dąné ą keletere hórąpa filipaa ni tómó olerai dapesó fae yóló, dotopoi fo du betalepó. Tétępa, Pailat-né duraalu, dią teteróló kaae tare topo whi ą filipaa ni tómó oleraróe?” yalepó. Ai fo depa, kale mo so whimó momaratere topo whiné duraalu, “Dą teteróló kaae tare whita me kae mei, Sisa beta betęrapó,” yalepó.

*Yesu filipaa ni tómó olerale fo
(Mat 27:32-44, Mak 15:21-32, Luk 23:26-43)*

¹⁶ Ai alarape yóló kemene furaalu, Yesu filipaa ni tómó olerae yóló, Pailat-né atimané naase tuamó mulalepó.

Atétepa, kale diki tare whırapené  dapesó felepó.

¹⁷ Atéro furaalu,  oleraaire ni fake amatei beleyóló oleraaire tikimó sókó felepó. Ai hae tikiné doita, sukale whıné topo diripó. Hibru whırapené du betere foné ti Kolkotapó doi mulapó.

¹⁸ Aimó atimané  filipaa ni tómó oleralepó. Atéro whı tamokélé, me whı ité dero óleróo, whı me uté dero óleróo, yalepó.

¹⁹ Atéyale kılipaae Pailat-né kale filipaa ni topomó  i betené dalepóló etei fo aseýóló oleralepó.

ITA, NASARET BE WHİKÓ JUDA SO WHı TETERÓLÓ
KAAE TARE TOPO WHı YESUPÓ

²⁰ Yesu dóló olerale tikita, ai be hulua felekemó ereteiné Juda fake so whıné ai aseýóló oleró betere fo dosatu beterepó. Ai aseýale fota, Juda so whı feané dosayópóló, Hibru whırapené du betere fonékélé, Rom fonékélé, Krik fonékélé, erepó.

²¹ Atéro, mo so whımó momaratere Juda topo whırapené Pailat-paae duraalu, “Juda fake so whı teteróló kaae tare topo whıpóló, aseyaose. I whıné amatei duraalu ta, Juda fake so whı teteróló kaae tare topo whıpó, yale fo maaté aseýóló olerae,” yalepó.

²² Ai fo depa, Pailat-né duraalu, “Yalo aseýale fo momó kae fisikini, ai fotóro atéro mulópólópó,” yalepó.

²³ Atéró, mepaae diki tare wh̄rapené Yesu filipaa ni tómó olerale k̄lipaae douró diki tare wh̄rapené ama kutirape atima bet̄a bet̄a yóló salepó. Atéyaletei, Yesuné deróló sókó fatere boló kuti bet̄a h̄ale muni felepó. Ai kutita, me kwiatamo dekaaporóló dokoni, mo bet̄anétóró dokorepó.

²⁴ Atéró, kale diki tare wh̄rape atimasisitei duraalu, “I kutita, terekeyóló kukwia saalomeipó. Bet̄a wh̄iné saairaalu, atima dok̄o fea ni kwia siri mulóló, melaa yóló saalopa siépe yae,” yalepó. Ai alarape yaleteita, i as̄ere fo dokonópóló yalepó. Ai fo i ape.

“Ȳalo kutirape atima sóró, bolómó deró betere f̄olo kuti bet̄a muni fupa, ni fakerape fesekée deróló salepó,” erapó.

²⁵ Atéyale k̄lipaae, Yesuné ama hama Mariakélé, hamané kemakélé, Klopas-ne soma Mariakélé, Maktala sokó Mariakélé, Yesu oleró betere felekemó daae molepó.

²⁶ Aimó Yesuné hamaró ama hosaa mole yó matere wh̄itamó daapa kolóló, hamapaae duraalu, “Ȳalo hosaa mole hae ti so-ó, ai daale wh̄ita, naao naale ai ape,” yalepó.

²⁷ Téró, ama ai yó matere wh̄ipaae duraalu, “Āta naao hae ai ape,” yalepó. Ai sukamó kaae sóró, ama ai yó matere wh̄iné Maria ātamo betaairaalu, dape salepó.

Yesu sinale fo

(Mat 27:45-56, Mak 15:33-41, Luk 23:44-49)

²⁸ Nalo kale yaalopó yóló mulale ala fea kemeyalepóló kisipa mutu, kale as̄eyóló muló betere

fo dokonópóló, Yesuné duraalu, “Ę wei nokoler-apó,” yalepó.

²⁹ Atéró, aimó betá kęlaai *wain* wei wuti ęanóló mupa tepeyóló, kęlaai *wain* wei wépi kaae ęlamó tópuró sóró kape siki kaae ęlamó haka sóró, ama kólómó hamunalepó. Ai kape siki kaae ęlané doita, *hisop*-pó.

³⁰ Atéró, Yesu ai wei nóló duraalu, “Kale eraai yale ala fea mió sümó eróló kemeralepó,” yalepó. Atéró, ama topo haepaae hemée deyóló ama kepe bete Talepaae melóló sukęlepó.

³¹ Atéró kale filipaa ni tómó olerale whęrape hęle olepatei, ęla deyaai dęle muló betere be dę sókó waęsóró, i ala yalepó. Dótóro ęla deyaaire be dę sókó waaipa, ęla ęla taleyóló mulatere be demó, kale oleró betere whęrape hó diri kolokóló teke-tapóló, Juda topo whęrapené Pailat-paae wosene felepó.

³² Ai fo depa, kale diki tare whęrape fóló, kale folosóró ité olerale whęné hó diri kęayóo, uté olerale whęné hó dirikélé kęayóo, yalepó.

³³ Téyaletei, Yesu kelalemó, ę taketi sukętikimó atimané ama hó diri kęanipó.

³⁴ Aténi, atimakó betá diki tare whęné ama fisinimó wuti deyalepó. Atéyale tikimó, ama ęakeró weıtamo mo wei kaae suniyóló dorowalepó.

³⁵ Ai alarape depa kelale whęné ama mo kelale alatóro hękearóló yó male fota, mopó. Ama ai du betere fo diaaękélé mopóló kisipa tirópóló, hękeamó yó mótu beterapó.

³⁶ Ai yale alarape feata, kale ašemó i ere fo dokonóturaalu, yalepó. Ai fo i ape.

“Ama diri mo betakélé kaayaalomeipó,” erapó.

³⁷ Me asere fo i ape.

“Atimané ama tikimó wutiné deyale whi kelené kikéyóló kaae tawaalopó,” erapó.

Yesu kane dolomó mulale fo

(Mat 27:57-61, Mak 15:42-47, Luk 23:50-56)

³⁸ Atéro, ai ala kemetepa etéyalepó. Arimatea be whikó Josep akélé Yesuné yó matere whitei, Juda topo whirape kolóló wituraalu, ama tué tiki tiró betere ala hakeamó yó menipó. A Pailat beterepaae fóló, Yesuné tiki tekaai dapóló, wosalepó. Téyalemó, kale Pailat-né apaae téyae depa, ama tiki tokóló só felepó.

³⁹ Mo take dilikitamo Yesu beterepaae fele whi Nikodimas-ró Josep-tamo wusuróné Yesuné tiki tokóló só faai dere ala fea yalepó. Atéro, betá ni fe *mur*-ró mepaae felé kɛlaa wale ɔlarape *aloes*-tamo hosekéro betereitei, Nikodimas-né sóró felepó. Ai ɔlané seke ɔleta, 34 *kilogram*-rópó.

⁴⁰ Atéro, kale whi tamoné Yesuné tiki sóró felepó. Atéro doumó mulaairaalu, *linen* kutimó mepaae felé kɛlaa wale ɔlarape terepeté fóló, Yesuné tiki bopeyalepó. Aita, atima Juda whirape douróturaalu dere ala sya fóló yalepó.

⁴¹ Yesu olerale tiki felekemó, betá kutó erapó. Ai kutó tuamó whi mo betakélé dou erénire, kisi dou wisinaale aleyóló muló beterepó.

⁴² Ti dótóró kale Juda fake so whi sa nóló be-taire be de ereteiné kale doukélé mo felekemó epa, ɔla ɔla taleyóló mulatere be demó ama tiki aimó douralepó.

20

*Yesu mulale kane dolo hãlepa kelale fo
(Mat 28:1-8, Mak 16:1-8, Luk 24:1-12)*

¹ Atéró, fula kaae sere be ðemó hika be teó ðeteretamo Maktala sokó Maria Yesu mulale dou tópaee felepó. Atéró kelalemó, ą mulóló fokonale kapo fake tukwe fóló, tumó mupa kelalepó.

² Atépa, kale so ą Saimon Pitaró Yesuné ama hosaa mole yó matere whi metamo beterepaae sururuyóló fóló duraalu, “Tale atimané mopaae sóró fóló mulaleró ða tuénipó,” yalepó.

³ Tétepa, Pitaró kale me whitamo atima betere tiki taaróló, sururu yóló whi dou tópaee felepó.

⁴ Atimaamo wusuró sururuyóló feletei, Pita taaróló kale me whi ąpi fóló, kale dou tómó sókó felepó.

⁵ Atéró ąpi fóló, hemée deyóló kelalemó, Yesu bopeyóló mulale ðei *linen* kuti betą mupa kelalepó. Téyaleteti, ą dou dolopaae fenipó.

⁶ Atépa, nalo Saimon Pita sókó woló, kale dou dolopaae fóló kelalemó, mepaae ðei kutirape betą molepó.

⁷ Yesuné ama tiki bopeyóló mulale ðei *linen* kuti kae mulóo, ama topo boperóló mulale kuti kolokóló kae mulóo epa kelalepó.

⁸ Kale folosóró dou tópaee ąpi sókó fóló, daale whi ąkélé nalo dou dolopaae derepelepó. Dou dolomó ai ere ala kilitu, ama tué tiki tiralepó.

⁹ Yesu ą sukóló momó kepa yaalopóló, ašemó ere fo mo dokonalérápóló, kisipa sinipó.

*Yesu Maktala sokó Meripaae yó male wale fo
(Mat 28:9-10, Mak 16:9-11)*

10 Téró, kale whĩtamo momó bepaae fesaae felepó.

11-12 Téyaleteti, kale Maria ą dou até belaró daalu, woletu betalepó. Atétu bitu hemée deyóló, kale whĩ mulale kapo dolopaae kopeyalemó, *enseltamo* mo deĩ kuti deróló, Yesu mulale tikimó beterepó. Me seké topo mulalepaae betóo, me seké hó eralepaae betóo, erepó.

13 Atéru, atimaamoné kale sopaae woseturaalu, “Ti so-ó, yą noatepa wole du bitu de?” depa, ama duraalu, “Atimané ę teteróló kaae tare Tale mopaae mulale feleró ę kóló kóló depa du bitupó,” yalepó.

14 Ai fo yóló, ą fetée furaalu kelalemó, Yesu aimó daapa kelaleteti, kale soné aita, Yesupóló kisipanipó.

15 Tépa Yesuné ąpaae duraalu, “Ti so-ó, yą noatepa wole du bitu de? Yą de keketé kutu bitu de?” yalepó. Ai fo depa, kale soné ama kisipané ai kutó kaae tare whĩ nisyóló ąpaae duraalu, “Doa whĩ-ó, naotamo sóró fipata, ti ą sene faai dapa, mulale tiki betą ępaae yó melaasepé,” yalepó.

16 Tétepa, Yesuné ąpaae “Maria-ó,” depa, ą daalepaae fete fóló, Ereimeiki foné fakeyóló duraalu, “Raboni-ó,” yalepó. Ai fo bete feteyóló yó matere whĩpó.

17 Ai fo depa, Yesuné ąpaae duraalu, “Ę yąlo Aya beterepaae fenipa, naao ę tatere ala taalae. Yątei fóló, ę yąlo Aya beterepaaekélé, diaaq Aya beterepaaekélé, ę teteróló kaae tare Kótó beterepaaekélé, dią teteróló kaae tare Kótó

beterepaaekélé, momó fesaae fulapóló, yało norapepaae ene fae,” yalepó.

¹⁸ Atéro, ai kale Maktala be hulua sokó Maria a fóló, ama yó matere whirapepaae duraalu, “Tale yało mo kelalepó,” yóló ama apaae yae yale forapekélé fea atimapaee yalepó.

Yesu ama yó matere whirape beterepaae wale fo (Mat 28:16-20, Mak 16:14-18, Luk 24:36-49)

¹⁹ Téro, fula kaae sere be demó be diki dere-tamo ama yó matere whirape atima kale Juda topo whirape kolóló wituraalu, atima touróló betó mole be turape kinóló diróló betó molepó. Atéro betó mupa, Yesu atima betó mole tuamó sókó wóló duraalu, “Hosaa muni deyóló dua betere ala dią tuamó mulópóló yae,” yalepó.

²⁰ Ai fo yóló kemetepa, ama naasemó *ikoko* daleteiró fisinimó wuti deyale siritamo atimapaee yó malepó. Atéro, Tale kilituraalu, atima hosaa tuamó doasi hajné sukutere ala mo fayaalepó.

²¹ Atéro, Yesuné atimapaee momó duraalu, “Diaaą hosaa muni deyóló mo dua betó muae. Yało Ayané ę i haepaae wópóló dotonótu yale kaae, yałokélé dią fópóló dotonatapó,” yalepó.

²² Atéro, ai fo yóló kemetepa, ama fomo atima tikipaae sókó faróló duraalu, “Dei Kepe Wisi sae.

²³ Diaaątamo mepaae whiné dowi ala kwia me ąla meipóló hałe kemeratepa, ti Kótónékélé atimané yale dowi ala kwia hałe kemeró beterapó. Diaaątamo mené yale dowi ala kwia me ąla meipóló kemeréni hałe tapa, ti Kótónékélé atimané dowi ala kwia kemeró bitinipó,” yalepó.

Yesu ɔ Tomas-paae yó male fo

²⁴ Yesuné ama yó matere 12 wh̄irapekó bet̄a ama doi Tomas-tei, Didimas-pó, du betere wh̄i Yesu atima beterepaae sókó wale sukamó, mepaae yó matere wh̄irapetamo bet̄amó bitinipó.

²⁵ Atéró, kale mepaae ama yó matere wh̄irapené ɔpaae duraalu, “Tale ɔané mo kelalepó,” yalepó.

Ai fo depa, Tomas-né duraalu, “Yalotamo ama naasemó *ikoko* dale siri kolóo, *ikoko* dale doloró fisinimó wuti deyale dolotamomó yalo naase kesekée falóo initepa, ti diaaɔ dere fo wosóló, mo dapóló yalo tué tiki tiraalomeipó,” yalepó.

²⁶ Atéró, *fula* bet̄a kemeyale kilipaae ama yó matere wh̄irape atima momó touróló betale sukamó, Tomas ɔkélé atimatamo bet̄amó beterepó. Atéró, atima t̄u kinóló betó mupa, Yesu ɔ sókó wóló atimapaae duraalu, “Diaaɔ hosaa muni deyóló mo dua betó muae,” yalepó.

²⁷ Téró Tomas-paae duraalu, “Yalo naase ipa, naao kolóló, naase kesekée falóo, yalo fisinimókélé naao naase dou kesekée falóo ene ape. Téró, mió naao kisipa tamo mutere ala taaróló, tué tiki tirae,” yalepó.

²⁸ Ai fo depa, Tomas-né ɔpaae duraalu, “Ē t̄eteróló kaae tare Tale Kótóo,” yalepó.

²⁹ Ai fo depa, Yesuné ɔpaae duraalu, “Naao ɛ mo kelaletiné naao tué tiki tiratapó. Mepaae wh̄i de ɛ kilinirutei, kisipa tiki tiratepa, ti ai so wh̄i atima Kótóné wisiró beterepóló haɣné sukutu betaalo ai ape,” yalepó.

³⁰ Atéro, Yesuné ama yó matere wh̄rapetamo bitu, Kótóné eratapóló kisipa yópóló, kelemei alarape mo dekeró eraletei, fea i *buk*-mó asenipó.

³¹ Tépatei, Yesu so wh̄i t̄eteróló kaae tare wh̄i Kerisota, Kótóné Naalemapóló tuę tiki tirópóló, i alarape fea asęyalepó. Ti ąta, etei kaae Talepóló, ama doimó yó mótu betere fo fea dosąayóló tuę tiki tiróturaalu, dią mo ti betere bete sópóló yalepó.

21

Yesuné kelemei ala eróturaalu ya dekeró sale fo

¹ Atéro ai alarape kemetepa, Yesuné ama yó matere wh̄rape Taiberius w̄ei fókumó betó mupa, ą momó kolópóló, yó male walepó.

² Aimó, Yesuné ama yó matere wh̄i Saimon Pitakélé, Tomas-tei me doi Didimas-kélé, Kaleli hae kwiamó t̄ene Kana be hulua wh̄ikó Nataniel-kélé, Sebedi naalema tamokélé, ama yó matere wh̄i me tamokélé, atima fea touróló betó molepó.

³ Atéro bitu, Saimon Pitané atimapaae duraalu, “Ęta, ya sene fulapó,” depa, atimané duraalu, “Dąkélé fea faalopó,” yalepó.

Atéro, atima fea nukumó betóló felepó. Téyaleteti, ai dilikitamo ya mo betąkókélé sinipó.

⁴ Atéro, Yesu ą mo h̄ikati w̄ei fókumó daapa kelaleteti, ama yó matere wh̄rapené Yesupóló kisi-panipó.

⁵ Tétepa, Yesuné atima fo tekeróló duraalu, “Ti naalerape-ó, yakó saleé?” depa, atimané duraalu, “Meipó,” yalepó.

⁶ Tétepa, ama atimapaae duraalu, “Diaaą h̄aleke wa tao sóró, nuku mole turu naase fakeró derae.

Até depa, ti mepaae ya saalo ai ape,” yalepó. Ama ai yae dere alatóro yalemó, hãleke wamó ya mo dekéro deyaletikimó sekënë tukaaire mo sũnipó.

⁷ Atéro, Yesuné ama hosaa mole yó matere whĩné Pitapaae duraalu, “Aita Talepó,” dere fotóro wosóló, Saimon Pitané tómó deratere kuti take sokóló mulatei kakeróló, wẽipaae tũwó dere-pelepó.

⁸ Atéro, Pita ą wẽimó ąlaaté fu betepa, mepaae yó matere whĩrape atima nukutamó ą sya fu betalepó. Atéro, atimané deraale hãleke wamó, ya fãayóló mupatei, wẽi fókuró nuku fole tikitamo felekereteiné sũyóló só fu betalepó. Ai wẽi fókuró nuku foletikitamo dãleta, 90 *mita* sũpó.

⁹ Atéro, atima i wẽi fókumó sókó walemó, aimó si duku betepa kelalepó. Ai duku betere si keletómó ya biliyó mupa kolóo, *bred* orapekélé mupa kolóo, yalepó.

¹⁰ Atépa, Yesuné atimapaae duraalu, “Diaaą mió sale yarape mepaaekó ipaae sóro ape,” yalepó.

¹¹ Atéro, Saimon Pita ą nukupaae bitĩ holóló kale hãleke wa wẽi fókupaae sũyóló sóro walepó. Aimó dere doakale yarape dosãayalemó, 153-ró derepó. Hãleke wamó doa atei yarape deyaleteti, hãleke wa mo sawa tukó fole alakélé inipó.

¹² Yesuné atimapaae duraalu, “Dią i ąla naai ape,” yalepó. Téyaleteti, ama yó matere whĩrapené ą Talepóló kisipa irutei, atimakó whĩ betãnekélé ya deé? yóló halaainé wosaaitere kisipa munipó.

¹³ Atéro Yesu ą wóló, *bred* o bularape terekeyóló atimamó malepó. Yarapekélé atétóro yalepó.

¹⁴ Aita, Yesu ʔ sukóló kepaayóló bituraalu, ama yó matere whīrapené ʔ kolópoló, tamo dakoróló yó melóló, mió ita, sore dakoróló yó male walepó.

Pitapaae Yesuné ʔpaae hosaa mulée yale fo

¹⁵ Atéró, atima ʔla nóló kemetepa, Yesuné Saimon Pitapaae duraalu, “Jon-né naalema Saimon-ó, naao ʔpaae yaala sókó fole alané i whīrapené yaala sókó fole ala bosene fale?” depa, ama duraalu, “Tale-ó, ʔpó. Yʔlo yʔpaae yaala sókó fole alata, naao ai tuére ape,” yalepó. Ti fo depa, Yesuné ʔpaae duraalu, “Tépa, ti yʔlo *sipsip* hupu malerapemó, ʔla wisiyóló melae,” yalepó.

¹⁶ Yesuné kale fo kaae momó duraalu, “Jon-né naalema Saimon-ó, naao ʔpaae mo yaala sókó fule?” depa, ama duraalu, “Tale-ó, ʔpó. Yʔlo yʔpaae yaala sókó fole ala naao ai tuére ape,” yalepó. Tétepa, Yesuné ʔpaae duraalu, “Yʔlo *sipsip* hupurape naao mo wisiyóló kaae tawae,” yalepó.

¹⁷ Atéró Yesuné ama kale dere fo kaae sore dakoróló duraalu, “Jon-né naalema Saimon-ó, naao ʔpaae mo yaala sókó fule?” fo sore dakoróló deremó, Pitané ama hosaa tuʔmó seke depa duraalu, “Tale-ó, fea ala naao kisipareteiné yʔlo yʔ yaala sókó fole ala naao tuérapó,” Ai fo depa, Yesuné ʔpaae duraalu, “Yʔlo *sipsip* hupurapemó ʔla mo wisiyóló melae.

¹⁸ Yʔlo yʔpaae mo i dapa wosae. Take yʔ kokopei betale sukamóta, kuti naaotei deróló, naao faai kisipa mutere tikipaae fua yalepó. Téyaletei, take nalopaae yʔ oteré yóló betere sukamó, ti naao naase teré ʔ faló betepa, naao kuti me whīné

deróló, ya hõre tikipaaetei dapesó faalo ai ape,” yalepó.

¹⁹ Yesuné etei kaae fo yaleteita, Pita  atéró sukuturaalu, Kótóné ere ala wisinaale kolópóló, haķearaalopóló kisipa mutu yalepó. Atéró Yesuné paae duraalu, “Ya ę sya ape,” yalepó.

²⁰ Atéró Pita  fetée fóló kelalemó, Yesuné ama yaala sókó fale yó matere whı atimaamo sya wou betalepó. Ai whıta, take atima la nale sukamó, Yesu tikimó tiróló bituraalu, “Tale-ó, ya dópóló eleķe deyaaire whı-a, deé?” yóló wosale whıpó.

²¹ Atéró, Pitané ai wale whı kolóló Yesupaae woseturaalu, “Tale-ó, i wale seké  neyaaloé?” yalepó.

²² Tétepa Yesuné duraalu, “Yało kisipané ai whı tamo bitiré fóló, ę momó fesaae wale sukamó sókó fópóló depa, aita naao yaaire ala meipa, ya ę sya wale ala beta yae,” yalepó.

²³ Yesuné paae atei fo yalemótei, mepaae Keriso no nerapené ai yó matere whı  sukalo meipó yalepóló, feapaae deté kweyóló fakeralepó. Téyaletei Yesuné ai whı  sukalo meipóló ini, ama kisipané  haķe bitiré fóló  momó fesaae wale sukamó sókó fópólópó depa, aita Pitapaae naao yaaire ala meipóló yale fomótei yalepó.

²⁴ I yó matere whıta me kae mei, i alarape depa kelalepóló so whı feané tué yópóló, haķearóló aseyaale whıpó. Ai sekéné ama kolóló ai yale fo feata, mo dapóló dané tuérapó.

²⁵ Yesuné kae kae ala mo deķeró yaletei, ai alarape fea imó aseņipó. Mo featamo mené ase

depa, ti i hae kwia tuámó, ai fo asere *buk-rape*
mulaaire tiki sɣyaalomeipóló kisipa mutapó.

**Yesu Kerisoné So Whi Tao Sere Kisi Fo Wisi
The New Testament in the Falopa Language of Papua
New Guinea**

copyright © 2005 Wycliffe Bible Translators, Inc.

Language: (Folopa)

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

 You include the above copyright and source information.

 You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2009-10-31

PDF generated using Haiola and XeLaTeX on 18 Apr 2025 from source files dated 31 Aug 2023

0102a9df-173c-5a64-b766-14ab67a86105